



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Ioannis Schildi[i] De Caucis**

**Schild, Johannes**

**Lvgd. Batav., 1649**

**urn:nbn:de:hbz:466:1-13007**

68

QII

38

Th. 6068.

R













IOANNIS SCHILDI  
DE  
**CAUCIS,**

*Nobilissimo Veteris*  
**GERMANIÆ POPULO**

LIBRI DVO.

*Ex Legato Clem: Principis Ferdin: Ep: Paderb: et Alio,  
nastore: Av 1683.*



*Collegij Sociis Jesu Paderb:*

*Sec. pr. denuo*


*E*

**LVGD. BATAV. 12**

Ex Officina FRANCISCI HACKII.

**clo Ioc xlix.**

*Ferdinandi Fürstenbergij*





B R E M Æ,  
PRIN CIPIS IN CAVCIDE  
CIVITATIS,  
CONSULIBUS,  
SYNDICIS,  
SENATORIBUS,

MAGNO PRO REP. ANIMO  
VERE OPTIMATIBVS

JOANNES SCHILDIUS

Bremensis

D. C. 2.

**P**E r adversa , per prospera , per  
ambigua nationes ad famam re-  
rum , & temporum grassantur  
æternitatem , pulcra spectabi-  
lique cum fortuna dimicatione meren-

\* 2 tes,

## DEDICATIO.

tes, ut admiratione posteritatis, à socordium, & casibus intactorum, secernantur oblivione. Caucos improspera causum extulere, quando vim secum, victoriāmque ferente Romano, didicere fatalis imperia ferre majestatis. Ad supremum re Romana culmen eluctante, id est, Octaviano duces & auspicia sua præbente, cum aquilis inferenti pila frammeas summisere Druso. Quo victoriis immortuo, crudāmque dedignato servitutem Cauco, movit in rebellia Tiberius, & in ea denuò imperii prolato terrore, supergredi magnitudinem fratris, ac domare potius hostilia, quām vincere, connixus, Visurgi cum primis Albique gravis incubuit atque formidandus. Ignoscat tamen incubanti Caucus, ac Romanam numeret inter sua felicitatem. Obstrictum se cladibus, ac deditio- ni, fateatur. Ignobilis quippe futurus, & inglorius, nî per arma Quiritis in litteras ejus, ac per litteras, in secula ivisset. Hostes, quod maximum à mortalibus accipere

## DEDICATIO.

cipere mortales queunt, æternitatem nobis inviti dedere. Triumphatuentes id effecere, ut vici scilicet, ac contusi, solida ac duratura gloria, de profunda temporum triumpharemus oblivione. Quæ, nisi læta illis initia noscitandæ desiderium nationis acuissent, ambigua quoque nostra, & prospera, librorum occupare merita perpetuitatem, infinitæ reliquisset indomabilique vetustati. Nesciretur aliquando commilito Romani, nesciretur in ultionem erectus, ac infusus frequenter in Romana Caucus. Tot pulcra nescirentur, & excelsa, quæ nunc caput exserunt, & altitudini temporum resistunt, absolutissimorum incisa monimentis ingeniorum. Erant enim illa tanti: cùm vincere vicina scirent, bellaturrenti tamen imponere frenos ambitioni, neque maximam gloriam in maximo repositam imperio putare: sed posse magis imperare, quam velle. Profligare pessimos validiorum consultores, iram atque cupidinem, & hinc sce-

## DEDICATIO.

lera, ad quæ facillimè à votorum transi-  
tur immensitate. Laceſſere ferro nem-  
nem, ſed, ſi laceſſerentur, averruncandi  
neque vim ſibi deeffe, neque volunta-  
tem, declarare. Nihil ob jaſtantiam ap-  
petere, nihil ob formidinem recuſare.  
Militiæ muniis, ac meditamentis, im-  
buendo militem, inſidianis ocii deter-  
gere rubiginem: & integrum, neque bel-  
lo debilitatam, provocantibus inferre  
quietem. Denique res perquam raro ſo-  
ciabiles, magnitudinem nationis, ac ju-  
ſitiam, miſcere. Grandia documenta  
ſublimium, gentisque moribus oblui-  
ſantium animarum. Namque ceteris  
ingrata, quæ tuta, Germanis, ac pacem  
intelligere, rarum. Facilius inter armo-  
rum turbida clarescebat: in iis omne  
decus, illa patria, illi penates. At nostri,  
paci pariter ac bello pares, æquabilem  
utriusque vitiis animorum objecere ge-  
nerositatem. Quare non aliam gentis  
Germanicæ nationem invidiæ dicerem  
exſtitifſe capaciorem: nî me, qui ſollici-  
tat

## DEDICATIO.

tat alios, adversus domestica dehortare-  
tur ac inhiberet affectus. Etenim glo-  
riam populi, atque magnitudinem, ni-  
mius attereret indigena laudator. Sed  
pro me Tacitus dicit. Ille Tacitus, cuius  
admirando lexitato, de nostrorum ho-  
minum magnitudine, judicio, intravit  
animum cupido meum, cetera quoque  
Caucidis aperiundi. Nationis incuna-  
bula, fines, exilia publica, solum, habi-  
tationes, rempublicam, instituta, reli-  
giones, expeditiones, inspicienda pro-  
ponere seculo conamur. Appetitæ Ro-  
mano, circumventæ, sibi restitutæ, repe-  
rire conamur, ac repræsentare, caussas.  
Cum nimia subinde commissi vetustate,  
neque conantibus autorum idonea sub-  
veniente manu, qualiacunque mutua-  
mur ab ingenio præsidia, ac per ancipi-  
tia vesti, reliqtam opinandi licentiam  
amplexamur. AT CVNCTA, MA-  
GNIFICI AC NOBILISSIMI  
PROCERES, VESTRI SACRA  
SVNTO CLARITVDINI NO-  
MINIS,

DEDICATIO.

MINIS, ATQVE DIGNATIO-  
NI: QVI REGITIS ET PA-  
TRIAM NOBIS, ET PRIN-  
CIPEM IN CAVCIDE, CIVI-  
TATEM. Anno c*l*o*l*o*c* xlviii.  
iv. Id. Novemb.



IN-



## INDEX AUTORUM.

### A.

- A**damus Bremen-  
sis. pag. 69, 73,  
75, 76, 86, 117,  
120, 124, 132, 138,  
139, 141, 145  
*Aelianus.* 40  
*Aimoinus.* 56  
*Ammianus Marcellinus.*  
48, 56, 57, 81, 202  
*Apulejus.* 143  
*Aristoteles.* 40, 80  
*Arnobius.* 102  
*Augustinus.* 102  
*Aurelius Victor.* 50

### B.

- B**eda. 84, 118  
*Bodinus.* 65

*Bonifacius Moguntinus.*

53

### C.

- C**aesar. 46, 86, 88,  
98, 104, 120,  
179  
*Cassaubonus.* 20  
*Cassiodorus.* 44, 164  
*Cicero.* 127, 128  
*Claudianus.* 3, 48, 51,  
91, 172, 173, 195  
*Clemens Alexandrinus.*  
138  
*Phil. Cluverius.* 19, 48,  
66, 71, 158  
*Columella.* 26  
*Cornelius Nepos.* 80  
*Crantius.* 113  
*Curtius.* 13, 129, 130,  
158

### D. Dio

I N D E X

D.

**D**io Cassius. 38, 134,  
154, 159, 166,  
183, 187, 199

Diodorus Siculus. 37, 90,  
104

Dionysius Halicarnassus.  
79, 148

Diplomata ac privilegia

Caroli M. 25, 58, 68,  
126, 142. Friderici

Bremensis. 30. Hart-  
wici Bremensis. 31.

Theodorici Francorum  
regis. 56. Adalberonis

Bremensis. 57, 94. Hen-  
rici IV. Imp. 57, 58,  
93. Friderici I. Imp.

58, 74. Leonis IV. Pa-  
pae. 58, 93. Philippi  
Suevi Imp. 76. Otthon-  
is III. Imp. 93. Lie-  
mari Bremensis. 94

Dousa. 97

E.

**E**Vsebius Pamphilus.  
168, 169

Eustathius. 121  
Eutropius. 45, 48, 155

F.

**F**Lorus. 23, 155, 158,  
177

Freinsheimius. 71

G.

**G**esta Pontificum Lu-  
becensium. 74

Gregorius Turonensis. 57

Grotius. 81, 87

H.

**H**Egesippus. 31

Henricus Huntin-  
doniensis. 63

Herodianus. 195, 198

Herodotus. 22, 60, 144

Hesychius. 121

Historia Archiepiscopo-  
rum Bremensium. 33,  
41, 74, 75, 85, 94

Homerus. 8, 121

Horatius. 132

Meimarus Hoyerus. 83

I. Io-

A V T O R V M .

I.

- J**ohannes Biclariensis. 51  
**I**sidorus. 31, 59, 122  
**I**ustinus. 10, 11, 181  
**I**uvenalis. 85, 96

L.

- L**actantius 102, 117,  
                   118  
**L**atinus Pacatus. 173  
**L**aurishamense Chroni-  
  con. 56, 65  
**L**ipsius. 41, 96, 123, 142  
**L**ivius. 10, 23  
**L**iriiana Epitome. 55,  
   153, 175  
**L**ucanus. 3, 39, 97  
**L**uitprandus. 59

M.

- M**acrobius. 109  
**M**amertinus. 48,  
   158, 186  
**M**arcellinus Comes. 51  
**M**artialis. 95  
**M**aximus Tyrius. 90  
**M**essalla. 149  
**M**inutius Felix. 148

N.

- N**icolaus Damasce-  
  nus. 40  
**N**ithardus. 93  
**N**otitia Imperii. 86, 188

O.

- O**rosius. 49, 202  
**O**vidius. 115

P.

- P**alladius. 26  
**P**apias. 86  
**P**aullus Diaconus. 52, 123  
**P**etronius Arbiter. 97  
**P**linius 3, 6, 32, 35, 36,  
   39, 43, 45, 71, 98, 99,  
   111, 114, 137, 154  
**P**linii Epistole. 156  
**P**lutarckus. 107, 109,  
   131, 175

- P**olitianus. 195  
**P**olybius. 55, 148, 175,  
   182, 192

- P**omponius Mela. 98  
**P**rocopius. 138  
**P**rudentius. 146  
**P**tolemaeus. 3, 15, 16, 19,  
   45, 46, 61, 65, 72, 201

S. Sal-



INDEX AVTORVM.

S.		
<b>S</b> allustius.	79, 80, 148	115, 150, 154, 166, 169
<b>S</b> almasius.	97	<b>Suidas.</b> 122
<b>S</b> axo Grammaticus.	135	<b>T</b> .
<b>I</b> os. Scaliger.	111	<b>T</b> acitus. passim.
<b>S</b> criverius.	69	<b>T</b> almudicae Glossæ.
<b>S</b> eldenus.	69	123
<b>S</b> eneca.	28, 46, 50, 64, 98, 100, 114, 149, 155, 191, 200, 202	<b>T</b> hucydidæ. 23
<b>S</b> exti Rufi Breviarium.	196	<b>T</b> ibullus. 145
<b>S</b> idonius.	98	<b>V</b> .
<b>S</b> ilius Italicus.	142	<b>F</b> ulv. <b>U</b> rsinus.
<b>S</b> lavica Chronica.	74, 89, 141	<b>V</b> egetius. 23
<b>S</b> partianus.	112, 169	<b>V</b> ellejus Paterculus. 31,
<b>S</b> tephanus de Vrbibus.	72, 145	43, 45, 73, 98, 156, 157, 158, 164, 184, 202
<b>S</b> tobæus.	40	<b>V</b> irgilius. 3, 142
<b>S</b> trabo.	7, 8, 9, 13, 15, 20, 21, 40, 43, 71, 81, 154, 162, 165, 166, 191	<b>V</b> vilabius. 138
<b>S</b> uetonius.	45, 75, 96,	<b>V</b> vitechindus. 52, 53, 84, 93, 97, 125, 126, 145.
		<b>Z</b> osimus. 47, 171, 172, 201
		<b>Z</b> .

JOAN-



IOANNIS SCHILDI  
D.E.  
**C A U C I S,**  
*Nobilissimo Veteris*  
**GERMANIAE POPULO.**  
*L I B E R P R I M V S.*

---

**C A P. I.**

De nomine Caucorum. *Id in Germania superesse, audaces ac impavidos notans. Aliarum exempla gentium afferuntur, quae ex suis delegere nationibus, queis aut virtutis alicujus, aut virtutis, affricarent appellationem, Cauci alias Chauci, & Cauchi. Cayci Lucano scribuntur & Claudiano. Rationes ejus scriptio[n]is investigantur. Ad Ebraismi fontes acceditur.*

**A**VCORVM scripturam ante Chaucos, vel Cauchos, habenti grande fere aperit, ab ipso nomine populi, claritudinis documentum. Quippe eam animorum præ se Cauci nobilitatem

A

tein

tem ferebant, ea de se omnium fruebantur opinione, ut, prolatore Cauci nomine, magnum aliquid & excelsum audienti repræsentaretur. Etenim in hæc tempora durat ea loquendi formula Germano, quâ hominem spiritus & animositatis immodicum einen Raub appellat. Quemadmodum singuli ferè populi suarum aliquas nationum habent, & exterarum, quæ vel vitiis, vel virtutibus cognitiores, libenter ad risum, aut admirationem, in ore famaque omnium versantur. Gallis sæpiusculè sui copiam facere Vascones coguntur, atque Britones. Belgæ, obfirmataam alicujus constantiam laudaturo, tritum ac vulgarium est, 'tis een Batabier / ob priscos ejus nationis animos: sicuti desultoria in comiter objurgaturo levitatem, illud haud raro placet, 'tis een kluchtigen Griek / ob vitium apprimè domesticum Græculis ac familiare. Et Fennorum Lapponumque nec spei nec metus capacia pectora, quallem sui mentionem sermonibus hominum intulerint, ex quo Septentrionis arma Germania persensit, satis unicuique nostratum est manifestum. Absque hac esset interpretatione, magnitudinem ejus populi, de quo scribimus, imprimis extollente, parum utique interesse ejus existimarem, Chaucorumne an Caucorum nomine posteritati noscerentur. Constat enim,

eiusce-

ejusmodi minutiarum diligenter consignationem haudquam religioni sibi liberimam duxisse vetustatem. Præterquam quod dialectos quoque, pronunciationis duces atque scriptoris, obtendere tantillæ varietati licet. Ut jam minus quoque Plinii scripturam sollicitemus, ac Ptolemæi, qui *Cauchos* edidere. Quanquam Poëtæ Lucanus & Claudianus, qui *Caycos* trisyllaba voce cecinere, haud sunt indicti nobis abituri. Lucanus incogitantia librariorum, vocales *y* & *u* inscitè permutantium, suam debeat expressionem: sicut iudicem *ꝝ i* & *y* saepius sibi transpositionem indulseré: ut in *Limyra* pro Lymira, in *ꝝτύκη* pro Utica: & in inscriptionibus est *Lybica* pro Libya. Claudio, quod *ꝝμελέκυς* Lucani, quam Historicorum, stare judicio maluit, dicam haud censeo scribendam. Quod si, cum magnis viris, apices eo tempore Græcorum credimus ignorasse libros, haud paullò melius altera conjectura procedet. Cum enim *Kawngi*, in iis deprehendissent, non *Kawngi* legere, sed à se punctis, divisionis indicibus, adjectis *Kawngi*. Quæ lectio subrepit instinctis à Phœbo, ac proin majora molientibus, tum quod apud dictatorem suum, Aeneidos ix. Caycum Teucrium reperissent, tum quod Cayci Lydorum fluvii, Græcis vatibus decantati, meminissent.

A 2

Sed,

## 4 IOANNES SCHILDIVS

Sed, quod difficile nonnullis est, è tali modum retinere sapientia præstat. Namque si vela permettere conjectationi lubeat, quidni Cauchorum nomen ad Ebræorum fontes non quidem obtorto collo rapiam, sed leni ac facili originatione deducam? Illis כוחים *cochim* sunt vires, *robora*: quæ vox non similis, sed planè eadē est illi autoribus ad amata, si in efferendo priscos æmulere: qui τὸ αὐτό, quod nunc geminato sono extendimus, in simplicem ἡγούμενην transire subinde malebant: adeò ut plurimis eorum Cauchi non alii fuerint, quàm Cochi. Prætereo, quòd, cùm Germanos ex גרים *gerimanim* jampridem vir eruditus exsculpserit, quasi tu dixeris *inopes ad venas*, sì remps mihi jus esse debeat in Cauchis. Multa & alia tradere de vocis etymo promptum erat, quibus ordinem rerum morari, haud sanè operæ precium videbatur. Itaque in ipsius populi originibus investigandis exerceamur.

## C A P. II.

De originibus Caucorum. *Arduum esse*, gentium reperire primordia. Tantò magis animos nostros ad investigationis excitari laborem. *Asia populorum mater*. Ex ea defluxisse Caucos. Ex qualibet affinitate vocum ordia populorum venari, frivolum. *Caucones* & *Peloponnesi*, Ἑρακλεῖοι *Ponti incolæ*. *Vtrorumque sedes*. *Vtrique Strabonis atate nulli*. *Caussa desideratorum*. *Ad Ponticos*

ticos origines nostratum referuntur. Caucones non alii, quam Cauci. Tempora Cauconum migrationis eruuntur. Aptè ad Gallorum, in Asia dominantium, reduci tempestatem. Iis Bithyniam cessisse, cui Caucones innexi. De tripartito eorundem imperio. Tolisto-bogii migrandi Cauconibus attulere necessitatem. Iter horum in nostra, seu terrâ, seu mari. Heneti seu Megaloburgenses, uti nunc nobis, sic antiquitus in Asia vicini. Communi eos cum Cauconibus exilio videri transportatos.

**Q**uemadmodum magna fluma, leni primum tractu à fontibus suis labentia, sed effuso paullatim impetu crescentia, per vasta terrarum immensis præcipitantur meatibus, ac diverticula quidem non negant intuituris, ceterum capita atque scaturigines suas identidem subducunt investigaturis: ita numerosissimorum gloria atque magnitudo populorum, licet ex se natas haud abscondat usquequaque colonias, sui tamen exortus atque primordia, densis utplurimum obsepta tenebris, anxiè scrupulatimque prohibet inquiri. Rursum, veluti rapidioribus actæ torrentibus aquæ, aut, quæ celebratissimas lambunt diffinduntve regiones, ipsa fontiū suorum ignorantia curiosorum sollicitant desideria spectatorum: sic populi, qui vel ipsi clari validique, vel accolæ vicinique clariorum essent ac validiorum, ad initia sua qualibuscunque persequenda vesti-

giis; ingenia deprehenduntur invitâsse plurimorum. Hi verò cum æstuarent, & cetera suspicionum infirmis sustentari destinis viderent, ad Asiam, tanquam ad favissam nationum atque matricem, suarum ambages atque dubia direxere conjecturarum. Neque nos ex hoc campo pullulantis, ac sensim ad reliqui orbis extrema delatæ mortalitatis, exigere Cauco-ruin ordia sustineimus. Quanquam promiscuè quamlibet aut spem, aut speciem opinionis ostentare, & inania prênsando nequicquam, disponere nobis flexus quosdam fugimus, quos relegere cum molestia debeamus. Cujusmodi sanè foret hallucinatio, si, Cauchorum originem ruspaturus, longum iter ad Chinensis regni *Cauchinchina* vel *Cochinchina* meditarer, ac, sicuti *Celtiberiam*, *Francosueriam*, *Syromediam* legimus, ita ex Cauchin & China coalitum terris istis impositum esse vocabulum divinarem. Plinio describente, lib. vi, cap. xxvii. Tigris divisus in alveos duos, altero Meridiem ac Seleuciam petit. Mesenea perfundens, altero ad Septentrionem flexus, ejusdem gentis tergo campos Cauchas secat. Regnum Orientalis Indiae Malabar urbem cum homonyma provincia *Cochin*, & in ea *Brimaen* agnoscit: sicut ejusdem Indiæ Pegu cum cognomine regione Bremam videt. *Albie* fluvium Perfa, *Cuchiam* & *Hoyam*

## DE CAVCIS. LIB. I.

7

Hoyam oppida , nec non , in extimo recessu sui,  
 aliam Bremam Tartarus Asiaticus habet. Ea-  
 dem nomina non nesciunt terræ Cauchorum.  
 Sed enimvero non ea nos tenebit amabilis in-  
 fania , neque sic favebit sibi atque applaudet  
 imprudens temeritas ; ut propterea vel Indos,  
 vel Chinenses Tartarosve Cauchorum patres  
 dici postulemus atque prosatores. Exulare jus-  
 sis , quæ rationibus conjecturisque destituta  
 melioribus , viam haud capiunt ex ipsa frugali-  
 tate, laborem vestigationis mittere aliquatenus  
 in compendium licebit. Cauconas & Pelopon-  
 nesi , & Ponti facit incolas Strabo. Pelopon-  
 nesiaci non unum, intra Isthmum, implevère  
 tractum. Libro VIII. Λευκόμην δὲ πνων σὺν τῇ Τελ-  
 φυλίᾳ Καυκάνων ἀφέσ τῇ Μεσολιαῖα , λευκόμην δὲ καὶ τῷ  
 Δύμην Καυκάνῳ ὑπάρχει πνῶν , ὃν οὐδὲ καὶ πόλεμος σὺν τῇ  
 Δυμαίᾳ μεταξὺ Δύμης καὶ Τελφυλίας , ὃς καλεῖται καὶ  
 Καύκων Θηλυκᾶς , ζῆτες οὐδὲ τῷ Καυκάνων , οἰς μηδὲ  
 δηποι λέγων ), οἱ μὲν τοῦ Τελφυλίαν , οἱ δὲ τοῦ Δύμην  
 καὶ Ηλίου , καὶ τὸ Καύκανα . Hoc est , Cum autem in  
 Triphylia ad Messeniam quidam perhibeantur Cau-  
 cones , & Dymen nonnulli Cauconida appellant , fit  
 que etiam fluvius in agro Dymeo inter Dymen &  
 Tritæam , qui & feminino genere Caucon vocatur :  
 de Cauconibus querunt , annon bifariam dicantur ,  
 aliisque sint in Triphylia , alii circa Dymam , Elidem  
 & Cauconem . Ubertim deinceps super ea con-  
 troversia disceptat , cuius exitus atque coronis

A 4

disce-

disceptationis est, ut divisos in Pelopis insula  
fuisse Cauconas demonstret. Hos intelligit apud Homerum, Mentoris induita formam, Minerva, Odyss. 2.

Nῦν, ἀπὸ τοῦ οὐρανοῦ μὲν Καυκάσους μεγαλύματα  
Εἴμι, ἐνταῦθα δέ τοι μοι ὁφέλει).

*Sub lucem cras magnanimos Cauconas adibo,  
Namque ibi debetur mihi nomen.*

Pontici Parthenium tetigere. In Ponti historia, lib. XII. Παρήκειν ἀφ' ἡρακλείας καὶ Μαριανδυνῶν μέχεται Λαυρούρων, οἵ τε καὶ ημεῖς Καππαδόκης αεροστροβόλῳ· τὸ δὲ τὸ Καυκάσουν γνώσθω τὸ τοῦ Τήνου μέχεται Παρθενία. Id est, Ab Heraclea & Mariandynis eos porrigi usque ad Leucosyros, quos etiam nos Cappadoces appellamus: esseque Cauconum gentem, quae est circa Tejum usque ad Parthenium flumen. Sic ille fines corum ex fide Callisthenis regit, paullò antè professus, de Cauconibus scriptorum in diversa distrahi sententias. Haud enim de facili consignantur eorum situs atque termini populorum, qui vel publicis transportationum exiliis ejecti, vel fato excidii adventante deleti, memoriam sui atque mentionem eadem secum involvère ruina. Qualem Cauconibus utrisque vastitatem incubuisse, jam tunc suo, id est, Augusti Cæsaris ævo, & è Ponto, & è Peloponneso stirpitus excisis, testatum aliquotiens idem Geographus reliquit, qui, gente

gente Cappadox, nationis quondam vicinæ non potuit ignorare penitus internencionem. Caussam verò desideratorum, præfertim in Asia, Cauconum tum ad repetitam identidem ablegationem coloniarum, tum ad bellicarum sœvitiam refero tempestatum. Sanè Ponticorum Cauconum traduces atque sobolem esse Peloponnesiacos, idem Strabo lib. vii. luculententer aperit, quo loco barbaros, & in iis Cauconas, universain ferè primitus insedisse Græciam prodit. Barbarorum verò Cauconum nomine non alios, quam Ponti priscos intelligit inseffores. Atque his demum, carpente veritati simillimum iter suspicione, nostrorum acceptas ferre non vereinur origines Caucorum. Nec est quòd quisquam, discrepante vocum terminatione, frangi atque debilitari sententiæ nostræ machinamentum putet. Sunt enim iidem Caucones, qui Cauci: quemadmodum Franci leguntur & Francones, Gothi & Gothones, Hassi & Hassones, Pictavi & Pictavones, Frisii & Frisones. Illos gentis nostræ conditores, quando reliquère patriam, ac quæsi-vêre, non intestinæ submovêre dissensiones, non pestilentia, aut frequens terrarum hiatus, aut aliqua intoleranda infelicitas soli vitia profigavêre, sed Bellonæ terrores, hostilibus armis clapsos, in dissipata terrarum, spoliatos suis, ex-

A 5 pulêre.

pulēre. Quā id ætate contigerit, tacente scri-  
ptorum senatu, decernere vetamur: sed per  
anfractus quosdam, haud sanè nimis implici-  
tos atque intricatos, ad proximam verò e-  
niti atque eluctari non vetamur opinionem.  
Galli, cùm non caperent eos terræ, quæ ge-  
nuerant, Græciam Macedoniāmque ferro pro-  
trivère, mox Asiaticarum spe famâque capti-  
deliciarum, cum ad Hellespontum usque co-  
pias promovissent, navibus acceptis, breves  
interfluentis freti moras irriserunt, & in fortu-  
natas Asiæ terras populatorem exercitum im-  
miserunt. Ibi nullo non genere grassati crude-  
litatis, quacunque latè volitantia spargerent  
arma, cæsis indigenis aut ejetis, vasta omnia  
mœstaque dedere. Livius lib. xxxviii. *Vt clari-*  
*vior nobiliorque victoria Romanis de rege Antiocho*  
*fuit, quam de Gallis, ita lætior sociis erat de Gallis*  
*quam de Antiocho.* Tolerabilior regia servitus fue-  
rat, quam feritas immanium barbarorum, incer-  
tusque indies terror, quo velut tempestas eos popu-  
lantes inferret. Cursum prosperè succendentis ex-  
peditionis & statim, ut fit, exceperat fama, &  
deinceps aperuerat. Itaque plures exciti sedi-  
bus suis Galli, quos prædæ sollicitaverat uber-  
tas, auxêre popularium numeros, & alteram  
propemodum in Asia Galliam vidêre. Justi-  
nus lib. xxv. *Gallorum ea tempestate tantæ fœ-*  
*cundita-*

cunditatis *juventus* fuit, ut *Asiam omnem velut examine aliquo implerent*. Iam propius intueri publicum Cauconum exilium licet. Eodem libro Justinus: *In auxilium à Bithynia rege invocati, regnum cum eo partâ victoriâ diviserunt: eamque regionem Gallograciam cognominaverunt.* Ea partitione, quæ versus Orientem ac Paphlagoniam procurrebant, Gallos accepere dominos: isti autem lateri Bithynorum innexi erant atque immisisti Caucones. Atqui dubium esse vix ulli potest, quin ferox atque aspera natio pristinos laceraverit assiduò colonos, ex se repositis recentem firmatûra dominatum. Quod & alio propemodum evincere possumus arguento. Cùm enim triplici vastator populus natione constaret, Tolistobogiis, Trocmis, Tectosagis, in tres denique partes, quò cuique populorum suorum vectigalis foret, Asiam discerpsit. Trocmis Helleponti cessit ora, Tolistobogii Æolida atque Ioniam, Tectosagi mediterranea sunt sortiti regionis: & stipendum tota cis Taurum Asia exigebatur. Ipsì verò conjunctim, quò, confines unitique, hactenus invictam tuerentur armorum felicitatem, circa flumen Halyn, sedem sibi delegere. Quorum Tolistobogii, propè Sangarium fluvium, lateribus ac tergis inhaesere Cauconum. Igitur priores inter atque recentiores

tiores deprehensis Gallogræcos, quid restabat aliud, nisi ut afflictæ gentis trahentes reliquias, necessitate & victoris metu, longinquis in oris aliam sibi vel pararent patriam, vel invenirent? Hinc, Cauconibus exturbatis, in hunc modum Galatiæ seu Gallo-græciæ limites Poëta finivit:

*Intravere Asie fines: prope littora Ponti  
In gentem crevère novam, quæ tenditur usque  
Ad juga Pamphylium, Garamantica sidera contra,  
Inter Cappadoces posita, & Bithynica regna.*

Ergo nostris sese terris intulerunt ab Asia Cauci, ac pro Sangario Albim, pro Parthenio libavere Visurgim: seu Ponto Euxino cis Tauricam transmissio Chersonesum, immensas Sarmatarum perreptavere solitudines, donec fessos itinerum sinus acciperet Codanus: seu per Propontidem & Archipelagum mare ingressi sunt internum, & Herculei freti contemtis angustiis, ipsum tentaverunt Oceanum: donec longo errore jactati navigationis, ibi confidere, ubi vel rerum eos inopia depositus, vel inane solum ad sui culturam atque possessionem invitavit. Omitti, in hac disquisitione, citra piaculum nequit, quod ii, qui quondam in Asia Caucorum imminuere finibus, ne hodie quidem multo recedunt ab iis intervallo. Ecce enim Heneti, qui agros insidere Megaloburgen-

burgensium feruntur, quondam Paphlagonum, qui ad Orientem Cauconibus opponabantur, αξιολογώτατον φῦλον habebantur. Strabo lib. XII. Τὸ δὲ μείλιθος ὁμφαλογέμμρόν ἐστι, ὅπι αξιολογώτατον λιβ. τοῦ Παφλαγύνων φῦλον οἱ Εὐεζί, ἐξ ἧς οἱ Πυλαιμόρης λιβ. καὶ δὴ καὶ σωμεράτους Καν αὐτῷ γέτοι πλεῖστοι διπλακάλοντες δὲ τὴν ηγεμόνα, διέβησαν εἰς τὴν Θράκην μῆτραν Τρειλας ἄλωσιν πλανάρμην δὲ εἰς τὴν γῆν Εὐεζίνην αφίνοντες. Hoc est, Id maxime in confessu est, primariam Paphlagonum gentem fuisse Henetos, è qua fuerit Pylamenes, quem & plurimi horum ad bellum fuerint secuti: qui, eversa Troja, amissio duce in Thraciam abierint, vagatique deinde in Venetiam pervenerint. Mox ea de causa Henetos existimat defecisse, adeò uti nullos amplius Paphlagonia nōrit. At, effusa in Italiam colonia, credibile quidem est, accisam esse sobolem ejus gentis atque magnitudinem: ceterum vix veri speciem præbet, una ista solaque profectione, numerosum populum ab avita tellure subdulatum penitus atque sublatum fuisse. Quin & ipse Strabo, loco producto, non omnes, sed plurimos militiam indicat amplexos. Et omnino relictos Alexandri victoriæ lustravere. Curtius lib. IIII. Iamque ad urbem Ancyram ventum erat, ubi numero copiarum inito, Paphlagoniam intrat. Huic juncti erant Heneti: unde quidam Venetos trahere originem credunt: omnisque hæc regio paruit

paruit regi, datisque obsidibus, tributum (quod ne Persis quidem tulissent) pendere ne cogerentur, impetraverunt. Prope igitur est ut credam, Hennæ gentis superstítantes eousque reliquias, sociatis cum finitimo Caucone consiliis animis-que, patriam populabundorum impotentiæ permisisse Galatarum, ac, quemadmodum vi-cinas in Asia regiones incoluerant, ita rur-fus novarum sedium reluctaturam hostibus af-fectâsse vicinitatem.

## C A P. III.

De finibus ac sede Caucorum. *Strabonis, Ptolomæi, Taciti finitiones. Mutuus metus interdum pro tem-mino. Albis & Amisia limitatores fluvii. Antiqua Chaucidis ambitus ad nostri temporis faciem accom-modatus. Regiones populique modernæ Chaucidis. Fa-tum stemmatis Delmenhorstani, & Archaiopyrgici. Recte Ptolomæo Chaucos Majores ad Albim locari, ad Amisiā minores. Responsū viro doctō, qui uno atque altero argumēto designationem Ptolemæi labefacere conatur. Caulcos Straboni vocari Caucos mi-nores. Et Ampsanos, Aemlandiam colentes.*

**C**UM universa veterum Germania dispari circumscribatur ambitu, aliis exorrecta prolataque licentiis, aliis arcta brevioribus & contracta spatiis, mirum hercule nequa-quam foret, ejus terræ, quam sumsisimus exhibendam, latere nos ac fugere curatam delineationem,

tionem. Quippe Chaucis & longius ab Oriente Meridiéque semovetur, & serò demum exteris patefacta lacescentibus, aperte cœpit indies fama noscitari. Est tamen quod gratiam eruditæ habeamus antiquitati. Strabo lib. vii. Oceani nos prætexi littoribus ostendit. Curatius aliquantò Ptolomæus lib. ii. Τινὲς δὲ παρωχεῖται νοτέχεισιν ὅπερι μὴ τὰς Βρεγηλέρες οἱ Φρείσιοι, μέχεις οἱ Αμισίς πολεμοῦσι· μὲν δὲ τὰς τε Καῦχοι οἱ μικροὶ, μέχεις οἱ Ουστάρεις πολεμοῦσι· εἶτα Καῦχοι οἱ μείζοι, μέχεις οἱ Αλβίς πολεμοῦσι. Id est, Loca verò juxta Oceanum supra Bructeros tenent Frisi, usque ad Amisiam amnem: post hos Cauchi minores, usque ad Visurgim amnem: deinde Cauchi majores, ad Albinum usque flumen. At omnium curatissimè Tacitus: *Ita tenuis in Occidentem Germaniam novimus. In Septentrionem ingenti flexu redit. Ac primò statim Chaucorum gens, quamquam incipiat à Frisiis, ac partem littoris occupet, omnium, quas exposui, gentium lateribus obtenditur, donec in Cattos usque sinuetur.* Exposuerat autem Angrivarios, Chamavos, Dulgibinos, queis addit postmodo Cheruscos: ac proin horum omnium lateribus populorum obtendebantur, donec sinuoso Cattorum in confinia procursu finirentur. Cujus aucti sunt accessione sinuationis, quando Nerone Imp. & Val. Messalla Coss. anno, post missum orbi Servatorem, quinquagesimo octavo,

octavo, pulsos sedibus suis Ansibarios adja-  
centium populorum reliquere miseratio: qua  
de re legere licet Annal. xiiii. Et ab exposi-  
tis quidem nationibus vel modicorum distin-  
guebat eos a innuum interventus, vel mutua  
formido, quæ inter æquè potentes terminus  
est ac repagulum. Quod de nostris, Cheruf-  
corum cumprimitis adspectu crediderim: qui  
diu bellica laude florentissimi, non tantùm in-  
signi inter accolas celebrati sunt æstimatione,  
verum etiam frenatori orbis populo aliquando  
graves exstiterunt ac metuendi, donec nimiam  
ac marcescentem pacem sic illaceffiti nutrie-  
runt, ut, qui olim boni æquique Cherusci,  
inertes ac stulti Corneliano seculo vocarentur.  
Obstaculi nonnihil invasuris Albis & Ami-  
sia minabantur, quorum hic ab occasu Solis  
hiberni Frisios, ille ab ortu Solis æstivi Fosos  
Taciti, sive Saxonas Ptoleinæ à Chaucis aver-  
runcabat. A Septentrione vastis eos fluctibus  
Oceanus tundebat. Atque hoc quidem in uni-  
versum, ex mente profatûque veterum, cir-  
cumdare queo Chauco fines. Hodie, quantum  
per mutatas temporum pariter ac gentium vi-  
ces conceditur, in hunc modum signare Chau-  
ciæ telluris ambitum licebit. Post Oceanum,  
ex fluviis limitatoribus Albis Dithmarsos no-  
bis ostendit ac Stormaros, Amisia Frisios, quos  
vocant,

vocant, Occidentales. Deinceps Amisia in adi-  
mente nobis aut Lœda aut Hasio flumine, sen-  
sim versus Austrum, in Chattos usque sinua-  
mū: donec, recurrente ad Visurgim limite,  
partem sui Chaucis Mindensis permittit Epis-  
copatus. Hinc Visurgis littora legimus, usque  
dum Allari, paullum infra Ferdam Visurgi se  
miscentis, prospicere liceat è propinquo con-  
fluentes. Denique, Allarum inter & Albini,  
Ferdenses aut complectimur, aut dextimos  
relinquimus, at Luneburgensem, Hambur-  
gum usque, præterius indubitatò principa-  
tum. Hujus spatiū latifundii, quod *immen-*  
*sum* non dignatur appellare Tacitus, Bre-  
mense in comprehendit Archiepiscopen, Epis-  
copies verò Mindensis obversam Boreæ portio-  
nem: tum Frisiā Orientalem, ac, præter  
hanc, tractus Comitatuum titulo decoros, Ol-  
denburgensem, Delmenhorstanum, Dephol-  
tensem & Hoyensem, sed Cis-Virsurganum:  
denique præfecturam, porrigente Monasterii  
præsule, Wilderhusanam, nec non Cloppen-  
burgium Vechtāmque. Rursum Chaucis, quā  
Bremensis audit, Oldelandiam, Hadeleriam,  
Kedingiam, Wursatiain, & amplissimum pa-  
triæ nobis civitatis territorium habet. Orien-  
talem Frisiā implent Translædani, Morme-  
rii, Longani, Amasani, Broccmerii, Auricani,

B

Nor-

Nordani, Harlingii, Wangri, Ostringi, Rustri. Oldenburgicum nomen amplectitur Stadlandus, Butjadus, Morimius, Stedingius. Hoyenses ac Depholtenses jampridem vetustissimæ nobilitatis amisere Comites, corripiens terminorum unoquoque, quod suæ putabat opportunum dominationi. Delmenhorstana verò prosapia, paucorum, cùm hæc commen-tabamur, præeunte mensium intervallo, unà cum cælibe exstincta est exspiravitque Palatino, prole sexus destituta melioris. Idem Archaiopyrgica fatum operitur, si præcipi futura queunt, regali domui Comitatensis, titulo debitarum hereditatem transcriptura ditionum. Ita rerum sese volubilitas habet: quotidie aliquid in tam magno orbe mutatur, &, ut assiduis agitantur populi vicibus, ita dominaticium familiarum occidunt aliæ, resurgunt aliæ, quibusdam, evulso stipite, rami, quos ex se fuderant, spem perpetuitatis ostendunt. Porrò autem, qui Bremensi clauduntur diœcesi, Majores Chauci, qui cetera dictarum nobis incolunt terrarum, Minoræ soliti sunt antiquitus appellari. Similem Busacteri, Frisii, aliisque prisce Germaniq cultores admisere distinctionem. Et, si non ab hominibus modò, sed ab ipsis exempla regionibus exspectes, Poloniam, Scotiam, Britanniam, Majorem legimus & Mino-

Minorem. At nequaquam pedibus in eruditissimi viri sententiam ibo, qui Germaniae Antiquæ lib. IIII. cap. XVIII. dicam putat impingendam Ptolomæo, quod ad Albim Majores, ad Amisiam Chaucos locaverit Minores. *Quippe*, inquit, *quum universa gens inter Amisiam & Albim, tanquam cuneus in Chattos usque, ex sententia Taciti debeat sinuari, certè major ejus pars est citra Visurgim, minor verò ultra.* Sed enim vero saepe non ex terrarum, quas occupant, amplitudine majori minorive, sed *ex modo virium*, Majorum Minorumque sunt æstimandæ diribitiones. Sic paullò ante, quam Chaucos ordiretur, de Frisiis Tacitus: *Majoribus minoribusque Frisiisque vocabulum est, ex modo virium.* Aliud argumentum. Corbulo, memorante Annalium undecimo, natione pacata Frisorum, misit, qui majores Chaucos ad ditionem pellicerent: probabile est autem, ad proximos eum finitimosque misisse. Hi igitur pro majoribus habendi sunt Chaucis. Atqui, nonne proximorum, sed minorum, præ se ferendo contemptum, consultius utique putavit, hortari ad ditionem longius quidem absitos, sed majores, ut fiduciam virium, & spem utriusque subjugandæ nationis ostentaret? Nota videlicet arte ducum, qui famâ stare bella sciunt, & quam experti sunt in tentatis, ean-

deim, auspice rumore, felicitatem in tentandis antecapiunt. Adjice, quod ante lustra non multa Drusum Tiberiumque, militari gloria nobile par fratum, majores etiam Chauci aut senserant, aut expaverant. Sustineatur itaque de Ptolomæo judicium, atque omnia nobis integra serventur. Strabo: οὐδὲς ἡ τῷ Ωκεανῷ Σε-  
γαριθροί τε, οὐδὲ Χαῦσοι, οὐδὲ Βεύκτεροι οὐδὲ Κίμθροι, Καύνοι  
τε οὐδὲ Καῦληι, οὐδὲ Καυψιανοί οὐδὲ ἄλλοι πλεῖστοι. Id est,  
ad Oceanum Sicambri, Chaubi, Buctari, Cimbri,  
Cauci, Caulci, Campsiani, & aliae plures. Prin-  
ceps harum literarum Casaubonus, quæ Caul-  
cos istos terræ ceperint, quidve faciendum il-  
lis sit, ambiguus hæret. Quid si, formula vo-  
cis Καυκάσιοι, Caulcos non alias esse dicam,  
quam Caucos minores? Ut enim Majores  
Kautzen, sic Minores Kautzel, vel ad similem  
sonum alludente vocabulo, cogniti usurpati-  
que fuere. Nihil autem solennius primis re-  
rum Germanicarum scriptoribus, quam unde-  
cunque prompta gentium nomina, pro libitu  
suo, judiciive copia, profari. Cujus hallucina-  
tionis facilem in iis sperare veniam debent,  
quæ ad Albim vergerent, ultimum fluviorum,  
quos Græca Romanaque notitia complectebat.  
Præterea nusquam alibi Majorum Mi-  
norumque commeminit Strabo Chaucorum:  
& hoc loco, quo Caulcos Caulcosque delibat,

junctim

junctim eos, nulla aliorum interposita populo-  
rum mentione, delibat. Eadem verò maximo  
virorum assentior, eosdem esse divinanti Cam-  
psianos, qui deinceps Ampsanorum nomine,  
eorum innecluntur recensioni, quos, velut ul-  
ciscendo domitos Quintilio, populo Romano  
triumphator Germanicus exhibuit. Sicut Au-  
stralis Hollandia Rhinlandiam videt ac Maes-  
landiam, nec non regionum plures suorum ali-  
quid secernere comperiunt arvorum, cui ex  
flumine, quo lavantur, induere privam liceat  
appellationem: ita pars Frisię Orientalis, quam  
lambit Amasus, Aenislandiæ domestica note-  
scit indigitatione. Hanc oram Strabonis im-  
pleverunt Ampsani, sive laxius malis, Amasa-  
ni, Minorum portio natiōve Chaucorum.

## C A P. I V.

De terrae indole. *Cyri dictum, aspera terrarum laudan-*  
*tis. Universa quondam Germania rigoris atque tri-*  
*sticie filia. Ingenia hominum ad similitudinem cœli*  
*soli que sui horrere. Chauiæ telluris antiquus horror.*  
*Politicorum sententia, de urbibus in sterili tenuique*  
*struendis. Gallos, Cauconum sedibus infusos, Asiæ-*  
*ticæ soli luxuria fregit. Vultus terra nostræ, qualem*  
*nunc gerit, exhibitus. An vinum ferre queat, anqui-*  
*situm. Commerciis patet, in Oceanum projecta. Ut*  
*alia omnia, sic terram quoque suas experiri vices &*  
*immutationes.*

PERSIS quondam, rerum ad se translata summa, contendentibus, ut horrenti, quod tum fatigabant, solo lætius aliud ac felicius mutarent, annuit quidem Cyrus, sed admonitis, ut dehinc succumbendum sibi, profligata virtutis æstimatione scirent: φιλέεν γὰρ εἰ τὸ μαλακῶν χώρων μαλακὸς γίνεσθαι· καὶ γάρ τοι τὸ αὐτὸν γῆς εἶναι, περπόν τε θωματόν φύειν, καὶ ἄνδρας ἀγαθὸς τὸ πολέμεια.  
 Id est, Ex molibus enim regionibus molles homines nasci solere. Neque enim ejusdem esse terræ, frumentum egregium producere, & viros in re bellica præstantes. Quemadmodum in fine operis testatum Herodotus reliquit. Non poterat igitur aut Chauco, aut ulli ceterorum exprobrari Germanorum patria *informis terris, aspera cœlo, tristis cultu aspectuque*, vel, quæ truculentior Annal. II. nostrarum exstat descriptio terrarum, *truculentiam cœli præstans*. Enimvero locorum asperitas hominum quoque durat ingenia, & fortior miles è confragoso sterilique, quam ex imiti ac delicato venit, in quo Cereris & Bacchi certamina visuntur. Itaque Mattiacos, in mediterranea sitos Germania, quos neque marinorum sævities afflabat aurarum, neque nimis Aquiloni propinquum frigus adurebat, terræ tamen suæ solo & cœlo acriùs idem Tacitus affirmat animari. Quod potiori jure dici credique de Chaucis oportet, quos & Oceani pulsan-

pulsantis tumor, & major Arcti vicinitas, ad dignam viris firmare potuit obstinationem. Præterquam quod ubique paludum uligines, & inculta prospicerent ericetorum, atque in patria, nî nisi patriam viderent. Pulchrè autem scriptor rei militaris Vegetius lib. I. c. III. *Nescio sanè, quomodo minùs timeat is mortem, qui minùs deliciarum in vita novit.* Ac fuerunt inter civilis sapientiæ primos, qui, ut temperantiam luxui, lasciviæque duritiem novorum civium anteponeret affluxus, malignis in locis & λεπραιοις, sicuti concinnè breviloquus Thucydides vocat, urbium auspicanda fundamenta differerent. De Gallis, qui priscis Caucorum sedibus incubabant, egregiè consul Romanus, apud Livium lib. XXXVIII. *Duratos eos tot malis exasperatosque accepit terra, quæ copiâ rerum omnium saginaret. uberrimo agro, mitissimo cœlo, clementibus accolaram ingenis, omnis illa cum quæ venerant, mansuetacta est feritas. Vobis me hercule Martis viris cavenda ac fugienda quamprimum amœnitas est Asiae.* Paria de iisdem Gallogrecis in Epitoma rerum Romanarum Florus, lib. II. cap. XI. *Vt frugum semina mutato solo degenerant, sic illa genuina feritas eorum Asiatica amœnitate mollita est.* Non est tamen aut soli sustinentis, aut cœli tanta potentia lustrantis, ut viribus uti suis, & citra talia, exferere fese

liberrimarum natura nequeat animarum. Ista modico quidem, ac non planè nullo, circumagere nos impulso queunt: imperium possidet corporis, omniumque functionum, sed imprimis sui dominus atque dictator animus. Est ubi mollissima tellus, clementissimumque cœlum strenuos produxerit ac Martiæ claritudinis amplexatores: alibi tristies atque squallor utriusque desidiosos aluit & enerves. Aliquando præruptarum rupium, & horrentium vagus incola sylvarum, venienti cessit ab Italia bellatori, ultrò rigorem suum barbaris inferre gestienti. Quamobrem non est quod ingrata felicitatem nostram eleverimus interpretatione, parentisque naturæ sic accipiamus immutationem, ac si pro aspera iniquaque facilem se benignamque præbendo, moribus insidias animisque struxisset. Sanè aér hodie neque nimio coctus ardore cœlesti, neque frigoris intolerandi, damnatus, optabili fruitur utruisq; temperatione. Tepidæ sunt æstates: Libitinæ sacerdos autumnus non magis, quam alibi, valitudini metuendus incolarum: verni temporis haud adsperrnanda varietas spectatur amoenatum: ipsæ verò hyemes, quo plus rigoris ab imminentis astri trahunt inclemētia, eò puriores, & hominum sunt saluti conducibiores. Solum frugum herbarumque magna sui parte, patien-

patientissimum, fæcundissimum. Hortensem non multa fallunt olera culturam: advigilantem rara messis decipit aratorem. Non collum flexa requiras, non porrecta camporum: sed minimè cimnium, immensorum latè viridantia desideres æquora pascuorum. Qua quidem gloria à multis retrò seculis Chaucorum superbiit tellus atque enituit. Hinc Carolus Magnus in Diplomate, quod ad annum D C C L X X X V I I . in Nemetensi eusum palatio, Bremensis exstitit initium atque fundamen Episcopatus: *Septentrionalem Saxonie partem, quæ est piscium ubertate ditissima, & pecoribus alendis habetur aptissima, pio Christo, & Apostolorum suorum principi Petro pro gratiarum actione devotè obtulimus, sibique in Wigmodia in loco Bremon vocato, super flumen Virraham Ecclesiam & Episcopalem statuimus cathedram.* Vinum propitia negaverit, an irata natura, turba dubitet abstemiorum. Neque tamen affirmaverim, sicuti nulla heic conspicimus, ita neq; ulla posse lætitiae datori Baccho torcularia dicari: quis enim extremam patrii tractus vim aut scrutatus est hactenus, aut periclitatus? Diu posteros Chaucorum generosi liquoris haud perinde usus affecit, humore ex hordeo aut frumento in quandam similitudinem vini corrupto, si tim expugnare doctos. Et, nî majorum insci-

tiam politior posteriorum correxisset ætas, tota nunc non suum Germania vinum biberet : quippe quam , scriptorum florente manu Latiorum , penitus ignaram fuisse vindemiarum scimus. Chaucos verò meos, vineaticè tentantes eventum conditionis, nec terra videtur interpellatura, nec cœlum. Licuit enim observare, colles eidem ferè climati , quod Chauci contuerunt , nobilium esse genitores altorésque vinarum. Nec soli genus, quale vitibus pangendis lib. II. Tit. IIII. Palladius , & lib. III. c. XI. atque ex Julio Græcino cap. XII. Columella, depositum, solum deserit destituitque Chaucorum. Denique botri pergulanarum vitium ac compluviatarum , quas creberrimas in iisdem lœtissimāsque videmus, ad eam gratè dulcedinem maturitatis accedunt , ut ausuris , & sensim proficientes exspectaturis annos , haustrum sui , pro suetu , polliceri videantur aut spondere. Nempe falso plerumque loco credimus negatum , quod nostra loco diffidentia negat, nondum genio ejus, artibus admotis, & industriâ, placato. Veruntamen etiamsi Chaucidi negetur , apud se natam prælo domitare vitem , solari se tamen abundè præclaro situ sui potest , exoticis opportuna commerciis , & aut destinandis aliò subsidiis , aut opperiundis aliunde , in Oceanicupidissimè profiliens amplexus.

plexus. Hic vicinorum omne genus, hic saporiferas aromatum delicias, & universum ea, quæ premium à peregrinate capiunt, aperit invictaque flagitanti. Cetera, quæ desideriis, atque etiam recreationibus, famulari cultoris queunt, affatim ipsa copiosèque parit, benigna, mitis, indulgens, usib[us]que nostris semper ancillans, & optima fide credita fœnora reddens. Quippe, quæ tantum veteris est oblitera faciei, quantum nunc reliqua dissidet ab horrore veteri Germania. Sunt enim suæ, quemadmodum populis, ita populorum sustentatricibus terris, attributæ divinitus immutations. Quæ nunc arbusta frugifera, canasque segetes educunt, olim dumis obsitæ sentibusque, in amœna visentibus spectacula præbebunt: rursum, quæ nunc asperæ audiunt incultæque, aliquando molli gremio semina recordent, ac multiplicata restituent: in iis pomaria conferentur, prata sepientur, horti rigabuntur. Quas nunc horrensasperat iniquumq[ue] cœlum, aliæ blandum mitigabit ac salubre: & quæ grata nitescunt temperie, nequicquam olim purum æthera liquidumque requirent. Aliæ pulso fugatoque mari, Neptuno de regni sui possessione controversiam movent: aliæ, frustra mari minitantes, pars factæ sunt ejus, quod pellere conabantur ac fugare. Senecam audi,

audi, sub finem Consolationis ad Marciam:  
*Vetustas non hominibus solum (quod enim ista for-  
 tuitæ potentiae portio est) sed locis, sed regioni-  
 bus, sed mundi partibus ludet.*

## C A P. V.

*Vitia priscae Caucorum telluris, quæ nondum penitus  
 hodierna consumxit. Etenim paludosa. Moer. Maris-  
 cus. Pallio Bremensis comparata dioecesis. Plurimæ  
 cultores accepere paludes. Inter quos, Hollandos vel  
 imprimis. De privilegio, quod animos illis addidit.  
 Comoda, queis infelicitatem suam uliginosa pensant.  
 Ut, quod hostilium moræ sunt atque sufflamina machi-  
 nationum: unde crevit Romano, circa Visurgim Al-  
 bimque bellanti, laboꝝ. Item, quod alendo foco mate-  
 riem præbent. Incerti autoris Γαμετοῖς. Terræ  
 nostræ incendium. Cujus exempla, cum Frisia, vident  
 Ultrajectum. Aliud alicubi terræ nostræ vitium, sed  
 an vitium? Quod sylvestris. Bederkesana nemora.  
 Voluptas è sylvis. Earum interpellata plurifariam  
 continuatio refutat sylvestria nobis exprobratuꝝ. Non  
 posse, nisi mixtam inamœnis, amœnitatem estimari  
 regionum.*

**Q**uanquam delectabilem uberrimamque  
 nostri temporis esse Chaucidem constet,  
 ea tamen nequaquam dissimulanda nobis erunt,  
 quibus ipsa, plurimum ab antiqua Germania  
 discedens, antiquæ tamen utcunque vestigia  
 Germaniæ servat. Nam & agrorum pratorum  
 que lætitiam alicubi paludum humida dispun-  
 gunt,

gunt, & horrentium opacitas sylvarum camporum displaceat æstimatori. Sic autem de Germania Tacitus: *aut sylvis horrida, aut paludi- bus fœda.* Palustria & uliginosa Moerasch/ aut concisius Moer vernaculus sermo nominat: unde Langemoer/Hortemoer/Loiermoer/ & alia prætereunda paludū nō in in, Chaucidis agnoscunt insessores. Moer fortè an à mari descendit, uti Moerasch à Marisco, quod barbaro-Latinis usurpatum passivitus pro palude, tanquam maris diminutivum, lingua non unius admisit genus, pro idiomatum inflexum variatumque differentia. Nam & patulo diffusóque mari, ob stabilitatem, paludis aliqui circumdederunt appellationem: uti propterea lamæ ejusmodi lutosæ parvorum videantur accepisse marium appellationem. Utriusque Chaucidis comitantur hæ labes atque maculæ pulchritudinem. Major in medio sui, longo deformatur in hunc modum tractu, qui se totum prope creberrimis lacunis, & ericetis, relictum dolet: cùm ea, quæ Visurgis excipit Albisque, arboreis omnia fœtibus injussisque graminibus virescant. Unde non absurdam reperere comparationem, qui pallio Bremanam assimilatum ivere dicefasin, cuius quod utrinque præludit oris, holoserico superbiat aut bombycino splendore, quod pliatur interius atque confunditur, è filo sit tex-

tum

tum festinatū inque levidensi. Sensim tamen uliginum expugnantur emendantū rve tædia, admissa gnavorum opera cultorum, aut sollicitata. Quales, ab antistitibus nostris intromissi, iampridem contigere nobis Hollandi, acris laborumque capax natio, & occasionum haud segnis. Fridericus in Tabulis ad annum MCVI. Pactionem quandam, quam quidam *cis Rhenum* commanentes, qui dicuntur Hollandi, nobiscum pingerunt, omnibus notam volumus haberi. Præfati igitur viri Majestatem nostram convenerunt, obnoxè rogantes, quatenus terram in Episcopatu nostro sitam, hactenus incultam paludosamque, nostris indigenis superfluam, eis ad excolendum concederemus. Nos itaque nostrorum usi consilio fidelium, perpendentes rem nobis nostrisq; successoribus profuturam, non abnuendæ petitioni eorum assensum tribuimus, &c. Majestatis sibi titulum adscripsit, adscribive passus antistes est, obsecutus ingenio seculi, quo paullò minùs anxiè scrupulatimq; titulorum series atque magnificentia concipiebatur. Sic eorundem Imperatores temporum, in editis suis, *celsitudinis* adscivere titulum, qui multum hodie prioris cedit assurgitque dignationi. Valent enim ejuscemodi verborum pompæ, verborum ad instar reliquorum, sicuti numini, qui usui æstimium sui debent atque taxationem. Ceterū, ut ad eam, quam de-

popo-

poposcerant sibi, curam alacres indefessosque  
spiritus afferrent, tributa sunt Hollandis privi-  
legia quædam, & inter ea cautum, ut præsuli  
quidem nostro parerent, sed *ad synodalem justi-  
tiam & institutionem Trajectensis Ecclesiae*: quæ  
tunc latè finitimus imperitando, Cis-rhenanæ  
pariter ac Trans-rhenanæ præsidebat Hollan-  
dæ. Paludes autem, quas eò tempore nova do-  
nandas accepere facie, haud procul ab junctæ  
ab urbe Stada fuere. Sic enim Hartvicus Ar-  
chiepiscopus in Diplomate quodam, ad annum  
M C X L I X. *Iustitiam, quam, affectabant, scilicet  
qualem Hollandiensis populus circa Stadium habere  
confuevit, concessi.* Interim eæ, quas nondum  
arboreta possident ac fruges, duobus amplissi-  
mis commodis opprobrium sterilitatis ulciscuntur.  
Primum est, quod, tanquam munien-  
dis à natura derelictæ regionibus, objectu sui  
repentinos increpare queunt insultus. Unde  
Vellejus Patercul.lib. II. Chaucorum gentem  
*situ tutissimam dixit. & Hegesippus Saxoniam in-  
accessam paludibus, & inviis septam regionibus.*  
Quem sequitur Isidor. Originum lib. IX. c. II.  
*Saxonum gens in Oceani maris littoribus & pa-  
ludibus inviis sita.* Eorum, qui ripæ prætende-  
bantur Oceani, Saxonum nostri pars potissi-  
ma fuerunt. Dictu propemodum incredibile  
est, quantum Romanus, cum Albim Visur-

gim-

gimque victricibus terrere conaretur copiis,  
incerta paludum, ac fallaces incusaverit cam-  
pos. Quanquam secundarum ambiguorumque  
rerum sciens, eoque interitus, adversa sibi ta-  
men omnia putabat, cum loca, nobilitanda  
praeliis ac velitationibus, uligine profunda vi-  
deret, ad gradum instabilia, procedenti lubri-  
ca: cum corpus lorica grave labaret, ac nihilo-  
minus inter undas librare pila cogeretur. Hinc  
Annal. I. Cæcinam, nostra prementem confi-  
nia, terruit dira quies: nam *Quinctilium Varum*  
*sanguine oblitum & paludibus emersum, cernere &*  
*audire visus est, velut vocantem.* Tum post mul-  
ta ludibria Cheruscorum, queis præliandi non  
insolitus inter palustria labor, enī demum in  
aperta & solida legiones, *clamore & impetu ter-*  
*gis eorum circumfunduntur, exprobrantes, non hic*  
*sylvas, nec paludes, sed æquis locis æquos Deos.* Et,  
qui sequiora nobis tradidere secula, nostris in-  
ferentes sese regionibus hostes, non semel ab  
incepto resiliisse testantur, ambiguorum limosa  
prohibitos incertitudine terrarum. Alterum  
commodum, quo Chaucida paludum beat in-  
felicitas, ustiles sunt glebae, quæ extractæ illinc,  
ac soli permisæ duraturo, grata foco, nec lignis  
inferiora præbent alimenta. Quainobrem lib.  
LXVI. cap. I. de Chaucis amarulenter acer-  
bèque Plinius: *Captum manibus lutum ventis*  
*magis,*

magis, quam sole, siccantes, terrâ cibos & rigentia Septentrione viscera sua urunt. Quin & ea cespititiæ telluris indoles est, tamque corripi facilis, ut necdum dicata Vulcano, neque sedibus direpta suis, vi solis, an incuria mortalium, igne concepto latè volitantia fuderit incendia. Incertus autor, qui Bremensium antistitutum historiam, ab usque Carolo Magno repetitam, in Carolo Quarto sistit: *Circa annum Domini M C LXXXVII. terra circa Bremam arsit graviter, in æstate fervida, ferè per mensem, & per secessavit.* Sed, de isto quidem incerto autore, incertus aliquis hæreat, annon, cupidinem in exspectata prodendi historici religione potiorem habendo, subinde quippiam miraculi causa composuerit. Certè, postquam terræ menstruum memorasset ardorem, illicet equum subjicit, hominis indignabundo sessori verba regerente, *Equus, inquit, locutus est sessori suo dicenti, Bibe diabole: invitum me poteris ad aquam minare, sed invitum non poteris adaquare.* Ut jam minus accusare credulitatem Quiritum liccat, qui nunciato, boves locutos, multotiens majoribus hostiis horrendum procuravere prodigium. Veruntamen in eo, quod de tellure scribit inflammata, non ab omni derelictus est similitudine veri. Siquidem duas in Belgio nationes idem aliquando terror afflavit. Nam in

Ultrajectina ditione, Rhenam inter & Amersfortiam oppida, anno MDLXVII venæ cespitem, igne comprehenso, ardentis terræ simul & aquæ formidandum accolis edidere spectaculum. Tum & Frisorum ii, qui Flevum timent, locum demonstrare spaciosum solent, qui quondam liberalissimus ustilium editor glebarum, exhaustus subito prodeunte flamma, quæ nulla obrui poterat ope mortali, postea magno cum impetu succendentium receptator evasit aquarum, atque adeò lacus animavit appellari, vulgo Jonckermeer. Ad sylvarum quod attinet horrorem, quem invidiosè Germanis objiciunt asperi nimis exactores amœnitatum, frequentiores forsitan ac densiores Chaucos obumbrant majores, quam minores. Una quippe Bederkesana præfectura, ambitu suo circiter octo milliarium amplexa spatium, quadraginta numerat eximiae proceritatis arboribus eminentia nemora. Sed, quæ continuata, solitudine sui, metum ingredientibus incutiunt, ea pratorum agrorumque fructuosis intercisa varietatibus, horrore profli-gato, nil praeter umbrosa frondium minantur, ac ferarum voluptuosas agitationes. Denique non intercesserim, quò minus interjecta deliciis exprobrentur nobis in amœna paludum, & horrentia sylvarum. Non potest enim venustas

ftas & elegantia vultus æstimari, nisi cum turpi  
comparetur ac torvo: maris cœlique tempe-  
riein turbines tempestatésque commendant:  
vernantem floribus, aut māturescētē frugi-  
bus annum, hiberni capimus æstimamūsque  
comparatione rigoris.

## C A P. V I.

*Plinii locus, super maritimis Caucis, excussus. Insulae,  
quaæ Caucis oppositæ, non freto, sed æstuariis, à con-  
tinente secernebantur. Vectis antiquitus eadem facies.  
Cur à Septentrionibus arenarii nostris obducti colles.  
Æstuaria mare vadōsum Tacito: palus Dioni. Paro-  
ceanitidis nostræ faciem Vitellii examissim delineat  
iter. Tumuli. Tribunalia Zeelandis plura reliqua, quam  
Caucis. Quia perpetuis undarum exponebantur inju-  
riis, creditum nonnullis, ultrò, magnitudinis animorum  
testandæ caussa, vim eos laceſſere fluctuum voluisse.  
Imò, sumtis armis, bella suscipere cum fluctibus au-  
ſos. Inundationes.*

**A** soli dotibus, ac vitiis, ad emissā trans-  
gressuro coloniarum manum Plinii locus  
injicit: qui talem ferè Paroceanitidi nostræ vul-  
tum tribuit, qualem ante repertos aggerum  
obices Zeelandia tulit. Lib. xvi. cap. i. Sunt  
verò in Septentrione viſæ nobis Cauchorum gentes,  
qui majores minorésque appellantur. Vasto ibi mea-  
tu, bis dierum noctiūmque singularum intervallis,  
effusus in immensum agitur Oceanus, aternam ope-

riens rerum naturæ controversiam : dubiumque terræ  
sit, an in parte maris. Illic misera gens tumulos  
obtinet altos, aut tribunalia structa manibus ad  
experimenta altissimi aestus, casis ita impositis:  
navigantibus similes, cum integrant aquæ circum-  
data: naufragis verò, cum recesserint. Undas non  
tota Chaucis adimittebat, sed quā patrem pro-  
spiciebat undarum. Plinius verò toti superfudi-  
dit. More cupidinis humanæ, quæ libenter ex  
primo rerum intuitu universas æstimat, ac, pro-  
ut prima sese obtulerunt, ita vel in laudem ef-  
funditur nimia, vel in vituperationem. Scimus  
equidem, placandum Caicho Veniliæ nu-  
men ac Salaciæ, seu, ut demitis loquamur invo-  
lucris, hodiéque Ponti versus littora salūmque,  
vehementem noscitari nostris exæstuationem.  
Quòd autem de regione, lite maris ac terræ,  
dicit, ex parte principe referendum ad insulas  
est, quæ littoribus obtensa Cauchorum, ac,  
fretorum interluente non magno discidio, sub-  
tractæ continent, nihil aliud sunt quām ἀπόρρι-  
γες, seu fragmenta Chaucidis. Etenim ea tem-  
pestate nondum fretis absindebantur, sed æ-  
stuariis, alternis vicibus modò insulæ, modò  
terræ portio continentis: nunc altissimis ple-  
ræque fluctibus assidue cinctæ, ut non nisi na-  
vium adiri tramissu queant. Simile Vectis fa-  
ctum, aliarūmque circa Britanniam insularum,

narrat

narrat in quinto Bibliothecæ Diodorus: Αποτυπώνεις δὲ τὸν αὐτοχρόνων ρύθμον, καμίζειν εἰς θεατῶν, αφεκτημένων μὲν τὸν Βρεττανικὸν, ὄνομα ζούμηρον ἐν Οὐίκλιν. οὐδὲ τὰς αἱμοπάτες ἀναξηραινομένες οὐδὲ μεταξὺ τόπων, τὰς αἱμοξεῖς εἰς τὰν τὴν καμίζειν διαψιλῆται καταστέρουν. οὐδέν δέ ουριβαῖνδι τὰς τληνούσιν νήσους, τὰς μεταξὺ κειμένας τὸ τε Εὔρωπης καὶ τὸν Βρεττανικὸν. οὐδὲ μὲν τὰς τληνομενούδας οὐδὲ πόρες τῆς τετραστῆς, οὐδὲ πελών τόπον ἀναξηραινόσης, θεωρεῖν) χερρόνησον. σύντελεν δὲ οἱ ἔμποροι ωδῷ τοῦ ξεωτινοῦ), καὶ Διοκλητίζειν εἰς τὴν Γαλατίαν. Id est, Talorum modo (plumbum album) conformatum, in quandam Britanniae adjacentem insulam, cui nomen Victis, deportant. dum enim per refluxus intervallum locus in medio desiccatur plaustris, largam stanni vim transvectant. Insulis vero hisce vicinis, quae Europam Britanniamque interjacent, peculiare quiddam accidit. Freto quippe interjecto per inundationem aestus aquis oppleret, insulae esse adparent. decedente vero per reciprocationem mari, ingens loci spatium aquis defectum, peninsularum speciem reddit: inde stannum ab incolis coemptum, in Galliam negotiatores deferunt. Insulas vero dictas littori quondam adhaesisse nostrati, ex eo quoque divinus aliquis effodiat, quod, muniendis illis, ad Arctum quidem arenarias admolita natura moles est, ad Austrum vero, quo a continente afflantur, aut nullas aut immemorabiles: tanquam continuatæ telluris exitum

modò firmatura. Undam, quâ discerpimur,  
 Hec Watt appellamus, id est, mare vado-  
 sum. Sic & Tacitus Annal. I. vocat. At Ger-  
 manicus legionum, quas navibus vexerat, secundam  
 & quartam decimam itinere terrestri P. Vitellio du-  
 cendas tradit, quo levior clavis vado so mari innaret,  
 vel reciproco sideret. Paludem Dio Cassius, in  
 rebus Drusi, Lib. LIV. Ωκεανὸς Ἀλγὴς Φήνες να-  
 ταντὸς Καστορίας τε Φερόποτας οὐκέτι Καρπός, οὐδὲ τοῦ Χαυνί-  
 οῦ Αλγὴς τε λίμνης ἐρεβαλλῶν, σύνδυσθε, τε πλοιαρέπει τε  
 Σεπτεμβρίας παλιρρόας ἐπὶ ξηρῷ γένομφάν. Id est, Tum  
 Rheno in Oceanum devectus, Frisios perdomuit: &  
 quum per paludem in Chaucida trajiceret, in peri-  
 culum incidit, navibus maris refluxu in sicco desti-  
 tutis. Cetera Chaucidis, obnoxia fluctibus, ex  
 itinere Vitelliano discas, cum incomparabili  
 verborum majestate repræsentato. Vitellius  
 primum iter sicca humo, aut modice adlabente æstu,  
 quietum habuit. mox impulso aquilonis, simul si-  
 dere æquinoctii, quo maximè tumescit Oceanus, rapi  
 agique agmen: & opplebantur terræ: eadem freto,  
 litori, campis facies. neque discerni poterant in-  
 certa ab solidis, brevia à profundis. sternuntur flu-  
 titibus, hauriuntur gurgitibus jumenta, sarcinæ.  
 corpora examina interfluunt, occursant. permiscen-  
 tur inter se manipuli, modo pectore, modo ore tenus  
 existantes, aliquando subtracto solo disjecti aut ob-  
 rui. non vox, & mutui hortatus juvabant. adver-  
sante

sante undâ nihil strenuus ab ignavo , sapiens à prudenti, consilia à casu differre. cuncta pari violentia involvebatur. Tandein , postquam agmen in editiora subductum , sine utensilibus, sine igni, magna pars nudo aut mulcato corpore, pernoctâset, acrûque ac pugnaci pro fine subeundum deplorâset inglorium exitium, lux, inquit, reddidit terram , penetratûmque ad amnem Visurgim. Scilicet hinc lucet, cur misertus sit eorum infelicitatem Plinius , quorum laribus obtigerat,

*Quæ neque subsedit penitus, quò stagna profundi  
Acciperet, nec se defendit ab æquore tellus,  
Ambigua sed lege loci jacet invia sedes:*

Vt appositiè canit, in nono Pharsaliæ, Cordubensis. Navigantibus assimulat eos, cùm cingunt tuguria fluctus , naufragium passis, cùm destituunt: quia tumulis insuérant, aut tribunalibus, paupertinas imponere casas. Editioribus inedificata tumulis oppida, vicósque, cernimus: cetero maritimæ Chaucidis, sed Minoris imprimis, sic depresso solo, ut, aggerum objectu remoto, patenti sit Tethida gremio receptaturum. Structa manu tribunalia Toxander plura, quām Caucus , ostendit. Sed & sua, quæ nunc videt, aliquando Zealandia leget. Etenim indigus terræ complanat omnia possessor. Ceterū ex eo, quòd in tam dubia tellure

casas inaudiverat habitare Caucos, collegit Ephorus, sponte Celtas, ut discant omni generosum pectus exonerare metu, irruenti permittere domicilia Neptuno. Strabo lib. vii.

Ἐπὶ ἀφοσίαν οἱ Κελτοὶ ἀσκεῖντες, καλυπτόμενοι τὰς οἰκίας ὑπομένοντες, εἴτε ἀνοιχθόμενοι, οὐδὲ ὅτι πλείων αὐτοῖς συμβαινεῖ φθόρος ἐξ ὕδατος, ηπολέμους, οὐδὲ Εὔφορος φυσίν.  
Quod Celtæ ad vacuitatem metus sese assuefiantes, patiantur domos suas aquis obrui, rursusque adificant, plurisque eorum aquis quam bello pereant, quod Ephorus tradidit. Ex eodem audaciūs alii mentiendi traxere licentiam, ac si arma quoque capere Celtæ maritimi solerent, elementi furorem castigaturi. Fragmentum Nicolai Damaasceni, quod apud Stobæum supereft:

Κελτοὶ οἱ τῷ Ωκεανῷ γετυιῶντες, αἰχρὸν ήγένετο τοῖχον καλυπτίκοντες ηθοίκαν φύγειν. Πλημμυρεῖσθαι δὲ τὸν τέλεων θάλασσην ἐπειχομένης μεθ' ὄωλαν απαντώντες ὑπομένοντες, ἔως καλυπτόμενον, οὐ μὴ δοκεῖσθαι φύγειν τὸ θάλαττον φοβεῖσθαι. Id sic interpretor: Celtæ Oceano propinqui, turpe ducunt, pariete vel domo collabente, fugere. Accedente verò mari exterioris aëstu, armati occurrere sustinent, donec obruantur undis, ne, fugam capessendo, mortem timere videantur. Hi Æliano etiam imposuere, quem adi Var. Hist. lib. xii. Nec immunem passi sunt à fabulis Aristotelem, qui Eudemiorum lib. iii. cap. i. οἶν, inquit, οἱ Κελτοὶ τὰ κύματα ὄωλα απαντῶσι λαβόντες: οὐδὲς η βαρβαρικὴ αὐδεῖα μῆτι θυμὸς ἐστι.

Quem-

Quemadmodum Celtæ, sumtis armis, occurrunt fluctibus: & omnino barbarorum fortitudo ex ira impetu procedit. Vnde κελτοὶ ιραζόν, tanquam parœmiaim, Græcus usurpabat. Hodie quoque cum Oceano, non ferro, sed cespite limo-  
ve luctamur: invento continuæ molis aggerundæ propugnaculo. Quo debellato sata sternuntur, ædificia natant, homines ac pecudes ab avaris absorbentur aquis, atque adeò luxuriantis oræ felicitas atroci coërcetur inundatione. Paullò vetustiora vide. Historia Archiepiscorum Breimensium: Anno Domini M C L X I V. Hartwico Archiepiscopo Conradum Episcopum, in Stadio consecratum, adhuc secum in Horburg detinente, x i v. Kal. Martii orta est tempestas maxima, & maris abundantia, & involvit aqua omnes fines maritimos Fresiæ, Hadeleriæ, & omnem terram palustrem Albiæ & Virræ, & submersa sunt multa millia hominum & jumentorum. Sed & agnoscetem maris in Cauchos imperia Lipsium vide. De Constantia lib. i. cap. xvi. Diluvies maris subita inundatioque, quot terras imminuit, aut absorpsit! Olim magnam illam Atlantidem insulam (nec enim meo animo fabula est) postea Heli-  
cen, Buren: & ne ad vetera aut remota eamus, apud nos Belgas, patrum ævo, duas insulas cum oppidis virisque. Quin jam nunc cum maximè cœrulus ille Divus novos sibi sinus aperit, lambens cotidie & ab-

*rodens infidum marginem, Frisorum, Canis fatum,  
Cauchorum.* Ac, quod tyranno colla subderet  
Oceano, Frisia legitur in septem divisa Zeelan-  
dias. Oceani vero tyrannide cum Iada promo-  
vet Ainasus, & cum Albi Visurgis, vagi & ex-  
panditores amnes, identidem recusantes amare  
alveos suos, ac fluminum servare modum.

## C A P. VII.

De Coloniis Caucorum. *Causæ, quæ nos trós ad de-  
ducendas impulere. Populi frequentia. Metus ab O-  
ceani barbarie. Negata regioni fœcunditas. Victo-  
ris arbitrium. Tempora deductarum dividuntur in ea,  
qua purum spectavere Caucum, & qua mixtum. Ti-  
berius, inter Germania deditios, in Galliam Caucos  
trajecit. Causa træctionis. In Hispania Cauci. Lu-  
benter in nova sedium gentis sua nomen emissi trans-  
fundunt. In Hibernia Cauci. Mixtus cetero Franco  
Caucus irrupit in Romana. Sed absque Cauci nominis  
interitu. Francum nomen plurima trans Rhenum ado-  
ptavere nationes. Id, una cum federe, servituti reper-  
tum averruncanda, Romanique artibus oppositum &  
armis. In Gallia Franci. Populorum vices. Permixtus  
Saxoni Caucus in Britanniam ivit, adscitus ab incola  
contra Picti violentiam Scotique. Gravis ei, quin &  
hostis, a quo fuerat adscitus. Hinc, ad incitas indi-  
gena redacto. Britannia Transmarina Saxonia. Cum  
Longobardo terruit Italiam Saxo. Flandriam, Bra-  
bantiam, Franciam colere jussus a Magno Carolo.*

**C**oloniarum plures quideim possunt exco-  
gitari causæ deductarum: sed in his qua-  
tuor insignes eminent atque præcipuæ, quæ  
ad

ad abelegandum aliò fœtus suos aut coëgere Caucos, aut excitavere. Prima est augescens in immensum, soliq; natalis objurgans angustiam soboles; unde Tacitus: *tam immensum terrarum spatum non tenent tantum Chauci, sed & implent.* Et Vellejus lib. II. *juventus Chaucorum numero infinita.* Alteram Chaucidi migrandi necessitatem maritima regionis imposuerunt, aut operta fluctibus, aut operiunda. De quo Plinium excussimus, in precedente capite, rhetoricanem. Videnti verò, plurimam sui partē grassatori obnoxiam Neptuno, cùm continuæ molis objiciendæ remedium ignoraret, nihil ferè supererat aliud, quām ut fœcundæ juventutis exoneratura sese portione, disjunctis in regionibus aliam atq; aliam identidē prosemnare Chaucidem tentaret. Quæ & princeps migrandi ratio Cimbris extitit, haud longo nostros relinquentibus intervallo, ac similem experientibus avari tyrannidem elementi. Erant enim, referente Strabone, l. viii. qui dissita terrarum natalibus antetulisse Cimbros crederent, ὅπις χερρόνη Κοροινέντες, μεγάλη τὸν περιεχόντα εὔελθεῖν εἰς τὴν παπων, quod è peninsula, quām inhabitabant, diluvio fuissent ejecti. Tertia causa, quæ mutare sedes perpulerit, esto terra niiniæ damnata sterilitatis, de qua binis ante euntibus satis superque dictum capitibus est. Hæc quondam in

in universum Germanos domiciliis suis exegit, cùm oræ pœniteret eos propriæ, contráque fertilis alius, atque in majus laudatæ, fama corrumperet. Quod Histor. i v. comprobat oratio Cerialis, ad Treveros habita Lingonásque: *Eadem semper causa Germanis transscendendi in Gallias, libido atque avaritia, & mutandæ sedis amor, ut relictis paludibus & solitudinibus suis, facundissimum hoc solum, vosque ipsos possiderent.* Quartam ad victoris arbitrium refero metumque. De cauſis quidem ista. Ceterum, in priscorum excunti memorias actorum, in quantum prospicere Caucorum licuit è longinquo colonias, bipartito videntur eæ dirimi discriminarique posse. Nam alias quidem emisere, cùm adhuc proprius, & sincerus, tantumque sibi similis extitere populus: aliàs verò, cum Saxonibus immisti Francisque, iam non amplius incorruptæ retinuere gloriam sinceritatis. Puræ gentis tres agnosco transportationes. Primam recens coercitæ, & adversus jugum nuper impositum dubia cervice contumaci, vastator imperavit Tiberius, cùm, Augusto copias & suos præbente Divos, eosque Romani Reverentiam proferret imperii. Cassiodorus in Chronico: *C. Asinio Gallo & C. Marcio Censorino Coss. inter Albim & Rhenum Germani omnes Tiberio Neroni dediti. Arcanum, quod admissa*

missa dominatio victis repererat enervandis,  
curatè perscripsit in vita Tiberii Tranquillus :  
*Germanico bello quadraginta millia dedititorum  
trajecit in Galliam, juxtagq; ripam Rheni sedibus as-  
signatis collocavit. Quadringenta millia captivo-  
rum, immane quantum dissidente numero, tra-  
jecta scribit Eutropius lib. vii. Dedititiis vero  
istis, patrio dein cœlo mutare Gallicum jussis,  
disertim *receptas Chaucorum nationes*, & cum  
multa quidem admiratione ducis sui, Vellejus  
Paterculus interserit. Mos enim ferme rerum  
tyrannis erat, nuperis admodum circumventos  
armis, atque rebellionis inter & obsequii glo-  
riam ancipites, pro libidine huc illuc transfer-  
re, pecudum in morem, quas pastores nunc in  
hybernos, nunc in æstivos trajicere saltus a-  
mant. Ita namq; franguntur acres vegetiq; po-  
pulorum spiritus; & qui in suo solo quidlibet  
auderent, placidi quietique agunt in alieno.  
Alio ævo Caucus exul interpellasse videtur Hi-  
spani pacem, inibique sedem fluctuantum fi-  
xisse fortunarum. Caucenses enim collocat in  
Vaccæis, citerioris Hispaniæ populo, Plinius  
lib. iii. cap. iii. *Clari in Vaccæorum xviii.*  
*civitatibus Intercatienses, Pallantini, Lacobricen-  
ses, Caucenses.* Sed & urbem eorundem Vac-  
cæorum Caucam Ptolemæus agnoscit, lib. ii.  
cap. vi. At ante Plinium florentem, ac Pto-  
lemaeum,*

lemæum, Germani finitorem superaverant Hispaniæ Pyrenæum. Seneca in Consolatione ad Helviam: *Græci se in Galliam immiserunt, in Græciam Galli: Pyrenæus Germanorum transitus non inhibuit: per invia, per incognita versavit se humana levitas.* Ac plerumque, qui profecti sediū quærendarum caussâ fuere, si gentis suæ famam implerent atque dignationem, nomen nationis, quod domo secum attulerant, intactum ab illuvie barbarorum illibatū inque servavere. Quemadmodum Commentario quinto Cæsar prodidit de Belgis, qui, spe prædarium, ditibus inferentes arma Britannis, partem sibi postmodo telluris asseruere Britannorum: *omnes ferè iis nominibus civitatum appellantur, quibus orti ex civitatibus eò pervenerunt, & bello illato ibi remanserunt, atque agros colere cœperunt.* Idem Caucis obtigit honos, aliud publicum in Hibernia sistentibus exilium. Caucos, in Hiberniæ situ, libro II. capite II. Ptolemaeus edidit. Ac Menapii, quos proximos in Hibernia videre Caucos, à Belgica quoque Gallia sua non nimis absitos abscedentesque videre. Quorum gentili respondentem nomini Menapiam urbe in eodem capite Ptolemaeus exhibet, sicuti Caucorum nomini dicatam memoravit in Hispania Caucam. Nota, scriptorum encomiis, ejus insulæ felicitas in-

pum

pum extores orarum ad sui pellexit experientum. Non minùs, quām eos, qui, sex ante secula septēmve, nostra fatigabant accolárumque senticeta; quos ad se transgressos in hunc usque diem **Gestmannen** appellitat Hibernus, tanquam ab oriente profectos in Hiberna sole. Tum & mare illic haudquaquam importuosum, usum insulæ promisit aperuitque tentaturis. In Agricolæ vita: *Solum cœlumque, & ingenia cultūsque hominum haud multum à Britannia differunt. melius aditus portūsque per commercia & negotiatores cogniti.* Hactenus de puro Cauco. Prima mixti quòd nos non fugit emigratio, repertoribus iis debetur, qui, veritate in æmulante conjectatione, Caucos putant accolásque populariter avito decessisse solo, ac, quòd cupidine tutandæ libertatis inflammarentur, nobile Francorum nomen gentibus, annalibúsque gentium & historiis intulisse. Nam qua tempestate desit audiri Caucas, eadem prope Francus emersit, ac prioris æternitatem nominis occupavit. Quamvis imperante Decio, sub quo Francorum primò nomen enotuit, neutquam sepultum est ilicet extinctumque Caucorum. Plusquam seculo disfidet à Decii principatu Julianus: hic tamen non nesciit arma noménque Caucorum, ut Zosimus, in rebus ad Rhenum ab eo gestis,

de mon-

demonstrat: interstitium non contemnendum à Juliano Theodosium separat: hoc tamen summæ rerum imposito, adhuc Claudianus, in primo de laudibus Stiliconis, cecinit *indignan-tem Caycum*, qui non aliis est à Cauco. Consumit tamen ejus, ac conterminorum, populares appellations adscita Francici dignitas atque magnitudo nominis. Discimus enim ex Ammiano, Maimertino, Eutropio, Amasum inter & Albim objectos Oceano Francos, è littore suo formidandos hostium navigationibus existisse piratas. Jam tum igitur Francorum nomen in nostris caput efferre cœperat oris. In vetusta tabula itineraria hæc nomina leguntur: *Chauci, Ampsivarrii, Cherusci, Chamavi, qui & Franci.* Sequiturque dehinc ipsa regio, majori signata charactere, FRANCIA. Talem enim verbis iis, fœde corruptis priùs atque luxatis, medicinam fecit nobilissimus Philippus Cluverius, Majoris Chaucidis, cui domus suæ vetustissimas imputat imagines, ingens æternū inque superatura gloria. Idem, qui Germaniæ Antiquæ lib. III. non modò non improbandam hanc, sed profectò, admittendam etiam, tuetur ac propugnat opinionem, quâ plerique populorum, qui, mare vorfus, Rheno cludebantur & Albi, carpi se singulos ab hostibus indignati, in unius corporis vali-

validam conspirâsse societatem feruntur, ac  
splendidum in speciem magnificumque Fran-  
corum vocabulum gentilibus suis atque pri-  
vis unanimiter antetulisse. Enimvero Cauci,  
Bructeri, Chamavi, Ampsivarri, Cherusci,  
Chatti, Tencteri, Salii, Frisii, Dulgibini,  
Chassuarri, Angrivarri, cùm fortia hactenus  
agere patique didicissent, tandem intellecto,  
dominatricem Romam in turbido stultoque  
suarum piscari discordiarum, gentis periculo  
nationum condonandas existimavere simulta-  
tes. Admoniti dannis, & innumeris exper-  
gefacti cladibus, à stirpe revellendam infortu-  
nii sui decrevère radicem. Artes suas, quibus  
hactenus grassantem tulerant Romanum, ei-  
dem, fatali regnaturientium civium ambitioni  
sanguinem coimmodanti, remisere. Propterea  
viribus animisque fiderter adunatis, unum  
quoddam gentis imperiique corpus effecere:  
cujus sese omnia atque singula membra thi  
*Francken* appellavere, quasi tu *liberos* dixeris,  
ac depositæ libertatis instauratores: sicuti dein-  
ceps portio Francorum Frisii, quorum pars in  
Chaucidis venire partem, idem libertimi fla-  
tus epitheton affectavere. *Germanos ulteriores*  
indigitat Orosius, in representatione difficul-  
tatum, cum quæs Gallieni tempora conflicta-  
bantur; *Germani*, inquit, *ulteriores abrasa potiti*

D

sunt

sunt Hispania. Sed disertim, in eorundem tristitia  
temporum tangenda, Francos vocat Aurelius  
Victor. Erat autem imperium, principem ut-  
cunque locum implente Gallieno, inter trigin-  
ta lacinatum foedisse discerptumque procos.  
Proin, versa rerum vice, suorum cervicibus in-  
hæsere vastatorum, ac nutantia rei Romanæ  
fata proclinavere. Unde totiens in Francorum  
dicendis incursionibus, atrocitate, crudelitate,  
piratica, attolluntur intumescuntque Panegy-  
ricorum orationes. Ceterum, uti meliores Ro-  
mani orbis certainibus ac victoriis lustravere  
ditiones, ita spargendarum per attonita terra-  
rum haudquaquam oblii fuere coloniarum.  
Iterum Quiriti suum regerentes arcanum, de  
quo Seneca in Consolatione ad Helviam: *Vbi-*  
*cunque vicit Romanus, habitat.* Sed complures in-  
ter provincias, Rōmāno regnatas aut barbaro,  
Gallici imprimis soli felicitas intrudentem sibi  
surculos suos admirata Francum fuit. Cujus  
hodieque portio, regis diligeri clara domicilio,  
Francisque pro Bellovacis infessa Parisisque,  
ab infessoribus accepta superbit appellatione:  
quæ sensim appellatio, prout deterit atque con-  
sumit humiliora nomina latè dominabundum,  
totam complexa est ambitu suo Celticā &  
Aquitanicā Galliam. Ecce verò iterum, qui  
rebus cunctis inest, velut orbe in quendam, ut  
quem-

quemadmodum temporum vices, ita gentium vertantur atque nationum. Cauci absuntis, ac vicinorum, aut, si malis ita, Franci plurimus invaserat arva Saxo. Cupidinem illi deinceps, urgentibus fatis, ingesta clade domitor Francis exprobravit. Marcellinus Comes in Chronico ad A. D LIII. *Hlotarius Francorum rex Saxones rebellantes juxta VViseram fluvium magna cæde domuit.* Alium orbem vide. Franci, qui Romanam prius ad parva magnitudinem redigerant, iidein Longobardorum irruptionibus exspiraturam focillavere. Ioannes Biclariensis, ad annum v. Mauritii: *Romani per Francorum adjutorium Longobardos vastant, & provinciae Italæ partem in suam redigunt potestatem.* Ne quid de Carolo, fatiscentis imperii destina, dicam. Atque hæc de migratione, quâ defervit avita littora Caucus, in Franci corpus coalescens & appellationem. Ævo labente successore coloniæ, quas idein ex se fudit immistus Saxonii Caucus. In Claudiani quidem Panegyri secunda, Stiliconis dedicata laudibus, amictu cœrulo Oceani æstum mentita Britannia,

*Me quoque vicinis pereuntem gentibus, inquit,  
Munivit Stilico, totam quum Scotus Ibernam  
Morit, & infesto spumavit remige Tethys.  
Illi effectum curis, ne bella timerem*

*Scotica, ne Pictum tremerem, ne littore toto  
Prospicerem dubiis venturum Saxona ventis.*  
At ei securitati, quam Stilico poterat imputare  
Britannis, breves fata dederunt annos. Mox  
enim graviore, quam unquam antea, concussa  
fortuna, Saxona, quem juxta cum Picto Sco-  
tique tremuerant, ad accelerandas interitus  
genti suppetias extimulavere. Verba legato-  
rum: *Sub Romanorum hactenus clientela ac tutela  
liberaliter viximus: post Romanos vobis meliores  
ignoramus: ideo sub vestrae virtutis alas fugere qua-  
rimus. Vestra virtute, vestris armis, hostibus tandem  
superiores inveniamur, & quidquid imponitis servi-  
tii, libenter sustinemus.* Non illi surdas Saxonum  
aures adstrepuerent. Decreta contra Britannorum  
hostes expeditio. Trajectus, ad annum ccccxxx.  
in insulam miles. Tribus longis navibus adve-  
ctum testatur in quarto decimo Paullus Dia-  
conus. Eas Bremæ adornatas aliqui, nescio  
quo Phœbo duce, prodidere. Liquidior est  
adsciti injuria Saxonis. Averruncato vastatore  
Picto, soli deliciis, & ignavia pelleetus inco-  
larum, denique frequentiam suam, indies af-  
fluente populari, contemplatus, in ipsos illau-  
data direxit arma Britanos. Residui Britanno-  
rum, inquit Diaconus, cum amicali societate ex-  
ceptos, versa in contrarium vice, hostes pro adjuto-  
ribus, impugnatorésque sensere. Itaque clades  
hospi-

hospitum Saxo, multam fixit atque fundavit in Britannia Saxoniam. Unde Moguntinus Bonifacius, in epistola ad Zachariam Papam, pro Britannia *Transmarinam Saxoniam* usurpavit. Alia quoque secula transportatum in diversa terrarum Saxonem videre Longobardo sociatus, postquam diu terrorem, & cædes, & incendia circumtulisset, depositum in Italiæ parte vastatricium partem copiarum, uti colligere licet è primo Witechindi libro. Carolus deinde Magnus, assiduò turbidum expertus, nativo aëre modò Francicum, modò Flandricum, modò Brabanticum mutare debellator jussit, ut alienigenarum consuetudine dominus, admitteret aliquantò promptius, quæ inter suos per abruptam contumaciam repellebat. Sed increpetur excursurus in citeriora tempora stylus.

## C A P. VIII.

De habitationibus Caucorum. Nesciit urbium claustra sibi fidere docta Germania. Civitas pro corpore pagorum. Civitates Transhenanæ. Parochia pro diæcesi. Pagus uti portio civitatis, ita pagi vicus. Dicitur regionis in pagos diribitio Teutonibus adamata. Vadomarii, Alsacensis, VVormatiensis, Chattuariorum, Chamavorum, Holsatia, Emisgoe, VWestfalia, Angeria, pagi. Praesul is Adalberti ambitio. VVimodia pagus, in quo Brema. Vici unde, Burgum, Burgarii. Iuncta frequentium adificiorum series urbs Herodoto

vocatur, ac Ptolomao. Sicuti nostris Stede. Nomina Cauciarum habitationum à domibus emanare: nec non à sepimentis, montibus, arbutis, virgultis, rivis, agrorum parte, tuguriis.

**U**Rbium claudi repagulis ac coërceri, pris-  
co dedecorosum insolénsq; Germano fuit.  
Tacitus: Nullas Germanorum populis urbes habi-  
tari, satis notum est. Sprêvere faxea mœnia,  
minantes cœlo turre, ferratósque portarum  
obices, qui in dextris suis spem omnem præsi-  
diūmque portabant, omnique munimento va-  
lidius existimabant, munimento non egere.  
Neque verò coëstilibus adscribenda lateribus  
est emergentium urbium gloria. Ottho in ea,  
qua turbidum militem perstringit ac mulcet,  
oratione: *Quid vos pulcherrimam hanc urbem do-  
mibus & tectis, & congestu lapidum stare creditis?*  
Hist. I. Vrbem verius efficit in unum coëun-  
tis consensus atque conspiratio multitudinis,  
eadem jussa reverentis ac regimen, nec contra-  
cta nimium, nec ampla nimium aut diffusa, ut  
& in se ruere, more prægrandium yetetur, &  
hostilia intentantibus eadem regerere queat.  
Interim eorum, qui & novêre priscitus, &  
ignoravêre mœnium substructiones, passim  
leguntur in autoribus *civitates*. Taceantur Ja-  
zygi, Britannorum, Gallorum, Hispano-  
rum, Belgarum, Helvetiorum Cæsari memo-  
ratae

ratæ Tacitōque civitates. Epitome Liviana Decad. XIII. lib. x. Bellum adversus Germanorum trans Rhenum civitates gestum à Druso referatur. Lib. VII. Civitates Germanicae cis Rhenum & trans Rhenum positæ, oppugnantur à Druso. In Transrhenanis Caucia civitatibus erat. Vim ejuscemodi consortium apud Polybium l. IX. legatus aperuit Ætolorum, in concione, quâ in Philippum, totamque Macedonum invehitur regiam: Ήν τὸ σύγμα τὸ ἐπὶ Θράκης Εὐλών, ὃς ἀπό-  
κτιος Αἰθωνος καὶ Χαλκιδεῖς. Id est, Erat olim inter Græcos, qui Thraciam colebant, corpus veluti quod-  
dam & resp. communis coloniarum ab Atheniensibus & Chalcidensibus eò deductarum. Hoc corpus, atque respublica communis, civitas erat Thra-  
ciensium Græcorum. Neque in absimile cor-  
pus Achæorum coaluere membra, commune A-  
chæorum Polybio dictum, aliisque. Corporis, pro civitate, nomen etiam Tacitus admisit:  
*Adjicit auctoritatem fortuna Semnonum: centum pagis habitatur, magnoque corpore efficitur, ut se Sueorum caput credant.* Civitatis verò nomen inditum est plurium coitioni atque corpori pa-  
gorum, quemadmodum aliorum temporum stylus parochiam, quæ nunc strictiorem intra si-  
gnificatum stetit, pro totius alicujus ambitu diæceseos usurpavit. Pagorum distinctione,  
confusionis inordinatū corporum civitatūmve

D 4 devi-

devitabat amplitudo. Pagus enim portio civitatis erat, quem vicissim vicus non unus adimplebat. Illa regionum in pagos diribitio diu successoribus antiquissimæ vetustatis annis placuit, haud facile instituto, quod publico proficuum egregio repertum fuerat exolescente. Ammianus Marcellinus lib. xx i. Didicit, Alemannos, à pago Vadomarii exorsos, vastare confines Rhætiis tractus. Regulo pagus iste Vadomario parebat: idcirco non pudendis arctatum fuisse limitibus oportet. Sic enim idem Ammianus lib. xiv. In Gundomadum & Vadomarium fratres, Alemannorum reges, arma moturus. Et libro xviii. statim rex quoque Vadomarius venit. In privilegio Theodrici, Francorum regis; Monasterium virorum in eremo vasta, quæ Vosagus appellatur in pago Alsacensi, in loco qui vocatur Vivarius peregrinorum, qui antè appellatus est Murbach. Aimoinus; Imperator reliquum æstatis tempus in pago VVormatiensi transegit. Diploma, cui copias suas Laureshamensium clerus debuit, insertum Chronico Laureshamensi: Pro Dei intuitu vel pro animæ nostræ remedio, seu & pro æterna retributione, ut non inveniat in nobis ultrix flamma quod devoret, sed Domini pietas quod coronet, ideoque nos in Dei nomine donamus ad sacrosanctam Ecclesiam sancti Petri seu ceterorum sanctorum, quæ est constructa in loco nuncupato Lauresham,

*resham, in pago Rhenense, super fluvium VVisgoz,*  
*&c. Quæ deinceps, in eodem diplomate, tali-*  
*bus excipiuntur; villam nostram in pago VVorma-*  
*tiense, in loco qui dicitur Hagenheim. Utrobique*  
*magnarum regionum non adsperrandi distri-*  
*ctus pagorum nomine censentur. At, sua sibi*  
*jussis habere remotioribus, propriùs ea, quæ*  
*nostris, vicinisque nostrorum, ex antiquis re-*  
*licta moribus fuere, dispiciamus. De Chat-*  
*tuariis, in Juliani rebus, Ammianus; Scruposa*  
*viarum difficultate arcente, nullum ad suos pagos*  
*introisse meminerant principem. De Chamavis*  
*eadem scire licet è Sulpitio Alcxandro, apud*  
*Gregorium Turonensem lib. I. cap. IX. Colle-*  
*cō ergo exercitu, transgressus Rhenum, Bructeros,*  
*ripæ proximos, pagum etiam, quem Chamavi inco-*  
*lunt, depopulatus est. Quemadmodum de Hol-*  
*satis, ex Adalberonis Archiepiscopi diploma-*  
*te, ad annum M C X L I. qui serviunt in novo*  
*monasterio, in villa VVippenthorp nuncupata, in*  
*pago Holsatia, atque item alio ejusdem, ad an-*  
*num M C X L I V. prædium suum, quod habuit in*  
*pago Holsatia, in villa Elmeshorn. Villa, quam*  
*pro prædio, ac, si cultior splendidiorque foret,*  
*pro prætorio casta Latinitas accepit, à barbarie*  
*vitiæ cœpta est pro rusticarum congerie do-*  
*muncularum adhiberi. Henrici Imperatoris*  
*edicta, in Adalberti procusa gratiam, pagos*

loquuntur Emisgoe, Westfalon, Angeren, in quos pontificis ejus reverentia propagabatur. Quod mirari desinet, qui & Westphaliam ambitu tunc temporis coercitam breviore scivere, & Adalbertum, consummatisimum auxili specimen ideamve Politici, aures animumque quarti Henricorum possedisse. Eminendi libido, quae cunctis affectibus flagrantior est, insuper habere moderata præsumem cogebat, qui & Archiepiscopi titulo Patriarchæ jungere dignationem, & , præter infinitos ad Aquilonem obsequendi cathedræ suæ gloriam amplexos, è vicinis quoque duodecim suffragatueros sibi corraderem destinabat Episcopatus. Sed e-juscemodi Chaucidi probatae distinctionis, non alibi vestigium reperire licet expressius, quam in eo pago, qui Bremam accepit. *VVimodiam provinciam Magni Caroli privilegium vocat.* Henricus in eo, quod Liesmundam paludésque transcripsit Adalberto: *forestum etiam cum banno regali per totum pagum VVimodi.* Quæ Fridericus Imp. Hartwico primo gratificatus, reposuit: *Contradimus quoque & confirmamus jam dictæ Hammaburgensi sive Bremensi Ecclesiæ forestum cum banno regali per totum pagum VVimodi.* Amplum illustrè inque fuisse, discimus è privilegio, quod Anschario Leo, cognominum Paparum quartus, antistitutum nostrorum

quar-

quarto concessit: *Concedimus igitur, sicut à prædecessore nostro beato Gregorio concessum est, scilicet ut gentes VVimodiorum, Nordalbingiorum, Danorum, Norwegorum, Suecorum vel quascunque Septentrionalium nationum jugo fidei prædicatione tua subdideris, &c.* Ceterum vix alia pagorum mater, quā in plurium sociatio vicorum fuit. At vicos peperit connexa sensim cohærēnsque domorum series, oppidorum donata nomini- bus ab externoruim pleraque cohorte scriptorum, indigenæ verò subinde *Burg* appellita, sicut incolæ vicorum *Burgers* aut *Burgars*/ unde *Burgarii* lexicon intraverunt Isidori. Sic de Burgundionibus Luitprandus, fuisse iis burgum, *domorum congregationem, quæ muro non clausa:* quæ quidem verba non inconcinnam exhibit agrestium descriptionem habitationum. Domatim verò nostrates pri- mò coiisse mortales, donec, temporum succes- su, vicatim censi gloriarentur, indicant etiam creberimæ ruricolarum in utraque Chaucide sedes, quæ terminazione *husen*, id est, domus, adaint finiri. In Majore noscitantur Edinc- husen, Osselkehusen, Uphusen, Swachusen: at Minor ingreditur turmatim: Tedinckhusen, Niebrockhusen, Oldebrockhusen, Struckhusen, Scaringhusen, Sibenhusen, Zuberhusen, Surhusen, Groethusen, Seehusen, Woltmarshusen,

sen, Rablinghusen, Heidenhusen, Scharhusen,  
Heiselhusen, Wyckhusen, Damhusen, Dyck-  
husen, Habenhuden, Canhusen, Osterhusen,  
Westerhusen, Suirhusen, Veenhusen, Moer-  
husen, Folckershuden, Westerhusen, Vischu-  
sen, Inhusen, Kniphusen, Rofhusen, Marien-  
husen, Steenhusen, Rikelhusen, Wilhusen,  
Haltshusen, Wallinghusen, Bollinghusen,  
Kleihusen, Potzhusen, Poghusen, Hanneke-  
husen, Aschenhusen, Bokehuden, Ietzhuden,  
Struckhusen, & si quæ alia lucem fugiunt, aut  
memoriam nostram, ignobiliora: Quorum  
pars major ab eo terræ filio, quem primum  
inibi cum penatibus reculæ deposuerant suæ,  
reportavit. Accessit à sepimento commendatio  
nonnullis, quod antiquior sermo noster *heim* &  
*hagen* dictabat: non tam hostibus objectum,  
credo, proturbandis, quam ne familiares rudi  
seculo sordes auctum fœdator porcus, aliudve  
populabundum animal iret. Hinc Acheim,  
Oldersheim, Wiflesheim, Loppersheim, Ha-  
gen, Rindeshag, Bolenhagen, nota Cauco  
nomina, supersunt. Ejuscemodi contextus ædi-  
ficiorum, seu relictus sibi, seu qualibuscunque  
vestitus sepimentis urbium non raro nomen,  
apud inscios aut incuriosos alienorum reperit  
autores. Ut, cum Herodotus in Ægypto vi-  
ginti locat urbium millia: & Alexandro Ma-  
cedoni

cedoni Indiæ fines ingresso, quinquies mille  
domitas civitates amplificatrix veri vetustas  
adscribit. Loca amplius x c. recenset in Ger-  
mania transrhena Ptolemæus, quæ  $\approx \pi\delta\lambda\epsilon\omega\nu$   
adficit appellatione: at intra lustra non plura,  
quam duodecim (tot enim Taciti divellunt ac  
Ptolemæi scriptionem) nonaginta conspicuas  
opere mœnib[us]q[ue]; Germanicum solum stupuisse  
civitates, admodum à veritate sedet alienum.  
Vicos igitur serie domorum, & confluxu nobi-  
litatos incolarum, pro urbibus Geographus ac-  
cipit Alexandrinus. Ac diu postmodum nostris  
quoq[ue]; locutionibus obhaesit, ut nomine, quo co-  
hibita vallo ac fossis oppida donamus, eodem  
uncta ruri tuguria domisq[ue]; donaremus. Unde  
audiuntur Umstede, Westerstede, Rastede, Wi-  
velstede, Buimerstede, Gristede, Roggeste-  
de, Alnestede, Eminstede, Hulstede, Nusste-  
de, Santstede, Transtede, Ghistede, Gol-  
denstede, Offenstede, Huistede, Uistede, Be-  
verstede, Kockstede, Bulverstede, Kurstede,  
Hastede, Dinckstede, Neerstede, Demstede,  
Debbestede, Barstede, Bavestede, Menstede.  
Sed & hodie Cauci minores eo splendore at-  
que amplitudine vicos colunt, ut ridere multo-  
rum oppida queant & urbes. Nondum absisti-  
mus à nominum indaganda ratione. Iampri-  
dem notavere, qui famam sibi auctore Geo-  
graphia

graphia peperere, plerasque Germanorum habitationes vel ab erectis collium montium in ve, vel ab umbrosis nemorum arboretorum in ve, vel à limpidis rivorum, similibusque, cepisse nomina momentis. Majorum namque plurimi nostrorum, incertorum damnati domiciliorum, prout fons, aut nclus, aut collis fatigatos accepit, ita interdum suo nomine dilectis inserto sedibus, qualemcunque tenebris suis fœnerati lucem fuere. Singula Caucorum demonstrantur in tellure. A monticulis aut amant etiamnum sustentari, aut quondam amavere, Ottersberg, Monkebergen, Bimbergen, Kaimbergen, Steigerberg, Freudenberg, Hasbergen, Arbergen. Sylvas æstimarunt Ainwolde, Nienwolde, Reepcholt, Diepholt, Nortwolde, Borcholt, Bucholt, Hesterholt, Lepholt, Straetholt, Mansholt, Gonsholt, Garnholt, Fikensholt. Apud arbuta forte quæ *bottel* & *buttel* prisca dixit, & nunc Belgica dicit Germania, confidere, queis exordium sui debent Bottel, Paddingbuttel, Payenbuttel, Ritzenbuttel, Westenbuttel, Kogenbuttel, Penningbuttel. Inter virgulta substiterunt ac senticeta, qui primitus inchoavere Bochorst, Santhorst, Waterhorst, Geselhorst, Oldemagerhorst, Delmenhorst. At lota rivulis elegisse videntur auspiciati Frienbeke, Scharnbeke, Schoinbeke, Roi-

Roibeke, Borbeke, Halsbeke, Ronnebeke,  
Hindebeke, & in *beke* desinentia plura, quæ  
nunc sepulta, nonnisi in principum tabulis vi-  
vunt. Præterea non nescitur in Caucide; præ-  
sertim majore, terminatio *Hude*: qualis est in  
Laerhude, Boterhude, W<sup>e</sup>csterhude, Blieser-  
hude, Boxtehude, nunc urbe, Vellershude,  
Lismarhude, Broeckerhude, Hoblerhude, Mo-  
nikchude. Si ad Anglorum *Hide* retulero, for-  
sitan haud nimis abludentem secutus fuero  
conjecturam. Etenim è Caucorum sermone Sa-  
xonumve quædam retinet Anglus, &, relictæ,  
soni progenitoribus suis asperitate, delicatiùs  
omnia molliùsque profatur. Hidæ verò no-  
mine quid veniat, ex Henrico discimus Hun-  
tindoniensi: *Hida* Anglice vocatur terra unius ara-  
tri culturæ sufficiens per annum. Denique, veluti  
primus hidæ alicujus arator, plures deinceps  
adjacentes fatigantibus, uníque nomen habi-  
tationi dantibus, autor speifuit, ac viculi mo-  
liendi: ita, qui primum invitantibus locis tu-  
guriūm inædificavere, duces exstíttere natu-  
rum labentibus annis pagorum à culmeis casis  
appellantorum. In quēs sunt Wibeluir,  
Bergeruir, Ochteluir, Middeluir. Signat  
enim *buir* casam tuguriūmve. Isti verò stra-  
minis æstimates ac culmi, laudatorem sibi  
habeant humanæ sapientiæ dictatorem, qui

Epistola

Epistola ad Lucilium octava sic præcipit: Ci-  
bus famem sedet, potio sitim extinguat, vestis ar-  
ceat frigus, domus munimentum sit adversus infesta  
corpori. Hanc utrum cesses erexerit, an varius lapis  
gentis alienæ, nihil interest: scito hominem tam be-  
ne culmo, quam auro tegi.

## C A P . I X .

Brema. Sic ab amasio soli nominata frutice. Veluti  
Braemstede, Horst, Heiden. Brema Ptolemae Pha-  
biranum. Φαλιγμη, van Bremen. Bremon, Bre-  
num, Premen, Bremas aliqui scripsere. Roma-  
nis legionaris, erudito divinante viro, prima Bre-  
ma rudimenta deberi. Magno bella gerente Carolo,  
non ignobiles extitisse Bremenses. Duce Bechone, pu-  
gnam cum Caroli filio commisisse. Caroli privilegia  
non dedere, civitatis jura Bremano, sed auxere. Cla-  
vis insigne. Camera, recessus aut maris, aut terra  
Claris urbibus appellatio tributa camerarum. Londi-  
nium, camera regis Anglia. Hollandia camera Leyda.  
Quæ exinde clavigera. Fluviorum margines inumbra-  
re nobilitatas clavium insigni civitates. Brema, sex  
ante secula, celebritas.

**P**rofligata barbarie (sic enim politulis appel-  
litatur) tres principes urbes Chaucia tellus  
accepit, in quarum amplexus totidem opum  
advectores fluvii ruunt. Arubis, magna inibi  
nascendi prorumpentibus aviditate, Bremam  
perhibent vocari: sicuti pagus haud multum  
dissitus ab eodem frutice Braemstede/ & à ve-  
pretis

pretis denominantur aut ericetis *Horst*, & *Heyden*. Loca verò soli, quod insedēre, vel fruticetum amasium, vel floretum nomine suo fatentia, non rara sese, veterem ingredienti novamque Geographiam, offerunt. Ptolemai Phabiranum, quam in Germaniæ ponit ille climate Boreæ viciniori, à nostrorum temporum non abire Brema, pridem doctorum reperit evicítque consensus, propterea quod nostræ positus urbis, Ptolemaicæ respondet insigniter acceditque designationi. Quod è quarta paret Europæ tabula, quam libri secundi caput undecimum edit. Præterquam quod à moderna non nimis exulat abluditque Φωσίερμον appellatione, Saxone cum Belga, in urbibus appellandis, particulam advocante præitura, die *Stadt van Bremen*. Quin & ævi medii diplomata crebrò *Bremen* præferunt aut *Bremum*, qualem servant exitum infinita Minorū habita-  
cula Caucorum. *Premen* dicitat Laurishamenſis autor Chronici, superioris amplexus enuncia-  
tione in Germani, qui ſæpe duram Saxonisasperat intenditque loquaciam; quod illi vi-  
tium, à temulentia petito dictorio, Gallus ex-  
probrat in Historiarum Methodo Politicus.  
*Bremæ*, ut *Leidæ*, *Stadæ*, *Copenhavæ*, in  
nonnullius ſcriptione ſeculi comparent, quod,  
quasi facta conjuratione, plerisque numerum

adscribere civitatibus amavit. In  
Chaucis, ut est Annalium I. turbidarum  
legionum vexillarii, præsidium agitantes,  
seditionem cœptavere, præsentique duorum  
militum supplicio territi, in malè fidam cum  
castrensi disciplina gratiam rediere. Iussit  
id Menius castrorum præfectus, boni ma-  
gis exempli, quām demandatarum sibi par-  
tium, jurisque concessi memor: quamobrem  
acriùs intumescente motu, cūm jam plura  
seditionis ora essent ac voces, profugus re-  
pertusque, postquam intutæ latebræ, auda-  
ciam pro muro furibundis objicit: Non præ-  
fectum ab iis, sed Germanicum ducem, sed Tibe-  
rium Imperatorem violari simul exterritis qui ob-  
stiterant, raptum vexillum ad ripam vertit; &  
si quis agmine decessisset, pro desertore fore, clam-  
itans, reduxit in hiberna turbidos, nihil & ausos.  
Hanc ripam, Visurgis amnis, vir in paucis eru-  
ditus intelligit, quem abitu nudare suo vexilla-  
rii paraverint, Rhenum ac tumultuatrices peti-  
turi legiones: namque præsidium istud haud  
dubiè Chaucis impositum continendis. Fuisse  
igitur autumat aut paullò infra, aut ad ipsum  
oppidum Bremam, atque hoc primum illi ce-  
lebritatis ac originis exstitisse rudimentum: sic  
uti complura loca, Romanis infessa præsidiis,  
domitoribus exinde suis augescentem fortu-  
nam

nām florentēmque debuēre. Attamen in ri-  
pam ulteriorem , spē commodioris illectum si-  
tus , translatum postinodo promotūmque fui-  
sse. Quæ quidem neque confirmare argumen-  
tis , neque refellere in animo nobis est : ex in-  
genio suo quisque demat , vel addat fidem.  
Certiori tradiderim probatione , cùm Magnus  
circumferret arīna vītricia Carolus , satis am-  
plam , nec adspērnatām vītori fuisse rem  
Bremānām. Produnt enim historiæ Gallorum  
principes , Carolum , cùm Holdenstedæ , in  
Albis littore moraretur , per legatos à Go-  
derico , Cimbris imperitante , petiisse , ne re-  
ceptum fugitivæ Saxonum ostentare nobilitati  
pergeret , quin potiùs receptos judicio trade-  
ret aut clementiæ potentioris. Haud impetra-  
to , vim ratus adhibendam iis , qui caussam  
suam cum vicino conjungere regno destina-  
bant , misit in Bremenses instructo cum exer-  
citu filium , qui acie , cùm principe Bechone ,  
victos imperata facere coëgit : ac ferro ignique  
corrupta regione , reversus est ad patrem , in  
Eburonibus agentem , feroculæ vītor fræna-  
tórque nationis. Certè non planè nulli fuēre ,  
qui & Bechonem , immixtum annalium æter-  
nitati , ductorem habuere , & , præliarem ten-  
taturi aleam , invicti filio bellatoris occurrere  
sunt ausi. Quapropter privilegia , quæ à Carolo

E 2

Wille-

Willehadus, ad annum D C C L X X X V I I I ,  
donatus pedo præsul, impetravit, non conferre  
primitus, sed ornare jus civitatis, atque ampli-  
ficare, comperimus. Ejus mihi liceat insignium  
caussas hariolationibus aucupari qualibuscum-  
que, quas tamen deduci in Areopagum no-  
lum. Eò quispiam confugere divinus quiret,  
postquam Fresonum gentes ac Saxonum, Chri-  
sti jugo barbaram mutavere libertatem, Bre-  
mam, non contemnendo præsidentem tractui,  
jussamque recens domita fideli vinculo cohi-  
bere pectora, clavem accepisse, publicam fun-  
gendi munera admonitricem. Sed hanc nobis  
eripere mentem aliud commentum satagit. Re-  
cessus, vel terra, vel mari, sinuosos dici *Came-  
ras*, est observare. Per magnos maris sinus, ab  
Oceano circumambiente linearum abscissos  
imaginatione, *regias Cameras* Saxonis proles  
Anglus vocat. Rugia partein sui longius in  
undas excurrentem videt, quæ à truncarum ar-  
borum congerie, *Stubbenkamer* indigenæ voca-  
tur. Tum etiam, sicut in ædibus reductiora  
conclavia secessusve dominus habet, quos *Ca-  
meras* fœculentior cœpit appellare Latinitas,  
ita reges populive, queis in corpore suo pluri-  
mum, situs ac celebritatis ergo, tribuere mem-  
bris, Camerarum ea dignosci censerique vo-  
luerunt appellatione. Sic Londinium, quod  
*copia*

copia negotiatorum & commeatuum maximè celebre quartus decimus Annalium prodit, *Angliae regis Cameram* à vetustis seculis, in Anglicano jure dictum, testatur Anglorum gentis aquila Ioannes Seldenus, *Maris Clausi lib. II. cap. 22.* Sic clavigera Batavorum Leyda, libante in Antiquitatibus eorum Petro Scriverio, rerum potiente secundo *Guilielmo*, qui Comitis honori regalem junxerat apicem, Hollandiæ nominata Camera fuit: unde Scriverio quidam amicitiâ cognitus, duarum illi clavium attributum insigne divinabat. Adjice, quòd quæ Cameræ quondam audiverunt oppida, vel clavium ante tot secula noscitata sunt insigni, fluviorum patribus adsita sunt fluviis. Ecce enim Thameſi Londinium, Lugdunum ac Wormatia Rheno, Visurgi Brema, clavium gestatrices urbes alluuntur. Hæc animi gratia in medium allata sunt, ut in beneficii loco ponant, cedere melioribus. Acutiùs qui viderit, vicebit. Imponatur huic capiti colophon, ex Adamo petitum elogium Bremæ, quod is ante sexcentos ejaculari non dubitavit annos. Historiæ Ecclesiasticæ lib. III. cap. 26. de Adalberto: *Ita affabilis, ita largus, ita hospitalis, ita jocundus, ita cupidus divinæ pariter ac humanae gloriae, ut parvula Brema ex illius virtute instar Romæ divulgata, ab omnibus terrarum partibus devotè pa-*

E 3

teretur,

teretur, maximè ab Aquilonaribus populis. Sed patrii soli amores, aut ejus, quod comitate cum patrio contendit, affectus nostros inscientium rapiunt, & amplificationibus objurgare veri limitem compellunt.

## C A P . X.

Emda & Stada. *Ad Amisiam vicus, aut castellum Amisia.* Inde natales arcessuntur Emdæ. Frequenter homonymis oppida lavari fluiis. Viderat Amisum, & Amasiam, in Asia Caucus. Avitarum sedium nomina novis amant imponere coloni. Αμισίας Ptolemai, vel Αμισία Stephani, clarissimas inter Germania numerata civitates. Incertum, an ea sit Emdanorum. Rerum Emdanarum culmen ante sexaginta plus minus annos. Propugnaculum unitis Emda provinciis. Die, quo nos ista scripsimus in Belgio, Belgæ pax & Hispani vulgata. Stada nomen, à Statione navium Romanarum, tulit. Albi classis subvecta Tiberii. Castrum Stadii. Castra quondam oppida tenuiora, sed vallata, nondum inferere sese civitatibus ausa. Stadum Sifridus exstruxit, uti Romam Augustus. Comitatus Stadensis. Hartwico transcriptus à Cesare Philippa. Adalberti, comitatibus insidiantis, arrogancia. Cur descriptio nobis omissa fluviorum. Pars Scanzontis in Visurgim.

**T**Acitus Annal. II. de Germanico, expeditionem in Cheruscos agitante; Lacus inde & Oceanum, usque ad Amisiam flumen, secunda navigatione pervehitur: classis Amisæ relicta, levamine, erratumque in eo, quod non subrexit. Amisiam,

siam, ubi relicta classis est, pro vico, vel castello, non autem pro flumine, capienda, sentit egregie cum praeunte Cluverio Freinsheimius. Atque, cum præter hæc Taciti verba, Pliniana quoque lib. xvi. cap. i. commonstrent, in ore Amisiæ, vel ad imminentem ori lacum, in statione classem habuisse Romanum, vix ambigere fas est, quin Amisiam Αμισίων Eindam interpretare, lambentis arrodentisve fluminis, ut hodie, sic antiquitus agnomento celebrataam. Taliūm neque recentior est infœcunda, neque prisca Cosinographia. Homonyma aut lavant hactenus, aut quondam lavere loca, Rizon in Illyrico, Vulturnus in Campania, Sybaris ac Syris in Magna Græcia, Arbis in Gedrosia, Chesel in Tartaria, in Nortgavia Egra, in Osis Ostra, Drepta in Caucis & Bolta. Si plura non inficiandæ rei conquirere laborarem exempla, & festinabundi putarer ocio lectoris, & proprio pariter insultare. Ceterum ante cognitum auditumve Romanum, haud quaquam caruisse Caucos Amisiā, conjexim. Spectaverant è propinquo, cum avitis in Asia sedibus incubarent, urbes Amisum, Luculli nobilem expugnatione, & Αμαζεῖαν, quam, utpote genitricem sibi, cum cura libro duodecimo describit; Καυκάσος Αμαζεῖας. Hoc autem nostro quoque fieri solere deprehendimus ævo, ut no-

vam sibi quærere patriam compulsi, nomina locorum, quæ prior noverat & avita, perquam advocent usurpēntque libenter: quò sic ingratius suis obliviscendæ solentur emitigēntque desideria telluris. Sicuti Batavus & Hispanus Indiæ locis, Eoæ & Occiduæ, nota sibi nomina cum coloniis invexit. Quod si, cum non nemine, in situ Ptolemaeanam agnoscens hallucinationem, h̄ic locare tentaveris *Augustianus* ejus Germanicam, aut *Aurelianus*, quindecim ante secula, inter oppidorum eximia caput extulit Emda. In tribus enim Germaniæ præcelentibus Amisiā numerat Alexandrinus. Unde Stephanus in Urbibus: *Aurelianus*, πόλις Γερμανίας Μακριανὸς εὐ τοῖς δότο Ρώμης ἐπὶ τοῖς Δασ. Κήμες πόλεις τὸ ἔθνικὸν *Aurelianus*. Id est, *Amisa urbs Germaniæ*: autore Macriano, in itinerario à Roma ad illustres urbes: gentile est *Amisa*. Sed aut erroris est absolvenda designatio Ptolemæi, aut gravi afficta casu res procubuit Emdana, cuius famam atque memoriam caliginosa nobis surripit vetustas. Nam ad annum à nato Deo millesimum, ignobiles atque pertenues, annaliumque prætereundi scriptoribus Emdani fuere. Duodecim ante lustra plus minus, ut singulæ semel adscendunt ad fatalē sibi fastigium respublīcæ, consumscrunt incrementa sua, pandere sinum exilibus edocti, & venienti cum profugis

fugis occurrere fortunæ. Quanquam ne nunc quidem illustris famæ claritudinem intermisere: dilecti insuper adductique, ut murum ab ea parte, tutissimumque provinciis iis propugnaculum præstent, in quæs hic ipse, qui nos hæc scribentes videt, annis octoginta magnus imponitur dies: inter Philippo, ac sociatos fœdere Belgas, publica voce Mavortis facesse re jusso furore. Quanquam nonnullis bona sua feciùs interpretantibus: quorum timor, vel refutandus temporum successu, vel comprobandus, ut omnino refutetur, atque uti, signum extollente Batavo, pax augusta per oinnes Christiani orbis angulos exsurgat, Optimum Maximum pacis atque concordiae Statorem autorémq; supplices ex animo veneramur. Ad vetustissimum, ut perhibent, oppidum Cauorum dissertatio proferatur. *Stadium* litteræ vocitant antiquiores. Romanis acceptam tulisse *Stationis* appellationem, forsan haud infeliciter ex eo colligatur, quòd, auspiciis Octavii firmato Tiberio, classis, quæ Oceanic circumnavigaverat sinus, Albi flumine subiecta Vellejo Paterculo lib. II. narratur. At Stadii locus, Albinæ prope modum ripæ prætensus, vacaturis à cursu navigiis aptam polliceri securitatem videbatur: unde Adamus lib. II. c. 22. apud *Stadium* barbaros exceperunt, quod est oppo-

E 5 tunum

tunum Albiæ portus præsidium. Ergo, quod stanti classi præsidium atque tutamen haberetur, sensim Stationis eminere nomine cœpit, quod è proximo nomen *Staten* adspicit, quo oppidum hoc Chronicon Sclavicum, & Gesta Pontificum Lubecensium insignivere. *Castrum Stadii* diploma loquitur Imperatoris Friderici, signatum anno M C L X X X. Unde suspiceris, ante quingentos annos Stadam oppiduli potius famam, quam urbis, adimplisse. Castrum enim, anteponendum castello, urbi oppidove magnitudine cedit ac dignatione. Verba Diplomatici: *Castrum Stadii & Burgum, cum ministerialibus & universis pertinentiis, & omni jure suo.* Sic Hamburgum, Lubeca, Luneburgum, & innumeræ, cum adhuc nomen inter urbæ erubescerent profiteri suum, castra sunt antiquitus in litteris appellatae principalibus. Historia Bremensium Archiepiscoporum: Tempore imperatoris Henrici II. *Henricus Calvus, qui man- sit in Hertzevelde castro, bonus & mansuetus, uxorem habuit Hildegardam, quibus filius solus fuit superstes Henricus.* Hic appellatus est bonus Henricus, & genuit duos filios, *Sifridum Comitem, qui Stadium ædificavit.* Hic à piratis capto castro, cum fratre comprehensus est. De quo fratre postea: *Piratas vicit, & quos vivos comprehendit, suspendit prope Stadie.* Stadam dicitur ædificasse Sifridus,

Sifridus, quòd ipse, poliendæ princeps erigendæque, ex humili & angusta laxiore in reddere cultiorēmque niteretur. Ut Augustum, qui Urbe in, quam lateritiam acceperat, marmoream reliquit, censuere quidam *Romulum appellari oportere, quasi & ipsum conditorem Vrbis,* in Cæsaribus edente Tranquillo. Neque enim majore laude urbis alicujus circumfundendus autor est, quām qui splendore in ejus operi conciliat, aut æternitatem. Deinceps eadem Historia: *Comes Luderus accepit uxorem Alheidim, amitam Rodolfi,* quem Saxones elegerunt in regem contra Henricum, genuitque ex ea Vdonem primum, qui factus est Marchio. Hujus Vdonis tempore Comitatus Stadensis donatus est Bremensi Ecclesia, & suscepitus ab isto in feudo. Sæpe Comitatus Stadensis tabulæ commemorare vetustiores. Fusum per totam Bremensem Archiepiscopum fuisse, Bremensi credere par est Adamo. Lib. iv. c. v. Alter verò Comitatus erat Vdonis, qui per omnem parochiam Bremensem sparsim diffunditur, maximè circa Albiam. Nempe dignitas illa comitiva jurisdictionis quædam species erat, præter alia munera eximia, potissimum in exercendis occupata judiciis, liberisque meatu præfulum ipsas pervagata ditiones, cùm nondum, damnatâ modestiâ votorum, artibus adspirare patriciis ad dominatum cœpissent. Imperator Philip-

Philippus Suevus, ad annum C I O C X C I X.  
Hartvico II. cum comitatu, seu civili juris-  
dictione, Stadæ transscripsit addixitque posse-  
sionem: *Nos igitur, fideliter ac justè paternam  
imitari cupientes æquitatem, prædictum castrum  
Stadii, cum comitatu & omnibus pertinentiis suis,  
similiter & supra dicta patrimonia Rodolfi Marchio-  
nis, Henrici Marchionis, Comitis Friderici de Sta-  
dio, atque hereditatem nobilis matronæ Idæ, cum  
omni jure & integritate, omnique utilitate & ho-  
nore Ecclesiæ Bremensi perpetuo jure possidendam  
confirmamus.* *Enimvero jam ante seculum, quâ  
prece, quâ precio, suum Vdoni comitatum ex-  
torserat Adalbertus, cui avaritia gloriæ, & in-  
satiabilis cùpido famæ nihil invium, nihil re-  
motum videri sinebat, hoc elogio per σούλεον  
donata scriptorein: Mens alta viri pugnans contra  
naturam patriæ, quidquid usquam magnificum di-  
dicit, hoc habere & ipse voluit.* Hinc adversus  
potentatum Wirceburgensis obliquus, & fa-  
stigium ejus, qui diœcœseos imperium ducis  
pariter & Episcopi nomine complectebatur, in  
diminutionem accipiens sui, comitatum abo-  
litione viam sibi facere destinavit ad supparem  
dictaturam. Audiatur in partes sæpe nobis ad-  
vocandus Adamus. Lib. IV. cap. v. *Potuit Ec-  
clesia nostra dives esse: potuit Archiepiscopus noster  
Coloniensi aut Moguntino in omni rerum gloria non  
invi-*

*invidere. Solus erat VVircebburgensis Episcopus, qui  
in Episcopatu suo neminem dicitur habere consortem.  
Ipse enim cùm teneat omnes comitatus suæ parochiæ,  
Ducatum etiam provinciæ gubernat. Cujus æmula-  
tione noster præsul statuit omnes comitatus, qui in  
sua diœcesi aliquam jurisdictionem habere videban-  
tur, in potestatem Ecclesiæ redigere. Fluvii vete-  
rum clari scripturis, ad alia decursuræ præter-  
euntur orationi: partim quòd invadere prioribus  
observata refugimus, partim, quòd in  
expeditionibus Romanis plus sunt nobis vice  
simplici memorandi. Visurgidos ignoscat mi-  
hi Nympha,*

— *Lympba lympharum*

*Fœcunda mater, nata Cattidi proles,  
Sed nupta nostro, nupta duplici Cauco,  
Quem diribente finxit arbitra fluctu:  
Princeps amœna, clara, vitrea princeps,  
Amasiarum serva puppium princeps.*

Ut in Scazonte, laudibus ejus inscripto, ce-  
cini.

C A P. X I.

*De republica Caucorum. Reges atque principes Germania non imperii, sed nominis habuisse dignationem. Quippe ad populum summa relata rerum. Ferme na-  
scientis ad instar Rome. Cui, rege Romulo, libertas & maestatis jura relicta. Pars libertatis eligere. La-  
sedemoniorum umbratrici reges. Heroicorum temporum  
monar-*

monarchæ. Quale Cauco regimen arriserit, è vicinorum promitur exemplis. Frisio reges: sed in quantum Germani regnabantur. Cherusco reges. Regni Arminius adfector. Evarnus Taciti concilatum. Catto principes. Batavo reges. Optimatum primi, reges. Cauci regimen è citerioris seculi moribus indagatum. Qualem publica rei constitutionem Magni deprehenderint arma Caroli. Bella uni permissa gerenda. Becho, Bremensium princeps. Francorum populo, cui Caucus immisitus, admisso regno salva libertas. Saxonum in Britannis Heptarchia: sed uno præminentे. Patres Saxonum, seu optimates. Carolus antiqua magistratum vocabula Saxoni reliquit. Inter quæ Potestas. Frisiorum Potestas. Bremensium Potestas. Iudiciaria manus. Graviones. Goegravii. Hassiæ Landgraviorum, ac Hollandiæ Comitum, primordia consimilia videri.

**S**criptores antiqui reges atque principes Germaniæ loquuntur, sed, qui civitatem quique suam suadendi magis autoritate, quam jubendi potestate, temperarent. Neque enim liberum illis aut infinitum regimen: plebi relitto maximarum arbitrio rerum. Tacitus: De minoribus rebus principes consultant, de majoribus omnes: ita tamen, ut ea quoque, quorum penes plebem arbitrium est, apud principes pertractentur. Ut fortuitum videantur & mobilem, & ex voluntate parentium constantem, inter suos occupasse principatum. In concilio, Ut turbæ placuit, considerunt armati. Tum, si dispergunt sententia (regum principumque) fremitu adsperrnantur: si placuit,

placuit, frameas concutiunt. Propterea Tutor Histor. i v. invidiosè: *Germanos non juberi, non regi, sed cuncta ex libidine agere.* Res igitur alibi dissociabiles miscuere, regnum ac libertatem. Ita neque Romulus (nam à rep. Rom. omnium rerum egregiarum exempla mutuamur) nascenti populo potis erat omnia cognitæ subducere jura majestatis. Dionysius Halicarnassus lib. iv. *Penes populum trium horum erat arbitrium, creandi magistratus tam domi quam militie, leges abrogandi vel confirmandi, bellum pacemve decernendi.* De his rebus quoties disceptabatur, curiatim colligebantur suffragia, & tantundem valebat pauperrimi quam ditissimi calculus. Unde jam nulli miremur, in Catilina scriptum Sallustio, *imperium regium initio conservandæ libertatis, atque augendis reip. fuisse.* Nam quod Tacito sic incipit Annalium labos: *Vrbem Romanam à principio reges habuere: Libertatem & consulatum L. Brutus instituit.* Illud omnino sejungit à libertate regnum, quod imperium in superbiam verterat ac dominationem, & magnitudinem suam peccandi licentiâ maluerat, quam officii gloria, metiri. Ac sicuti, post Romulum, proprios elegit arbitra Roma reges: ita Germania quoque sumvit suos, id est, elegit. *Reges ex nobilitate, duces ex virtute sumunt.* Electio verò magnum libertatis, etiam fugitivæ, decus. Galba Hist. i.

Loco

*Loco libertatis erit, quod eligi cœpimus. Nostri igitur illi veteres, principali titulo regalive præfulgentes, certum imperium, viisque regiam animo complecti non audebant, reges nomine magis, quam imperio, ut ait in Agesilai vita de Lacedæmoniorum regno Cornelius Nepos. Et exspatiatus in primordia Romana Sallustius: Imperium legitimum, nomen imperii regium habebant. Quales ferè Stagirita testatur heroum tempora tulisse Monarchias, Politicorum l. IIII. cap. xiv. & à volentibus acceptas, & secundum præfinita legum exercendas. Speciatim verò Cauco, quæ placuit universim Germano, tractandæ reip. placuisse formam, è vicinia nostra non adsperrnando deponitur argumento. Cum Frisio Cattum intuere, Cheruscumque. Quum Frisios à Malorige Verritóque regi tertius decimus indicasset Annalium, ista cautissimus adscribit: *in quantum Germani regnatur.* Sic enim senior scriptura, pridem ulcerosæ substituta. Et eos, qui vetustissima Franco-ruin facinora signavere, reges liquet edidisse Frisiorum. Ne citerioris seculi nomina commorem. Cheruscum regni non exiinit admissæ speciei, quod Annal. II. dux Arminius, regnum affectans, popularium narratur adversam habuisse libertatem. Nam si regni nomen inauspicatum popularibus exterminandumque*

dumque visum fuit, cur *Cheruscorum gens regem* Româ petivit, amissis per interna bella nobilibus, & uno reliquo stirpis regiae, qui apud Urbem habebatur? Annal. XI. & quidem tempora flagitati regis, & fastiditi, vix quatuor lustrorum intercapidine dividente. Nempe non ipsum illi regnum, sed regem aversabantur Arminium, abscessu Romanorum, & pulso Maroboduo, superbum. Veriti, ne proscriptâ modestiâ votorum, mixtam principatui sensim oblivisci libertatem, & unius cogerentur adspectare iussa dominantis. Quippe cunctorum domitor affectuum animus indomabili frenos imponere nescit ambitioni, quæ incrementis ex hoste destituta capiendis, in civium plerumque capita grassatur ac libertatem. Cattorum principes Adgandestrius & Arpus Annal. II. Catumerus Annal. XI. leguntur. Et quid Catti propaginem sileo Batavum? Civilem regio ortum sanguine, tradidit adfirmatè Tacitus: Veromerum Strabo, & non unum Bataviæ regem Marcellinus in nostra secula transfudit Ammianus. At, quod Hugo Grotius asserit, in libro de Antiquitate Reip. Batavicæ, *nihil esse manifestius, quam reges hos fuisse iidem ut Laconicos, nomine solo, re vero ipsa nihil nisi optimatum primos*. Idem in promptu nobis est asserere de Frisiorum Cheruscorumq; regibus, & si hos

F adjici

adjici patiare, Caucorum. Propterea Tacitus, ubi in concilio regem ait audiri principem, ceteros, adjicit, ad sententiam admitti dicendam, prout etas cuique, prout nobilitas, prout de-*cus bellorum*, prout facundia est. Hi, invidendo gentibus exemplo, Germanorum optimates erunt: in rep. cujus penes populum summa fuit, eminente nihilominus etatis, prosapiæ, factorum, eloquentiæque dignatione. Tempora consulere liceat à nostris minùs abscedentia temporibus. Nam quemadmodum ea, quæ spectatores, ob longum nimis intervallum, oculos eludunt, certius solent è propinqui ratione percipi triongi: ita, quæ plurima subducit nobis abditque tenebroso sinu vetustas, ex infectorum eluent sæpe, scintillantve moribus annorum. Saxo, qui Cauci sepeliit appellationem, prisci retinebat haud prætereunda vestigia moris. Magnus enim Carolus, sub octavi seculi fine, fertur in hunc ferè modum publica reperisse constituta. Salva populo libertas & intemerata. Qui confusionem exturbaturus, immodicæ pedissequam libertatis, ultro directricis admisit adscivitque faciem Aristocratiæ. Quippe meritis eminentes & autoritate viros (erant autem numero duodecim) consiliorum suorum reip. facere copiam, ejusque cum imperio tractare negocia jussit.

Annuo

Annuo quisque per vices honore præsidendi collegas anteibat. Ac, ne regis eos ex toto non men, tanquam malam scævam, horruisse credas, quemcunque bella deprehendissent, ab exteris illata, præsidem, is, bello flagrante, rex appellabatur, regiâque potestate cuncta sub imperium accipiebat: donec, pace restituta, regii nominis exueret invidiam, ac ad pristinam rediret æqualitatem. Fermè ad dictatoris exemplum Romani. Sorte sequestra permisum uni, quod multorum erat, è quorundam colligi monumentis queat. Rex verò videtur principum titulo decoros habuisse legatos. Certè cum Caroli filio, principe ducente Bechone, conflxisse Bremenses, dictum nobis est in adolescentis historia Bremæ. Non minùs hercule Francus antiqui afficiebatur admiratione moris. Francus, in cuius nomen plurimus adscitus est adoptatusque Caucus, ut è cap. VII. paret. In legibus Francorum: *Hoc decretum est apud regem & principes ejus, & apud cunctum populum Christianum, qui intra regnum Merwingorum consistunt.* Quæ verba (non enim nunc adire nobis Antiquarum legum Codices dabatur) eruditissimæ de Comitiis dissertationi concivis amicique nostri Meimari Hoyeri debemus. Afficiebatur etiam, sed minùs evidenter, effusus in Britanniam Saxo.

Quippe, cùm res inibi suas in tantum videret adolevisse, ut prosperrimæ jam essent ac pollutissimæ, plenæque ac consummatæ victoriæ fructus, Heptarchiam partæ telluri rectricem, sed à singularis imperii non abhorrentem reverentia, dedit. Etenim, qui virtute potentiave, solis instar, sex reliqua sidera in umbra ret, is & insigni à reliquis æstimo colebatur, & rex gentis Anglorum appellabatur, autore Venerabili Beda. Sed, ut in victa regione, vulgoque victore sensim cum victo numerosiore confuso, populari consultum minus atq; litatum libertati videtur. Delectorum procerum autoritati perhibet illustre testimonium Witechindus, in natali versante in sede Saxona describens. Namq; repræsentata supplici Britannorum legationis oratione, quâ, ad Pictos averruncandos, ope in atque terrorem ejus implorabat, Patres, inquit, ad hæc pauca respondent. Carolus verò Magnus, ut ad ea nunc tempora cursus nostri vaga reflectamus, haudquaquam prisca Saxonis ivit instituta deletum. Assensus enim est, suis ut in plerisque moribus utcretur, haud auctor longissimæ fine libertatis eum multare populum, qui pulcherrimum putabat exspirandi genus, in ejus exspirare complexu Deæ. Pleraque retinuit antiqua magistratum vocabula vietus. Inter quæ POTESTAS eminet vel impræ-

imprimis: eo sensu veteri quoque non inauditum vocabulum Latinitati. Juvenalis in divina Satyra, quæ omnes una provocat Horatianas:

*Hujus, qui trahitur, prætextam sumere mavis,  
An Fidenarum Gabiorūmque esse potestas?*

Et ea gens, quæ veteris invasit patriam Latinitatis, hodiéque POTESTATIS cundem voci servat honorem. Ingredere vicina. Cùm Frisii, & Guilielmus, Hannoniæ domus ultimus, armorum inter se periculum facere decrevissent, ante conflictum tentato colloquio Frisii ceteras inter hanc Comiti conditionem tulere, quatuor Frisiorum nobilissimos impo situm scuto Comitem humeris vibraturos, & in ea dicta prorupturos: *Hæc est Potestas Frisiae.* Et omnino multam Potestatis faciunt Annales Frisii mentionem. Neque præterire Bremana velis. In quæis ad A. D C C C C X X X I V. & M C C C L I X. potestates (sic enim prodit cum Diplomaticis historia) reperimus. Et ad A. M C C C X L I X. in bello, quod cum Oldenburgensi Mauritio gestum, cum potestate sua, & stipendiariis, Bremenses exivere: Bremensium Archiepiscoporum Historia tradente. Gewalz indigena fuit appellata sermone Potestas: unde etiam nunc lictores Gewalts-fnechte, id est, ministri potestatis. Apparet in privilegiis quo-

que, nec non in veteri rerum historia nostrarum; *Iudicaria manus*, quæ vel eadem cum potestate fuit, vel haud insigniter abiit ab ea recessitque. Quomodo pro potestate Potentatum posuit in Lexico Papias: *Potentatus, autoritas judicialis in civitate.* Judiciariam Potestatem Bremensis nominat Adamus. Defluxit inde Patrum Conscriptorum appellatio *Witheit*: *Wet* enim, ac *Wit/lege* signat. Ceterum, qui plebem juris intra legumque reverentiam coercent, est ubi *Gravii* quoque sint dicti Germano, vel *Graviones*. Variè tamen usurpatæ titulo dignationis. Sicut enim Comites sacrarum largitionum, rerum privatarum, alvei Tiberis, cloacarum, metallorum, portuum, commerciorum, Litoris Saxonici, limitaneos, &c. legere est in imperii Notitia: sic Dyckgravios, Burggravios, Pluyingravios, Marckgravios, Goe-gravios agnovit ante seculum non unum Germanus, & agnoscit. Goegravii nostri, qui juri præsunt dicundo per certi limitata districtus, eorum, qui Tacito describuntur atque Cæsari, speciem videntur atque vestigium repræsentare Gravionum. Tacitus: *Eliguntur in iisdem conciliis & principes, qui jura per pagos vicosque reddunt.* Cæsar in Commentar. vi. quo loco flectit ad Germanica commentationem: *Principes regionum atque pagorum inter*

*inter suos jus dicunt, controversiasque minuunt.*  
Goe tellus est, & pagus, ex usu vetustiorum  
diffusæ determinata portio civitatis: cuius in-  
dicia nominis in antiquis expressa tabulis sunt  
Einisgoe, Lorgoe, Sturmegoe, Fivelgoe, Ber-  
dangoe; qui sanè tractus terrarum, Latinè  
scripturientibus audivere pagi. Sed & Friso  
partem sedium suarum in Oostergoe dispescit  
& Westergoe. Sunt igitur Goe-gravii pago-  
rum judices. Cursim quoque vicinum libet  
iteratò tangere Cattum. Plures uno Land-  
gravios seu pagorum comites (non est enim  
nomine tenus alias à Goe-gravio Landgra-  
vius) Hassiam medio labente rexisse reor ævo:  
sed, uno forsitan opum virtutumque gradibus  
ad eminenti enixo fastigium, ceteri florentem  
ejus adoravere fortunam: unde Hassiae illi Co-  
mitis, ac, deinde, temporum augustior usu  
facta, Landgravii addita salutatio est, ac Cæsare  
relicta favente. Talia ferè de primordiis Hol-  
landiæ Comitum Grotius aperuit, in libro de  
Antiquitate reip. Batavicæ, cap. v. Verba  
(nam ubique legi Grotiana merentur) adscri-  
bo: *Fuit ergo Comes Didericus jam ante, & Co-*  
*mitis filius: sed comes pagi, hoc est, regionis alicu-*  
*jus, non integræ gentis: qui honos ipsi primò con-*  
*cessus, procerum & oppidanorum, ut credi æquum*  
*est, faventibus studiis. Ei cum in Trajectinis tabu-*

*Lariis mentio fiat pagi, siti in Australi regione, cui nomen Hollandia, à vero fortè non abeat, hunc ipsum pagum fuisse avitum Diderici comitatum: in cuius vocabuli consortium mox totum hoc eidem principi creditum corpus imperii venerit.*

## C A P. XII.

*De Caucorum moribus ac institutis. Comitia sub dio celebrata. Duplicem ob caussam: necessitatis unam, superstitionis alteram. Dani, Poloni, Franci libero consultationes suas atheri commisere. Sic in Chaucide Minore Frisi, ad Vpstallesbomum. Et in Chaucide Majore Bremenses hodiéque, prope Basdaliam. Ruricolis nostris jura sub dio reddi. Quercus religio. Quæ signum numinis. Sanctiva arbor. Staleke quercus.*

**D**UX compulere populos, ad comitia patentibus in caussis agitanda, caussæ: Una loci fuit amplitudo diligenda, quæ sufficeret immensæ receptandæ coëuntium turbæ. Testatur enim Tacitus, de majoribus *omnes* consultâsse rebus. Iterum: *Vt turbæ placuit, confidunt armati.* Et apud Cæsarem Induciomarus armatum concilium indicit. *Hoc more Gallorum est initium belli, quo, lege communi, omnes puberes armati convenire coguntur.* Comment. v. At quæ illa tam vasta receptacula, quæ tot coërcere millia quirent, præferti in populis ingentium ignorantibus operum structuras? Altera, metus ex nomine fuit. Cœlo teste, de summa rep. deli-

deliberabant, ut sinceros adferrent ad negotiorum magnitudinem affectus. Rati, sub puro Jove magis præsentem Jovis haberi maiestatem. Morem hunc constat in posteris hæsisse gentilitatis, & hærere. Quanquam ne æstimatæ quidem à Deo gentis exemplo carentem. Sed nostræ venemur ætati propiora. Ante tria secula conventum sub dio Danorum Ericus egit. *Chronica Slavica: Anno Domini M C C C X I I. rex Danorum Ericus in campo spacioſo & plano Ortus roſarum dicto prope Rostok maximam & multum ſolemnem tenuit curiam cum multis principibus & dominis terrarum ſpiritualibus & ſecularibus.* Neque renuntiat hodiernus instituto Polonus, & necessitate ſeſe & antiquitate defendant. Quem brevi, propter elendum Uladislai ſuccellorem, infinitam cœlo ostensurum nobilitatem, direinti circulorum ambitu mirabuntur obſtupſcēntque campi. Diu quoque Francum de rep. vidēre campi consultantein: donec, aëris inclementiam vitaturis, urbium ſeptis, ædificiorūmque clauſtris includere consulta cœpit. Et quid Caucum taceo Minorem? Campum novit Auranus ager Upſtalleſbomuīn. Illic ex omni Frisia, Rhenum inter atque Viſurgim, comitorum cauſā coire delegati à populo ſolebant: illic, patulo ſub cœlo, confilia de rep. miſcere,

tribunal excitare, & ardua quæque minuere  
controversiarum. Imprimis, si quid vitii fe-  
cisset antiquissima libertas, aut factura videre-  
tur, huc, velut ad libertatis aram, indignantis  
populi vota concurrebant. Unde, confluere ad  
Upstallesbomum, tantundem ferè Frisio signi-  
ficabat, ac ad vindicias secundūm libertatem  
poscendas advolare. Quid autem cesso Cau-  
cum meum ad testimonium citare Majorem?  
Ille verò ne nunc quidem pristinum patitur  
obsolescere morem, neglectum pridein exu-  
tūmque Frisoni. Prope Basdaliām locus, nul-  
lo pariete laborans aut tecto, vii. ab urbe Bre-  
ma milliaria recedit. Inibi Bremani tractus  
Ordines, expositi cœlo, congreguntur. In eo-  
dem tractu παλαιῷ πνι ἡ πολυχρονίᾳ αὐλαῖσθησι, ve-  
teri quadam & à multo tempore deducta consuetu-  
dine, quemadmodum de talibus Diodorus Si-  
culus loquitur, agrestium sub Dio judicia pas-  
sivitus exercentur. Plerumque annosa aliqua,  
& ingentibus onerata cornubus, desuper in-  
spectante quercu. Cujuscemodi tres Upstal-  
lesbomum inumbrabant. Robur enim, reli-  
quas inter arbores, publica præcellebat admir-  
atione. Maximus Tyrius Celtam (Celtæ ve-  
rò pars Germanus) robore signante, præsentem  
docet horruisse Deum. Dissert. xxxviii. t. 3  
βαρβαρούσις ἀπειπτες μὲν εἰς τὸν θεόν κατεστήσουσα  
οὐκ αν-

Ἐντὸς οὐκεῖα ἀλλοι ἄλλοι. Κελτὶ σέβοσι μὲν Δίαν ἀγαλμά  
ἢ Διὸς Κελπηρὸν ὑψηλὴ δρῦς. Id est, Inter barbaros  
similiter, qui Deum non agnoscat, nemo est: alii  
tamen alia ei statuunt signa. Celtæ Iovem colunt:  
Iovis autem simulacrum apud eos est alta quercus.  
Quò referendum est illud, de triumphata Ger-  
mania, Claudiani, in primo de laudibus Stili-  
conis:

— & robora, numinis instar  
Barbarici, nostræ feriant impune bipennes.

Sanctivam arborem succendentis ævi ruricola  
vocabat. Vnde lex à Luitprando lata, Longo-  
bardorum rege: *Qui ad arborem, quam rustici  
Sanctivam vocant, adoraverit, vel incantationem  
fecerit, componat medietatem pretii sui in sacro  
palatio.* Et observatæ quercus in nostris diu re-  
fuslere monumenta moribus. Confectæ ad  
annum M C C X L V I I I . de Advocatia  
Braemstede tabulæ sic finiunt: *Actum juxta  
castrum Haghen, prope quercum, vulgariter Staleke  
nuncupatam.*

## C A P. XIII.

*Eruuntur ad familiam, habitum, vietum pertinentia.  
Servi, colonorum instar, habiti Germano. Cujus in  
Chaucide reprehendunt indicia moderationis. Liti. Cur  
liti, colonive, mancipiorum aliquando nomine dehone-  
stentur. Viri proprii. Barbaries eorum, qui servituti  
naufragos addixere. Recentioribus, ante quinque secula,  
cognita*

cognita Caucis. Sed incognita vetustis. Cauci pellibus amicti. Quas in castris quoque Germanici gestavere. Cauci cirrigeri. Corymbiorum estimatores. Emendatus Dousæ Petronius. Famem Caucus obvia dape profligabat. Quam venatio mediterraneo præbebat, uti piscatio maritimo. Lintres. Coriacea Saxonum navigia. Plinii, Cauci victim miserantis, ampulla. De vincendorum durities invisa Romano. Artes Agricola, Britannos ad enervem invitantis elegantiam. Vera rerum amissa vocabula. Nihil miserum, quod in naturam consuetudo perduxit.

**D**hinc alia quædam Cauci persequi libet instituta. Offert se verò nobis institutorum divisio in ea, quæ familiam, quæ habitum, quæ victim spectant. Pars ultima familiæ servi sunt, animata domûs instrumenta: sed minùs majoribus nostris habita contemtim, neque Romanum in morem descriptis per familiam admota ministeriis. Tacitus: *Suam quisque sedem, suos penates regit. Frumenti modum dominus, aut pecoris, aut vestis, ut colono injungit, & servus hactenus paret.* Spirant in Cauco vivuntque tam liberæ, prope dixerim, jura servitutis. Obstrictus enim plurimus est agriculta, ad frumenti modum, aut pecoris, singulis hero præstandum annis: sed obstrictus, quem permitta vomeribus obstrinxit ad talia munera tellus. Ita non ipse, sed terra, qualemcunque servit haud ingrata servitatem. Liti sunt appellati,

pellati , litæque , tempore quod recentiorem à  
vetusta disparat ætatem. Ottmo rex in privile-  
gio , ad A. D C C C C L X X X V I I I . Donamus et-  
iam ad hæc præfato Archiepiscopo (Adaldago Bre-  
mcnsi) interventu Bernhardi ducis quædam nostri  
juris mancipia , litam videlicet Thietfiden dictam ,  
cum filiis ejus & filiabus omniue progenie , que  
ex his per successura tempora fuerit procreata. No-  
stri , inquit , juris mancipia . Nam litos istos , præ-  
sertim si cuncta progenies flagitatorem patere-  
tur herum , nemo mancipiorum inficiabitur  
afflictum fuisse nomen , qui , præter hoc Ot-  
thonis III. Henrici IV. Cæsaris , & Leonis IV.  
Papæ , aliorumque privilegia consuluerit , anti-  
stribus indulta Bremanis . In iis enim frequen-  
tia reperio sexus utriusque mancipia . Adde se-  
culi vitium , in addicta sibi pactis aut precio  
corpora rigidioris , cuius ne nunc quidem ob-  
liviscitur ex toto vicinia nostra rigoris . Hinc ,  
qui operam Saxoniæ navavere describendæ ; sta-  
tus in ea meminere servilis . Witechindus lib. I .  
Gens Saxonica triformali genere ac lege , præter con-  
ditionem servilem , dividitur . Servos ipsos tertium  
genus Nithardus fecit . Histor. lib. IV . de Sa-  
xonibus scribens : Quæ gens omnis tribus ordinibus  
divisa consistit . Sunt enim inter illos , qui Edlin-  
gi , sunt qui Frilingi , sunt qui Laſi illorum lin-  
guâ dicuntur . Latinâ verò linguâ hoc sunt , nobi-  
les ,

les, ingenui atque serviles. Sunt enim Lassī, variante temporum gentiūmque loquela, Liti. Diploma Lieimari: *Aderant alii quamplures ex liberis hominibus.* Et mox: *super reliquias nostras cum chirotheca, sicut mos est liberis Saxonibus, tradidit in Asanthonp curtim.* Dicebantur & viri proprii, sicut etiam nunc in Westfalis epgenmannen. Lex Adalberonis, ad A. M C X L I I I . Fœmina, quamvis libera, si alicujus viro proprio, nisi Ecclesiæ nupserit, quia se quoque servituti obnoxiam fecit, viro suo adhæreat, & prædium Ecclesiæ relinquatur. Asperum dictu, memoriâque horrendum est, quod ætatis mediæ leges historiæque patefaciunt, naufragos non bona modò cetera, littoribus impacta rapacibus, sed inæstimabile quoque bonum perdidisse, libertatem. Adeōne efferari mortales, an sortem oblivisci potuisse mortalitatis, ut cum ira barbari colluctatos elementi, ac beneficio terræ matris elapsos, magis ipsi barbari, ac supra fidem atroces, in novam sustinerent abyssum præcipitare calamitatis? Tam injusta quis unquam admissa credat aut exercita jura? Exercuere, præter alias, & quidem in illustribus exercuere personis ætate media nostri. Bremensium Archiepiscoporum Historia: *Friderici avia & mater de Anglia navigantes, in Comitatu Stadensi naufragium passæ sunt:*

sunt: & secundum prisci juris rigorem tam homines quam res regiae ditioni sunt mancipati. Suggestit ergo Dux Friderico, Bremensi Archiepiscopo, ut ipse Comitem Fridericum Ecclesiae sue mancipium evincere satageret. In Bremensis quippe Ecclesiae Comitatu avia & mater sua, praetextu naufragii, servituti sunt addictæ. At non vetus ille, gloria nostra, Caucus talia Neptuno subductis, & terræ suæ illisis, intentavit, ut ex Ann. II. liquet: etiamsi multus fixisset in ipso prope tuguria mari. Et quantò sanctius eæ leges, quæ & bona misericordia, & spiritum permittendo liberum, nec avaritiæ suorum frena, nec crudelitati laxavere. *Quod enim jus habet fiscus verba sunt Constantini Lib. I. (Cod. de naufr. l. xii.) in aliena calamitate, ut in re tam luctuosa compendium sectetur?* Adjice L. ne quid D. de incendio, ruina, naufragio. Quod habitum, atque corporis cultum concernit, δερματόφορος existere cum cetero Germano Cauci. Tacitus: *Gerunt & ferarum pelles, proximi ripæ negligenter, ulteriores exquisitiūs, ut quibus nullus per commercia usus.* Ferarum velantur exuviiis, inquit, tam qui proxima nobis, quam qui colunt interiora: sed hi curatiūs adornatis, utpote quibus omnis in pelliceo decor, ignoto, cum commerciis, elegantiore luxu: isti, sine cura deproperatis, quos usu politiorum ac consuetudine domitos, exoticorum splen-

splendor indumentorum atque varietas adficit. Hinc ilicò subne<sup>t</sup>it, ulteriores eligere feras, & detracta velamina spargere maculis, pellib<sup>us</sup>que belluarum, quas exterior Oceanus, atque ignotum mare gignit. Idem Tacitus Annal. II. de Germanico: *Nocte cœpta, egressus augurali, per occulta & vigilibus ignara, comite uno, contextus humeros ferina pelle, adit castrorum vias, adsistit tabernaculis, fruiturque famâ sui.* Ad quæ commentator Lipsius: *Quare ferina pelle? ut habitum mentiretur Germani, credo, qui plerumque pelliti. Germani autem mulii non in castris solum, sed, ut opinor, inter ejus custodes.* Inter σωμα. Θρύλων<sup>es</sup> eo fuisse tempore Germanos, vix est ut integrum sit opinari. Nam & bellum cum eo populo gerebat acerrimum Germanicus (intutū verò, popularibus hostium imperatorum credi corpus) & ante annos haud amplius octo Germanos, ob cladem Varianam, dimiserat ipse corpore custodes Augustus. Tranquillum adi cap. XLIX. Sed in castris erat utique Germanus, & ipsissimus hercule Caucus erat, in commilitii decus adscitus: ut, in expeditionibus Romanis, ex primo pariter ac secundo dicemus Annali. De capillitio Germanorum Juvenalis:

*Cœrula quis stupuit Germani lumina, flavam  
Cæsariem, & madidos torquentē in cornua cirros.*

Sic

Sic enim legit Illustris Salinasius, in Epistola de Coma. Sunt autem cirri deflui crines atque dependuli, sive sparsi sint illi, sive effusi, sive discriminati. Cirros verò non omnis Germania, sed Suevus imprimis atque Sigamber, in cornua torquebat, id est, in vertice nodo substringebat. Unde *Rheni nodos* apud Martialem legimus. Caucos epitheto cirrigerorum donat in primo Lucanus :

*Et vos cirrigeros bellis arcere Caycos*

*Oppositi, petitis Romam. —*

Si nobilissimo plausum dare Dousæ velimus, corymbia quoque Cauco dedit in Satyrico Petronius Arbiter : *Evocatum me non minus decoro exornavit capillamento : immò commendatior vultus enituit, quia flaucorum corymbion erat.* Pro verbo *flaucorum*, Romanæ civitatis exforte, Chaucorum reponendum Douza divinabat. Altrius secus rerum temporumque conferenti faciem, indicabit in primo Saxonorum libro Witechindus, habuisse diffusas scapulas cæsarie Saxones. Ad victum proprio : quo simplici utebatur & obvio Caucus. Insolitum illi, flagitare remotorum littorum pisces, peregrini aëris volucrem, saltus non sui carnes, alieni temporis fructum. Insolitum, quod nunc apposite solens, ab extremo orbe violandorum opperiri lenocinia ciborum. Docto sine blan-

G

dimen-

dimentis expellere famem, & dape, quam suum illi mare, sua terra præbuisset, irritata labore jejunia solari. Ergo & piscibus insidiabatur, & feris. Namque vicitâsse plurimâ ferinâ Germaniam, cum Tacito Senecâque, Pomponius Mela testatur. Et in sexto Commentario Cæsar, omnem Germanorum vitam in venationibus, atque studio consumi rei miliaris. Sylvarum creberrimus horror impulit Caucos ad bella facienda feris, sed interiores. Nam proximi fluminibus, aut mari, in pisces armabantur. Plinius: *Fugientes cum mari pisces circa tuguria venantur. Non pecudem his habere, non lacte ali, ut finitimus, ne cum feris quidem dimicare contingit, omni procul abacto frutice. Ulva & palustri junco funes necunt, ad prætexenda piscibus retia.* Ceteroquin cayatos ex materia alveos, id est, linters, in pescationis usum, aliósque, conscendebant: ut ex Velleji libro i i. & Annal. x i. claret. Ac miratur quarundam molem atque magnitudinem cavarum arborum Plinius. Lib. xvi. cap. x l. *Germaniae prædones singulis arboribus cavatis navigant, quarum quædam & triginta homines ferunt.* Cauci successor Saxo coriaceis Oceano navibus insultabat: unde sic de eo, carmine vi. Sidonius:

— cui pelle salum sulcare Britannum

Ludus,

*Ludus, & assuto glaucum mare findere lembo.*

Idem verò Plinius, citati libri cap. xvi. post victum Cauci, Italij ingratum palatis, amplificatore stylo descriptum, quasi stupore defixus, *Et hægentes, inquit, si vincantur hodie, à Pop. Rom. servire se dicunt. Ita est profectò, multis Fortuna parcit in pœnam.* Itane profectò est? numquid aspera cum libertate vita post delicatulam est habenda servitutem? Errorem illum hostibus imperatrix Roma precabatur, cum cccx. annis vinci Germaniam, & libertatem ejus acriorem esse Arsacidarum regno, dolebat. Vitia sua cum armis in devicta transfundì peroptabat. Tenerorum legatus ad Agrippinenses: *Instituta cultumque patrium resumite, abruptis voluptatibus, quibus Romani plus adversus subjectos, quam armis, valent.* Agricola talibus in Britannia consiliis hyemem absumit: namque, ut incolæ deliciarum rudes, eoque bello faciles, quieti & ocio, voluptatibus indulgendo, litarent, hortari privatim eos instituit, adjuvare publicè, ut templa, fora, domus excitarent. Paullatimque deflexum ad delinimenta vitiorum, porticus, & balnea, & conviviorum elegantiam: *idque apud imperitos humanitas vocabatur, cum pars servitutis esset.* Numquid igitur in pœnam Cauco fortuna pepercisset, si nunquam aquilas ei, legionum numina Romanarum,

narum, ostendisset? Cauco, qui ab aquilis aliquando victus, instituta sibi luxumque victricium haudquaquam passus est affricari. Cauco, qui, duce Gannasco, lntres suos, atque pauperiem, & cum pauperie terrorem intulit opulentæ atque molliculæ Gallorum oræ: *Prædabundus Gallorum oram maximè vastabat, non ignarus dites & imbelles esse.* Ann. XI. Non ætate modò Plinii, sed nostra quoque, vera sunt amissa vocabula rerum: æstimatione recta severi, frugalésq; deterius interpretantibus inculti sordidique dicuntur. At enim verò non nego, barbarum quiddam incultumque sapuisse Caucum: sed opus esse Pliniana miseratione, nego. Id enim rerum conditor egit, ut ad bene vivendum non magno opus esset apparatu: unaquæque facere se beatam regio potest, ac levissimum in adventitiis est monumentum. Æmula naturæ consuetudo, quæ prædura sunt aliis & intoleranda visa, mitia suis & amica reddit alumnis. Seneca de Germanis, in libro de Providentia: *Perpetua illi hyems, triste cælum premit, malignè solum sterile sustentat: imbrem culmo aut fronde defendunt, super durata glacie stagna persulant, in alimentum feras captant. Miseri tibi videntur? nihil miserum est, quod in naturam consuetudo perduxit. paullatim enim voluptati sunt, quæ necessitate cœperunt.*

Finis Libri primi.

IOAN-



IOANNIS SCHILDI  
DE  
C A U C I S,  
*Nobilissimo Veteris*  
GERMANIÆ POPULO  
LIBER SECUNDVS.

---

C A P . I.

De religionibus Caucorum. *Tripartita gentium Theologia. Mythica vanitas, indecoris divina fictionibus imminuentis. Politica imbecillitas, à republica, cui fulcrum ipsa, fulcrum mutuantis. Naturalis aliquantò solidior. Unicè estimata Varroni, ceteraq; sapientum cohorti. Luna, Sol, Ignis, corporum naturalium splendidissima, Deorum, in Germanis, adepta majestatem. Ratione ductis eadem, qua vetustissimi ducebantur Ægyptii. Placatae Caupo Luna vestigia. Inter a- grestes ut plurimum obliteratae indicia reperiri vetustatis. Scriptores exteris in nota sibi nomina vernacula transudiisse Deum appellations. Propterea, quod sacra eorum, ac ceremonias, intelligerent cultui responderem suorum. Sepe populos aliorum id dedisse claritu-*

G 3

dini

dini populorum, ut domesticis inderent exotica vocabula Diis. Romanis haud placuisse modo nomina, sed & ipsa numina peregrina. Ut Nehalenniam Zeelandicam. Viracocha, creatoris nomen, Hispanorum Dios mutasse Peruanos. Parvulorum nostratum, Lunam ad exserendas tñgas invitantium, lusus T:θlw'η. Isidis ubera, seu Luna. Caussa, qua Caucum ad Lunaris admirationem divinitatis impulere. Communis una, sideris ejus, fulgorem suum condentis, horror. Altera propria, maris exastuatio, casulis formidanda Caucciis. Sic, ob Nilum, Isidis aucta reverentia. Qua & Pelagia. Saxonis institutum, Plemmyris, ab Oceani domina Luna dependentibus, annum metientis.

**N**ter recondita gentilitatis, quæ cum interpretibus suis memoriae se hominum eripuissent, nisi complura Laetantius, Arnobius, Augustinus, aeternitati scriptorum suorum inferuissent, haud absurde Theologiæ numeraverim divisionem, quam Terentius quidem Varro in rerum divinarum libris, ad Iulium Cæsarem Pontificem Maximum, perscripserat, ceterum, libris iis interceptis, consummatissimi operis de Civitate Dei liber sextus hodieque representat. Nempe, cum primo generi eorum, quæ aut sciuntur de Diis, aut creduntur, Fabularis, tertio verò Civilis nomen addidisset Theologiæ, medium quoddam inter hæc duo genus interjecit, quod, quia mistam naturæ veneratur

retur divinitatem, Physici placuit appellatione donare. Mythica totiens cœlestes suos pro deridulis habet, tam atrocibus insurgit in numina contumeliis, ut, nisi symbolicis attemperata sensibus, qualicunque se tegat excusationis velamento, suimma rerum elegisse videatur ingenium humanum, in quibus improbè minuendis, quid in vitiis summum esset, experiretur. Politica, quam civitatum æstimavere fundatores, haud paullò grandiora de Diis sonat, ac percellere mentes civium conatur. Sed & ipsa perquam infirmâ destinâ fulcitur, &, cuius ipsa præsidio reperta erat, ab eo vicissim firmitudinem sibi sperat: stante rep. utcunque se sustentatura, pereunte, paribus cum ea fatis involvenda. Utique per veterum cunti memorias aperit sese quod dixi: cum è contrario ex religiones, quæ in natura rerum sistere cogitationes hominum jussere, ne nunc quidem, apud damnatas tenebrarum gentes, sint oblitteratæ. Naturalis ista Theologia, cui secundum in partitione sua locum Varro dederat, ut ineptiarum putidis inminus est resperfa, sic humanæ sapientiæ primis unicè se commendavit, utut eos recepti cultus præscriptio, & tempora reip. obtentui sumta, solis ut sibi saperent, induxere. Tanti eam profectò Varro faciebat, ut patriæ suæ de superis profliga-

tas cuperet opiniones, ac, si ipse, Romuli instar alicujus, aut Pompilii, nascentis reip. sacra constituisset, ex naturę se potius formula Deos, nominaque Deorum dedicaturum fuisse, in eodem illo rerum divinarum opere fateretur. Quamobrem est unde laudem, si tamen laudem, in publico isti populi repererint errore, qui, ceteris inscitiae nocte sepultis, attollere se paullum, atque per exigua gaudere crepusculi luce potuere, id est, qui Fabulares inter ac Politicos orbe distracto Deos, litare naturalibus occæpere. Præsertim, si ex vasta naturalium congerie corporum, ea potissimum divina sunt prosecuti veneratione, quorum ignorare non licet ingerentem sese oculis, & sensibus, cœlestem claritatem. Qualia præ ceteris sunt Luna, Sol, & Ignis: quæ Germanis in præcipuo honore fuisse, Cæsar, in Commentariis de bello Gallico, locuples est testis. Et haud de nihilo est ea ratio, quam, cum cultu nostratium, prodidit: *Deorum numero eos solos ducunt, quos cernunt, & quorum opibus aperte juvantur.* Quamquam hæc assertio, veluti secutura patefacient, neutiquam veritatem tota propitiā habet. At de vetustissimorum religionibus Ægyptiorum parilia ferme Diodorus Siculus adnotavit, in libro primo Bibliothecæ: Τὸς δὲ τὴν κατ' Αἴγυπτον φασὶ αὐθάπτες τὸ παλαιὸν θρησκεύεις, ἀναβλέψαντες εἰς τὸ

εἰς τὸν ἄστρον, καὶ τὰ τὸν ὄλαν φύγειν παιδεῖαν καὶ  
ταυτόσιαν, ταπεινήν εἶναι δύο θεοὺς αὐτοὺς τε ἐπεργάτας,  
τούς τε Ἡλίου καὶ τῶν Σελήνης. Id est: Antiquissimos  
ajunt Aegypti incolas, sufficietes in cælum, & non  
sine stupore naturam universi admiratos, existimâsse  
duos esse Deos sempiternos & primos, Solem &  
Lunam. Cum popularibus suis Caucos in ejus-  
dem cultus societatem venisse, multa sunt in-  
dicio, quæ fidem sui ingenii haud morosis fa-  
ciant. Sicut enim finitimi Cherusci à Luna  
Luneburgum suum appellavere: propterea  
quod pleræque priscarum gentium, æstimo  
Deorū dedicatas frequentarent habitationes;  
ita nostris ab eadem denominata Diva reperias  
Lunefluvium, & Lunebergen pagum: præ-  
terea Haselune, ex Hasio flumine, cui adsitum,  
& Luna, combinatum: denique Luningen,  
Lumenti & Loenen, vicorum pagorumve no-  
mina. Nam vici pagi, ut ab urbica confluge  
sunt imminentes, ita plurimum subinde vetustissi-  
mæ retinent antiquitatis. Neque veri specie  
caret, quemadmodum prisci illi, contentis ur-  
bium repagulis, rura campisque ad habitan-  
dum eligeant, ita reliquias eorum, si quæ  
sunt, in ruricolis quam maximè servari. Cùm  
enim vis aliqua major in terras incubuerit, fa-  
cile, quo cunque Lucius vocat Deus, urbana  
cum suis abscedit multitudo: at agrorum in-

G 5. ssores,

sessores, quamprimum impetus desævierit calamitatis, spes suas læti revisunt, & acceptas à majoribus possessiones, haud interrupta serie, nepotibus transmittunt. Unde, præter alia, gentiles quoq; locorum designationes, animos eorum atque memoriam pertinaciùs infedere. Si quis h̄ic sententiam nostram invadat, eámque minimè se tueri posse contendat, eò quòd Romanā quidem linguā siderum infimo Lunæ sit nomen, at nostrate longè diversum, & vix unico elemento consonum priori, ei sic occurrentum censeo: Ronianos, quum res exteris stylo propagarent, ea semper vocabula, queis sua quisque populus invocare numina sueverat, in commentarios transtulisse suos, nemo tam excors erit qui aut sibi, aut aliis persuasum velit. Neque enim ullo credibile fit argumento, cùm primitus in has terras Romana se potentia effunderet, Vulcani, Martis, aut Mercurii nomina vel cognita nostris, vel usurpata fuisse: utut latente in illis dictiōnibus vim numinum sint amplexi. Nimirum, si forte ritus aliquos, à suis haud alienos, inteligerent, vel iisdem rebus impositos Deos, ad quas Roma suos advocabat, aut insuper habitis nativis, aut ignoratis, Romæ audita sæpius cule eis nomina circumdedere. Tacitus exserte, cùm antiquæ religionis lucum apud Naharvalos

valos indicasset, sed Deos, inquit, *interpretatione Romani Castorem Pollucemque memorant.* Et sub finem quarti Historiarum, cùm de numine, quod dedita superstitionibus Ægyptus ante alia colebat, luculenter verba fecisset, plurimi, inquit, Ditem patrem, insignibus quæ in ipso manifesta, aut per ambages conjectant. Atque ea conjectandi libido sæpe monstrâ peperit errorum. Ex una Plutarchi conjectatione, discas aliorum. Quia statim tempore desidere sub tabernaculis Ebræos, eaque festis frondibus inumbrire jussérat Deus, itemque καθίστας & ποιῶνς Pontificis voluerat inerrare fimbriis, idcirco, sacris eorum mysteriisque coli ipsum Dionysum temulentissimum Deorum, perquam est ipsi ridiculè existimatum. Gentis igitur nostræ Deorum nomina (nam cò redeundum nobis est) ex ingenio pleraque scriptorum provenire, raro sic prodita, quomodo vetustissimis temporibus ipsi cultores ea frequentabant. Oficere tamen nihil video, quò minùs eos populos, quos aut commercia Quiritis, aut victoriæ, ad propiorem Quiritis invitavere notitiam, id dedisse bellatoris populi dignationi dicamus, ut avita numina, tractu temporū, Romanis salutari appellationibus aut præciperent, aut paterentur. Ipsi equidem Romani, qui retinenter religionum suarum habebantur,

non

non modò nomina exotica complura toleravere, sed & sacra nonnunquam exoticis fecere Diis, vel proprio metui, vel gratiæ eorum, qui buscum usū aut armis sociabantur, indulgentes. Id inter infinita alia, è Walacrorum nuper arenariis collibus eruti lapides fatentur, qui **NEHALENNIAE**, non hercle numini Romano, sed Deæ loci, sacratos se à militibus Romanis, præsidium illic agitantibus, ostendunt. Et quisquam mirabitur Germanos, quod, ceteris contagio peregrinitatis afflatis, & ad potentiorum Deos ultrò concurrentibus, ipsi, præter nomen, nihil ex patrio labare cultu sustinuerint? Atqui Peruanos etiam, antequam nostri orbis homines cognōssent, Deum creatorem suâ linguâ Viracocham appellitâsse, rerum Americanarum tradidere scriptores: iidem, post cognitos arimis & consuetudine Hispanos, non hoc solùm nomine, verum etiam Hispanorum Deus utuntur:

— *sacra victoris sui,*

*Vnāque linguam barbarus didicit puer.*

Quæ cum ita sese habeant, haud sanè pœnitere nos debet eorum, quæ de locis, in L V N A E cognomentum adoptatis, diximus, ut sic reverentiam Deæ altius locorum incolis infigerent.

Quanquam, si quis id requirat, etiam vernacula linguâ, Cauci Majores pagum Maendorp,  
prope

prope Visurgim, agnoscunt. Hoc quoque, de culta ea nostratibus Dea, ambagiosus aliquis, & captator affulgentis undecunque verisimilitudinis, autumet afferendum, quod hodieque parvuli eam nostri, ad papillas revelandas, puerilibus subinde blanditiis sollicitant. Constat enim, mulierculas πυλοτρόφες, inter fabellas alumnis suis deliniendis excogitatas, haud raro sepultarum reliquias superstitionum, quæ plerumque pertinaciùs sequiori hærent sexui, tenellis sibi commissorum auribus instillare. Sanè & Ægyptiis, autore Plutarcho, eadem Diva Mæ, id est, *mater*, appellabatur. Et Isidem., cuius involuta nomine Luna placabatur Ægyptio, Τιθὺν, id est, *nutricem*, idem perhibet agnominatam Plutarchus. Τιθὺν verò fluxit ex τίθην, quæ vox nihil abit à nostrate, quâ papillas designamus. Neque prætereundum forsitan est, quod de Iside apud Macrobiūm exstat, *continuatis uberibus corpus Deæ omne densari*. Saturnaliū lib. I. cap. xx. Quanquam hæc de Iside capi queunt, quatenus ea Terræ simul & Lunæ venerationem, unius involucro nominis, tegebat. Est enim utriusque, & rebus se communicare generandis, & piæ parentis instar, officia nutricandi præstare generatis. Sed hæc paullò longius arcessi credimus. Major cunctibus aderit fiducia, si in unam atque alteram

teram exspatiari caussam lubeat, quæ persuadere nostris supremum hujus astri cultum valuit. Duo sunt, quæs corpora naturalia fidem sibi divinitatis inter homines acquisivere, effectorum nota magnitudo, & eorum, quæ sciri refugerent, admiratio. Inter abdita vulgo, plerisque seculis ea ratio fuit, ob quam Luna nitorem luminis sui conderet: quippe haud satis scienti, temporum orbes implere destinatas vi-ces, Lunamque deficere, cùm terram subiens ab adspectu cognati sideris arcetur. Hoc infelicititer ignoratum non barbaris modò, quæs rudis & inconditus sensus est, sed aliis etiam, & tempora & ingenia cultiora fortitis, imposuit. Ut Annalium primo, cùm langue-scere Luna cœpisset, miles Romanus, rationis ignarus, omen id præsentium accepit, ac suis laboribus defectionem sideris adsimulando, prosperè cessura, in quæ pergeret, existimavit, si fulgor & claritudo Deæ redderetur. Id adeò, sicuti cunctis Lunæ supplicibus, ita Caucis quoque naturæ excellentioris indidit opinio-nem: quippe, quam, vultum mortalibus sub-trahendo, æternos portendere labores, & aver-sari facinora sua judicabant. Inter effectus ejus, uti complures orbi salutares sunt experti, ita hunc vel proprium, vel cum paucis sensere communem, quod habitationum suarum & peri-

pericula & securitatem illi se quodammodo intelligerent debere. Scriptum enim Plinio est, vasto ibi meatu, bis dierum noctiūmque singularum intervallis, effusum in immensum agi Oceanum, ac post casas eorum memoratas, *navigantibus similes* dixit, *cum integrant aquæ circumdatæ, naufragis verò, cum recesserint.* Quare, cum Luna se plenius exserente, mare turgidius observâssent, ut ejus desiderio se ipsum suspendere videretur, precandam sibi imprimis ejus astri clementiam credidêre. Sic honorem Isidis è magno reddidit majorem, quòd Nili incrementa prope modum illuminationibus respondere Lunæ viderentur. Quam, ob maris dominatum, PELAGIÆ quoque titulo co-honestârunt, quem in Inscriptionum legere volumine licet. At paroceanus noster, ad æquinoctiorum *πλημμύρας*, quarum Luna temperatrix, annum quoque suum admirabili digerebat ordinatione. De quo cum cura differit, in secundo de Temporum Emendatione, Josephus Scaliger. Qui pulchritudinem admiratus inventi, ad Oceani *εὐχόμενών* temporum cursus exigentis, tali signat epilogo dissertationem: *Quare non omnis sapientia penes Chaldaeos & Orientem fuit?* Etiam Occidentis aut Septemtrionis homines fuerunt *λογικοὶ Σάτα.*

## C A P . II.

Lunam fœminino Cauci genere profantur, masculino ceteris usurpatam Germanis. Exsculptum ex ea varia-  
tione mysterium ridetur. Sol Caupo cultus. Hama.  
Pueros hodiernus eo vocabulo Caucus objurgat. Nova  
nominis ejus excogitata ratio. Nemora Deorum Ger-  
mania nominibus appellat. Ham, nemus, aut lucus.  
Latinorum Nemorensis.

**L**unam, Caucis adorataam , exhibuimus.  
Quorū hodiéq; posteritas eum linguae suæ  
genium agnoscit, ut sidus, adorantium plerisq;  
pro fœminino habitum numine , ipsi cum fini-  
timis eodē profari genere teneantur, cùm Teu-  
tonum reliqui virili soleant efferre. Neq; verò  
propterea pertimescendum illis est , ne sum-  
mam imperii à viris ad sese transferant uxores;  
quanquam tale quidpiam lepidè ac venustè in  
Caracalla tradidit Ælius Spartianus : Scien-  
dum doctissimis quibusque id memoriae traditum;  
atque ita nunc quoque à Carrenis præcipue haberi,  
ut qui Lunam fœmineo nomine ac sexu putaverit  
nuncupandam , is addictus mulieribus semper in-  
serviat : at verò qui marem esse Deum crediderit,  
is dominetur uxori , neque illas muliebres patiatur  
insidias. Ceterum nulli dubitamus , quin in eo-  
dem apud eos honore Sol fuerit , dux , & prin-  
ceps , & moderator luminum reliquorum :  
etiam si

etiam si pauciores hic fugitivæ superstitionis indices serventur. Nam & universim de Germanis proditum est, Solem eos Lunamque Deorum numero duxisse, & vix ullius populi mores admisere, ut Lunæ colendæ opinione siderati, immunes à Solaris admiratione majestatis essent. Saxones, qui postea suum Caucis nomen obtrusere, Deum Hama sunt impensè venerati: quem vir eruditus arcessens ab Ebræorum *nān chama*, solem fuisse, vetustissimis cultum Germanis, augurabatur. Sed cum ea vox Ebræis non Solem modò, sed calorem etiam signet, ambiguum fieri queat, Soline eo nomine litaverint, an verò Igni, quem haud minus, quam illum, inter priscos nostratium Deos dedicatum comperimus. Sanè ne nunc quidem, puerilem increpituri lasciviam, vocabulo *Ham* uti desistimus, tanquam obsoleti quod supereft erroris, inter minas, ab interitu retrahimus. Quemadmodum sui Saxonibus ævi, formulas inter exsecratrices, relictam destrī Crodo mentionem, adnotat in secundo Saxoniorum Crantzius. Aliam tamen ejusce caussam appellationis excogitavimus, quæ etsi non sit ad liquidum ratione perducta, fortasse tamen iminiscere se non exhibilandis queat. Haud difficile est observatu, sæpe gentiles Deum nominibus epitheta subrogâsse Deum,

H

quæ

quæ vel locus sacrorum, vel benificentia gran-  
dior, vel ceremonia edidisset insignior. Id Ha-  
mæ quoque si quis accidisse conjexit, eo se veri  
defenderit imitamento, quòd sylvæ, in exi-  
miam altitudinem editis arboribus umbrosæ,  
templorum vicem majoribus exhibuere no-  
stris. Quæ quidem templa, non ingenii aut  
opibus excitata mortalium, sed à luxuriante  
substructa natura, in nomina sæpe coaluisse  
Deorum, queis sacra erant, è loco Taciti cla-  
ret. In libello de Germania: *Lucos ac nemora*  
*consecrant, Deorūmque nominibus appellant secre-*  
*tum illud, quod sola reverentia vident.* Secreti vo-  
cem de luco pariliter usurpat Seneca Ep. X L I.  
*Proceritas sylvæ, & secretum loci, & admiratio*  
*umbrae, in aperto tam densæ atque continuæ, fidem*  
*tibi numinis facit.* Nec longè recessit ab eo Pli-  
nius lib. XI. cap. I. *Lucos, atque in iis silentia*  
*ipsa, adoramus.* Adjicit Tacitus: *quod solâ re-*  
*verentia vident: nempe Deos, quibus sylvas*  
*fecerant cognomines, nec cohibendos parieti-  
bus, nec in ullam humani oris speciem assimili-  
landos, ex magnitudine cœlestium, arbitra-  
bantur: sed, in illius secreti silentio, sanctius*  
*aliquid, ac maius adspectu mortali concipie-  
bant.* Eadem ferè de Carmelo monte secun-  
dus exhibet Historiarum: *Est Iudeam inter Sy-*  
*riāmque Carmelus, ita vocant montem Deūmque.*

nec

*nec simulacrum Deo, aut templum, sic tradidere majores, aram tantum & reverentiam.* Lapsu deinde seculorum, qui vel imperitiores antiquæ superstitionis erant, vel novo eam suspenderem paxillo conabantur, ex adverso luci vernacula dictionem, in proprium Deo alicui vocabulum transfudere. *Ham* Germano lucum nemusve denotabat: unde trans Albium opposita Caucis urbs Hamburgi cœpta est appellatione donari: & in ipsa Chaucide *Stolham*, *Esenham*, *Hamhusen* peritare vestigia vocis odoranti repræsentant. Hama igitur Saxonum esto Nemorensis. Quanquam de tali nostrorum nemore libenter illud ex Ovidii Metamorphosi repetam:

*Quis Deus incertum est, habitat Deus.*

Latini, quod apprime opinioni nostræ proprium est, Dianam à  $\alpha\omega\lambda\delta\varsigma$  appellitare *Nemorensem* consueverant, à ne more, quod cultui consecratum Deæ intelligebant: itē inque facerdotem ejus *regem Nemorensem*, quem memorat in *Caligulae vita* Suetonius.

### C A P. III.

*Deorum Deus à Caucis, nomine Duth, invocatus. Vnde Ioduth, nota subitaneo pavefactis infortunio formula. Nec à publicis exulare jussa moribus. Gentiles, ab atrociore calamitate deprehensos, ad unius excitatos fuisse mentionem Dei. Ooster Saxonum Dea, solenniter mense Aprili culta, unde Paschatis festum Saxonibus Ooster. Sacris Christianis initatos, umbras subinde quasdam*

*G*inania retinere gentilitatis. Præsertim si qui serius exstiterent tales, aut armis adacti. Ut oppugnati à Cru-cigerulis, ac Saxones. Diu fœdatus residui paganismi maculâ Bremanus. Cum Marte Mercurius, inter numina Germana. Pugna, super eo, Taciti ac Cæsaris. Honori Mercurii lapidum cumuli cœdiorum dicati. Testibus Hesychio, Eustathio, Suida, aliis. Ejus, in Brema-na dioceſi, liquidissima ſupereffe documenta ritus. VVodan Mercurius, VVonda Lipsio. Vulnere gaudens, ac cœde. Quippe Mercurium ac Martem bello jun-ctim Germanos imposuisse. VVonda bellator Sueoni Deus. Fricco, Frea, nuptiarum dominæ. Mars Saxoni litatus. Hesi vetusto nomine cognitus Germano. Sacra-ta forſitan ei via militaris Heserueg aut Hesserueg. Priscorum abolitio nominum plurima ſepelit antiqua-rum documenta ſuperftitionum.

**H**Aec tenus adnixi Caucorum eruere Deos, qui, ut aperiebant ſeſe colentium uſibus, ita adſpici ab iis haudquaquam refugiebant, nunc ad eos vela dirigimus, quos, ſenſuum ex-cluſa ſequeſtratione, ſola creduntur animorum acie contemplati. Sumimum illud & æternum numen, neque mutabile neque interiturum, ſicut omne in ſui intellectum nulli prope modum subducere populorum, ita ne Germanis qui-dem ſuſtinuit criptere meis, ut cunque ab iis no-mine *Duth* invocatum. A quo, velut à fonte ſuo, vocabulum *Ioduth* arceſſendum judico, cuius necdum memoria ē sermonibus popularium meorum excessit: præſertim, cùm ab inopino deprchensi infortunio, numen exitio advo-cant

cant averuncando. Quin etiam , si quem  
fuga abstulerit homicidii reum , collocato  
apud prætorium cæsi cadavere , & vulnere,  
quod in mortem patuit, detecto , inter alia  
exclamationum horribilia , quas, ex imperfecti  
persona , magistratus ingeminat apparitor ,  
identidem majore sono *Ioduth* vociferantem  
audias. Omissis aliorum ambagibus , regiâ  
grasseimur viâ , & sine ullo flexu vocis aut im-  
mutatione, *Ioduth* ex *Io* plerisque mortalibus u-  
sitata exclamandi formula, & summo Deorum  
*Duth* in unum confluxisse vocabulum , vel op-  
nari, vel scire etiam audeamus. Passim hæc ve-  
ræ scintilla religionis inter ethnicos emicuit,  
ut, quanquam singularis Dei memoriâ inter  
prospera obliterarent, eundem tamen inter  
ambigua & inextricabilia cierent : quasi veri-  
tas, ipsa cogente natura , ab invitis erumpere  
pectoribus amaret. Adamus Bremensis de  
Sueonibus: *Si quando præliantes in angustia po-*  
*siti sunt, ex multitudine Deorum, quos colunt, unum*  
*in auxilium invocant.* Laetantius Divinarum  
Institutionum lib. II. cap. I. At verò si qua ne-  
cessitas gravis presserit , tunc Deum recordantur : si  
belli terror infremuerit, si morborum pestifera vis in-  
cubuerit, si alimenta frugibus longa siccitas denegat-  
verit, si sæva tempestas , si grando ingruerit : ad  
Deum configiunt, à Deo petitur auxilium , Deus,

ut subveniat, oratur. Si quis in mari vento s̄aviente  
jactatur, hunc invocat: si quis aliqua vi affl̄ctatur,  
hunc protinus implorat. Ac pauculis interjectis:  
Nunquam igitur Dei meminerunt, nisi dum in malis  
sunt. Postquam metus deseruit, & pericula rece-  
serunt, tum verò alacres ad deorum temp̄a concur-  
runt, his libant, his sacrificant, hos coronant: Deo  
autem, quem in ipsa necessitate imploraverant, ne  
verbo quidem gratias agunt. Pleraque in ea serie  
calamitatum talia sunt, ut, ad improvisos eo-  
rum impetus, ne hodiè quideim antiquissima  
Dei obtestatio Io Duth animos aut ora nostra-  
tium deserat. Quò minùs videri absconum de-  
bet, si melioribus postea sacris initiati, exuere  
consuetudinem ejusce formulæ neglexere: quæ  
ad hunc modum enodata, nihil fere, præter an-  
tiquitatem vocis, in nominati continet aut ex-  
plodendi. Quamquam, si erroris haud omni-  
no fœcibus careret, commune propemodum  
incautæ mortalitatis vitium esset, cœlestem  
claritudinem segniùs admittentis, &, ejuratâ  
gentilitate, umbras ejus & inania retinentis.  
Ita Saxones, quod Bedæ proditum, Oostera  
quandam in classem retulerant Dearum, cui sa-  
cra quotannis, Aprili recurrente, faciebant:  
hinc festo, quod in memoriam mortis à Deo  
dominóque nostro triumphatæ, eodem mense  
celebramus, nondum ab ethnicis emananteim  
depo-

deponere licuit appellationem. Mercurio, viarum itinerumque tutelæ, aggestos è lapidibus colliculos antiquitas dicabat : ejusce rei vestigium hodiéque maiores inter Caucos appareret, & ritus nihil tale cogitantibus est relicitus : de quo mox plura sese offerent dicenda. Præcipuè callum eorum diuturna consuetudo moribus obduxit , qui seriùs ex errorum eluctati sunt anfractibus, &, junctis suadelæ docentium armis, inviti quodammodo ac repugnantes, sarcis sese melioribus addixere. Quod eorum è plebe superstitiones indicant : qui tertio, aut quarto abhinc seculo , Crucigerorum directionibus fatigati, victas quidem religioni dêre manus : sed infelicis paganismi tot in abdito ceremonias servant, ut alieni propemodum à sensu cœlestissimi mysterii videantur. Neque puros hujus nævi maiores nostros dixerim, Caroli , qui Magni cognomento noscitur , invicta felicitate compulso , ut , posita septem lustrorum obstinatione , qualemcunque sanctioribus institutis aditum præberent. Testes sunt eorum temporum Annales , quantâ non dicam inconstantia (nam id facti haud æquat improbitatem) sed exagitatarum concursatione mentium , atque truculentia , à dicto regi sacramento resilierint , non aliam fermè ob caussam , quām quòd adolescere per regiones

H 4 suas

suas Christianarum coitionum sacraria, juxta  
cum invitissimis ferrent. Immò, cùm ad Un-  
wanum Archiepiscopum historiam suam Bre-  
mensis perduxisset Adamus, ille, inquit, omnes  
*ritus paganicos, quorum adhuc supersticio viguit in*  
*hac regione, præcepit funditus amoveri.* Utique  
præsulum nostrorum duodecimus erat Un-  
wanus, &c, eo reruni potiente sacrarum, annum  
ab auspicio sui ducentesimiū vigesimum quin-  
tum Ecclesia nostra numerabat. Neque tamen  
impietatis favissam atavorum vitavere disci-  
plinam: quod insigniter ex eo loco clarebit,  
quem ex eodem postea scriptore de lucorum  
reverentia profereimus. De summate Cauco-  
rum Deo, immenso illo & immutabili, dixi-  
mus: ad medioxumos, ut sic loquar, & infi-  
mates, quales, cum gentium plerisq;, stulta si-  
bi finxere persuasione, disquisitio propagetur.  
Mercurium Cæsar, ac Martem, quo loco Deos  
ingreditur exhibere Germani, penitus è com-  
mentatione sua proscribit. Tacitus verò tum  
in Germania, tum in lib. x i i i. Annal. mini-  
mè sibi silentio transmittendos existimavit.  
Quippe Cæfaris ævo, qui sesqui-seculo circiter  
Cornelianam scriptionem antevertit; haud  
perinde Germaniæ mores enotuere, quam  
Corneliano, quod magnam ejus partem supe-  
ratam maximam bello perlustratam sciebat.

Et

Et quorsum aliquis horum demiretur ἀληθομα-  
χίαν, qui tot annorum interstitio diffidet, re-  
cūm, quos eadem tempora, locique, videre  
scribentes, in diversa judiciis ac narrationibus  
ire, sit observatum. Sed in hæc minimè nostra  
se dissertatio diffundet. Habitandum enim no-  
bis in Caucis est: utut, liberos impetus se-  
quendo, subinde finium obliviscimur regun-  
dorum. Mercurii culti clarum & illustre Cau-  
cis in Majoribus exstat documentum, si, quod  
honori ejus antiqui repererunt, attendere non  
nolimus institutum. Lapidum strues in publi-  
cis accumulabant viis, quæ sensim à viatoribus  
auctæ, in collicolorum erigebantur altitudi-  
nem, & à Deo, cui sacræ erant, Ερμαῖς, vel  
Ερμαῖοι λόφοι indigitabantur. Hesychius: Ερ-  
μαῖοι λόφοι, τὰς σωράς τὸ λίθων έρμαῖς, τὰς εὐτοῖς ὁδοῖς  
γενομένας εἰς θύμην τετέσπ. εὐόδιοι γάρ. Id est, Mercu-  
rialis tumulus significat acervos lapidum, per viam  
existentes in honorem Dei. nam positus in viis est.  
Uberius eadem Homeri tradidit interpres Eu-  
stathius, ad versum Odyss. π.

Ηδη ωτὲρ πόλισθος έρμαῖοι λόφοι εἰν,  
Paulum supra urbem, quæ collis prominet Herma.  
Οἱ δέ φασιν, ὅπερει έρμαῖοι λόφοι σωράς λίθων εἰν εὐόδιοι,  
ἢ βωμές, ηλόφοι ωσπειρμόι έρμαῖς ανδεράνι. Άλλοι δὲ  
νοῦσιν έρμαῖας κηριῶς λόφους, σημεῖα ὁδῶν καὶ ποσιώνας  
Διόσιτοι μιλιασμένους τοχὸν ησανδιασμένους. Ερμῆς γάρ φασι  
ωφέτοις οἷα κήρυξ καὶ Διάκυπεροι καθήρας τοῖς ὁδοῖς εἴπεις λί-  
θος σύρει, ἀπείθει τέλος ὁδοῦ. οὗτοι τὰς τοιστόν τε ποιητάς, Ερμῆς

ἀδεσ τῷ Ερμῆ ὡς Διονύσῳ συναθαίρονται, εἰς τὸν δὲ Ερμῆ  
τὸς τοιότων λιθῶν σωρὸς Εγμαῖα ἡ Ερμαῖα λόφος καλεῖται.  
Quæ sic interpretor: Alii dicunt, quod Mercurialis tumulus sit acervus lapidum in via collocatus,  
aut ara, aut tumulus Mercurii subjectus statuæ: alii  
vero Mercuriales communiter accipiunt tumulos, pro  
signis viarum, juxta aliquantam earum intercape-  
dinem, miliari forte an aut stadio respondentem. Fe-  
runt enim, primitus Mercurium, tanquam caducea-  
torem, & internuncium, purgandis itineribus, lapi-  
des, si quos inveniret, extra viam se posuisse: unde  
existimant, si qui id imitentur, & internuncio Deo-  
rum Mercurio vias expurgent, eos in honorem Dei  
ejusmodi strues Hermæa, vel colles Hermæos ap-  
pellare. Deinceps ex eo ritu mysterium effudit,  
quod, sicut è multorum congerie lapillorum  
tumulus exsurgit, ita per syllabas & dictiones  
ad perfectionis gloriam oratio, cuius dominus  
est Mercurius, adscendat. Eo verò, tanquam  
scrupo nimis atque stramentitio, repudiato,  
illi Hesychioque, & Suidæ, è Græcorum claf-  
fe, consentientem adjungimus Epigramma-  
tarium:

Γερὸν Εγμεῖη με πλοῦτοις ἔχειν  
Αὐθαπος λιθινὸν σωρόν.

*Mercurio sacrum me prætereuntis adauxit  
Dextra lapillorum cumulum.*

Et è Latinis Isidorum: *Mercurius lapidum conge-  
ries*

ries in carmine collum. Nec Ebræorum nugiven-  
dulos fugere pervulgatus inter populos ritus  
potuit. Scriptum enim in Glossis Thalmudicis  
est: *Sunt gentes, quæ colunt lapidum acervum,*  
*quem מְרָקוֹלִים Mercolis vocant. Cultus autem*  
*bujusmodi est: Quisquis venit, proiicit lapidem in*  
*acervum illum.* Hæc, de collibus Herinæis, ar-  
cessenda nobis ex antiquitatis moribus fuere,  
ut relicta eorum in posteris Caucorum vesti-  
gia, quæ longa nequivit hæc tenus confundere  
dies, tantò se liquidiùs unicuique patefacerent.  
Videre est enim eximiæ celsitudinis tumulos,  
Bremam inter, & præfulis arce nobilem For-  
dam, è lapidibus accumulatos, & quidem  
exodis, hoc est, in ipso propemodum milita-  
rium margine viarum. Tum & ii, quibus iter  
isthac faciendum est, ut solent sæpe tædia via-  
rum non fabulis modò dispungi commen-  
tium, sed & repetitis è domestica antiquitate  
ludicris levari, suum quisque colliculis istis  
lapidem adjiciunt, & indies è magnis faciunt  
majores. Cœptam pertexere telam audeamus.  
Qui Græcis Ερμῆς, Romanis Mercurius, eum,  
domi nato vocabulo, *VVodan* Germanis appel-  
latum ferunt: pro quo Lipsius, apud Paullum  
Diaconum, *VVonda* rescribendum putabat:  
quod si modernorum non displiceret acrimoniae  
judiciorum, prope est, ut à vulneribus & cæ-  
de,

de, tributum Deo nomen opiner: quia *wonde* pro vulnere Germanorum usurpare lingua consuevit. *Wondæ* verò, seu Mercurio nostrati, divisum cum Marte bellorū ac certaminum imperium fuisse, nec Tacitum latuit, Annal. xiiii. sic scribentem: *Sed bellum Hermunduris prosperum, Cattis exitio fuit: quia victores diversam aciem Marti ac Mercurio sacravere: quo voto equi, viri, cuncta victa occidioni dantur.* Nec Bremensis in Ecclesiastica Historia præterit Adamus. Sueones enim, qui fugatarum superstitionum reliquias in Septentrionis sui diutissimè servavere secretis, inter profligatorum numinum alia, etiam tum, Adamo florente, Wondam retinuere, *qui bella, inquit, regit, hominumque virtutem ministrat contrainimicos.* Deinde, quemadmodum pesti averruncandæ Thor, & solennitati fortunandæ nuptiarum, advocant Fricconem, ita bellorum in ambiguis Wondam eos implorare ducem memorat. Fricconis vocem Rerum Britannicarum scriptores *Frea* mollius prolatam docent, atq; id numinis Saxonibus, ad quos Angli suos referunt natales, adoratum pro cupidinum matre fuisse: unde & Angli diem cognomento ejus insignem *Fri-day*, sicuti nos *Freitag*, ne nunc quidem appellare dediscunt. Id quod ad nostræ fulcimentum protulimus sententia. Nam, sicuti *Frea* dicta

dicta est à *Freien*, quod amorum præses ipsa crederetur ac domina, sic ab operum suorum haud postremo denominatus est Wōda, quod, in sanguinem ac vulnera prorumpente, mortaliū iracundia, partem curarum cum Gradivo capesseret patre. Numen autem, cui suppares Marti sunt admetiti dignationem, pro vernalula quidem Romanam admittere nomenclationem potuit, quando bellicæ virtutis hucusque claritudinem extenderunt, de quo in superioribus affatim est anquisitum: sed & reliquæ ejus nominis oppidò sunt in Chaucide tenues, &, si quæ probare se modestioribus queant ingenii, eas multò confidentius à Germanoruim rege Marso, quam à Marte deduxerim Latino. Quemadmodum Dithmarsos, à Caucis Albi interluente secretos, & oppidum Germaniæ non unum, nomenclaturas suas à tali crediderim hausisse principio. Interim, Martem in Caucorum irreplisse religiones, non magnâ vestigabundus aliquis operâ deprehendat è Witechindo, qui lib. 1. Saxonibus habitum pro nomine Martem suisse demonstrat. Necesse est enim ad expiscandum ea, quæ nullius industria scriptoris in posteritate transfudit, à postremis ad prima regredi, & è recentioris ævi moribus æstimare præcedentium seculorum vetustatem. Neque verò de nihilo est,

est, quod immiscuit historiæ suæ Witechindus, Saxonum Deos auxisse Martem secundum errorem paternum: ut hanc, quasi traditam per manus, à majoribus acceperint superstitionē. Jesus aut Hesus, indigenæ Mars Germano vocabatur. Numquid publicam illi dicatam trivere nostri viam? Carolus in diplomate, quo Bremania limitat: *Dehinc ab Orientali parte ejusdem fluminis viam publicam, quæ dicitur Hesseweg.* Et omnino plura panderet sese quæritantibus antiquorum indicia morum, nī, ut cuncta rerum, sic ipsa quoque nomina locorum, temporibus atque mutatione domiti, perissent. In eodem Diplomate: *Huic parochiæ decem pagos subjecimus, quos etiam abjectis eorum antiquis vocabulis & divisionibus, in duas redigimus provincias, his appellantes nominibus, VVigmodiam & Lorgoe.*

## C A P. IV.

*Gentilitatis audentia, cœlitibus illustres famâ viros inserentis. Cœlum humano genere repletum. Herculem Germanus admirabatur. In ejus nomen adscitum, quidquid ubique magnificum. Herois Arminii sacrata venerationi columna. Ermensul, in Saxonibus. Humanitatis prodigia principes, qui interesse divinitati suæ voluere. Partim id amoliendo mortis horrore repertum, partim augenda majestati. Coli voluit effigie numinum Augustus. Structum Tiberio delubrum. Mario superstitioni libatum, Octavioque. Sape,*

Sape, delusis talibus, odium & invidia quæsita succedit admirationi. Septentrioni non insolens, functos fato mortales cunctasq[ue] genitrix. Magnum Carolum cœlestibus placari ceremoniis Barbarossa præcepit. Adversus feminas insignita Germani reverentia. An recte Tacito Velleda, aliaq[ue] Germanorum optimates feminae, ordinibus adscriptæ Dearum. Velleda deinde sacerdotess. Martha Marii, aut Pythia comparanda vati. Cauco, cum vicinis, estimata. Fulvii Ursini conjectatio. Velleda memoriam inter imprecandi superstite formulas. Veltuti Blod, ac Crodo. Cur sanctitatis epitheto decorentur gentibus alicubi deaſtri.

SI quos operum magnitudo supra genium populi, & sorte in extulisset temporum, iis prisca gentilitas, tanquam mortale fastigium egressis, & venerationem hominum meritis, incredibili temeritate cœlum aperiebat, exigua thuris impensa humanam evecta fidem beneficia pensatura. Antequam natura eos ab oculis amoliretur mortalium, invidiæ, summiæ virtutis ac fortunæ comiti, colluctatos, post obitum propitiari consecratione putabant. quando, quos Diis in vita simillimos acceperant, esse confiterentur Deos. Per quam facte Tullio scriptum est in primo Tusculanarum, totum prope cœlum humano genere completum esse. Qui, cù in paullò antè differuerisset, mortem non interitum esse omnia tollentem, atque delentem, sed quandam quasi migrationem commuta-

mutationemque vitæ, quæ in claris viris & feminis dux in cœlum soleret esse, in ceteris humi retineretur, ac permaneret tamen, Ex hoc, inquit, & nostrorum opinione, Romulus in cœlo cum Diis agit ævum, & apud Græcos, indéque per lapsus ad nos, & usque ad Oceanum, Hercules tantus & tam præsens habetur Deus. Herculem Germani quoque semideos inter heroas dicaverant, quem, veluti primum omnium virorum fortium, ituri in prælia canebant: sive is celebratus autorum monumentis Hercules fuerit, sive, quod credibilius est, regum aliquis magnitudine operum haud inferior Hercule, in cuius nomen, quidquid ubique magnificum & egregium esset, antiquitas adsciscerebat. Postea Cheruscorum duci Arminio, terrori populi Romani, qui non primordia ejus, sicut alii reges ducesque, sed florentissimum lacepsierat imperium, primò quidem ab admirabundis popularibus, deinceps ab accolis, & inter eos haud dubiè nostris, eadem contigit honestari veneratione. Testantur enim vetusti Francorum Annales, Carolum, captis Saxonum castellis, statuam, quæ vocabatur Ermensul, ad evellendam ex animis supplicantium insania, disturbâsse: quæ quidem statua primitus Arminio, fortitudinis atque magnanimitatis principi, posita tanquam heroi fuit, ut, ignorato scripti-

scriptilium usu elementorum, excelsæ virtutis monumentum ad posteros esset: sed majorum gratitudinem seciùs interpretante subsequentium inscitia seculorum, quod in plerisque factitatum nationibus scimus, ea, quæ clari viri dicata meritis erat, præsentem exhibere Deum credebatur. Hinc non alium ab Arminio Deum *Ermum* vel *Irmum* istum autumo fuisse, quem Saxonis inter numina recensent. Haud tamen aquilonis soboles assentationes eorum atque impietatem adæquavit, quorum principes sæpe non conseqebatur modo, verum etiam comitabatur divinitas. Prodigia humanitatis interesse divinitati suæ voluere, ne Deos se fieri metuerent, & memoriām consecrandæ post obitum immortalitatis horrerent. Præterea accensam inflammabat ambitionem, quod, opinione cœlestis magnitudinis, obruere dignatione reges, &, nullis jam exceptionibus, subiectis imperitare superbiùs liceret. Hinc mortalium postremus, qui epularis concilii decreto Deum facere Alexandrum nitebatur, inter cetera palporum, quos unà discubentibus obtrudebat, Persas non piè solùm, sed etiam prudenter, reges suos inter Deos colere, disserebat: *majestatem enim imperii, salutis esse tutelam.* Curtius lib. VII. Et ipse deinceps Alexander, gloriæ scilicet suæ

minimè refragatus, cuin affectatæ divinitatis invidiam averruncaret, illud, inquit, pæne dignum risu fuit, quod Hermolaus postulabat à me, ut aversarer Iovem, cuius oraculo agnoscor. An etiam quid Dii respondeant, in mea potestate est? Obtulit nomen filii mihi: recipere ipsis rebus, quas agimus, haud alienum fuit. Utinam Indi quoque Deum esse me credant. Lib. viii. Nec alia mens Cæsari fuit Octavio, quando coli se templis, per flamines ac sacerdotes, aut voluit, aut permisit: & quidem *effigie numinum*, ait Tacitus, id est, ut radius, hasta, fulmen, quæ Deorum adponebantur statuis, Cæsareo fuerint adposita simulacro. Successor Octavii Tiberius, quamquam se mortalem esse, & hominum officia fungi, satisque habere, si locum principem impleret, & senatum testaretur, & meminisse posteros optaret, Asix tamen civitatibus, ipsi inatrique Liviæ delubrum exstructuris, haudquam est adversatus. Misera verò mortalitas, quæ non spe præsumit immortalitatem, sed præsenti sibi divinos adscribi postulat honores: sic obsequiis emollita fortunæ, ac principalibus ad superbiam detorta copiis, ut subinde cœlestem non dici tantum se, sed etiam credi velit, quasi perinde animos frenare parentium possit, ac linguas. At, dum gloriæ consulit, ac majestati supra conditio-

nem

nem hominis elevandæ, pulcherrimis templis,  
 & mansuris destituitur imaginibus, quas in  
 animis & affectibus subditorum erigere sibi  
 principes debent. Odit enim quisque, quem  
 perhorrescit, & exire quamprimum è contu-  
 bernio mortalium optat, qui Deum honorem  
 sibi præcipit haberi, antequam agere inter  
 homines desierit. Itaque pusilli isti, qui sponte  
 ad omnem assentandi libidinem projecti, nec  
 ulla vi majore compulsi, vivos ac videntes cœ-  
 lo dicavere, rebus felicissimè gestis invidiam  
 tali adulatione contraxere, cœlestè inque di-  
 gnationem non dedere summatibus viris, sed  
 abstulere. Neque enim altius evexere magni-  
 tudinem Marii, sed eminenti fortunæ ejus æ-  
 mulationem addidere comitem, qui, ob copias  
 barbarorum contusas, cœlestium veneratione  
 adhuc in homine perseverantem sunt profe-  
 quuti. De quo sic in vita Marii Plutarchus:

*Μάλιστα δὲ οἱ πελλοὶ κλέπτη τερώμην τείτον σκεῖνον αὐγέρων,  
 ὡς εἰς τὸ πλοῖον τὸ Κελλικὸν τῶν αὐτοσιμόρον τὸ κίνδυνον. οὐ-  
 θυμός μέροις τε μὲν πάγδων καὶ γυναικῶν ἐνθεσοւσι καὶ τὸ σῖνον, αὔμα-  
 τος θεοῖς, καὶ Μαρίῳ δέ πνευμα λοιῆς απήρχονται. i. e. Atq[ue]  
 adeò illum plebs urbana tertium Romæ conditorem  
 appellavit, quod Gallico hoc non levius avertisset di-  
 scrimen, latiq[ue] cum liberis & conjugibus quisq[ue] domi  
 in cœna Diis & Mario libaverunt. Id enim sic ac-  
 cipio, quemadmodum de plebecula canit*

Horatius, Augusti beneficia divinis pensante  
ceremoniis: condere quemque suis in collibus  
diem, ac dein ad vina redire l̄etum, alterisque  
mensis Augustum adhibere Deum, & numen  
eius, defuso pateris mero, Laribus admiscere.  
Pudentius ii, qui, nullum esse eundem & diu-  
turnum & præcocem fructum rati, & inter-  
vallo spem consequendæ divinitatis indigere,  
eo deum tempore, quo invidiam secum vi-  
ventium vicissent, cœlestes magnis animabus  
decrevère religiones. Sueci, ut fugatas alibi  
diutiùs aluère superstitiones, sic heroum quo-  
que divinitatis seri admodum exstiterunt ad-  
miratores. Adatus: *Colunt & Deos ex homi-  
nibus factos, quos pro ingentibus factis immortalita-  
te donant.* Quid, quod ii, qui paganorum miser-  
rabantur scilicet amentiam, sanctiorem religio-  
neum futilibus, & è prisca gentilitate repetitis  
interpolavère superstitionibus? Nám, quem  
admodum Pontificis Maximi stolam titulum-  
que, nec non alia fatiscentis impietatis insignia,  
qui primi nomen Christianismo dederunt Im-  
peratores, augendæ reverentia retinuère: ita  
seculis abhinc non adeò multis, Fridericus,  
quem Barbarossæ cognomentum à reliquis se-  
cernit Fridericis, Carolum Magnum addi nu-  
mero divisorum, & cœlestibus placari cerimo-  
niis præcepit. Sed me veterum recentiorum-  
que

que morum reputatio longius tulit: nunc ad inceptum redeo. Non solis sapere datum maribus, sed & feminabus inesse sanctum aliquid & providum Germani putabant: nec aut consilia earum adspernabantur, aut responsa negligebant. Tacitus Histor. iv. Mumius Lupercus legatus legionis, inter dona missus Velledæ. Ea virgo nationis Bructeræ latè imperitabat: vetere apud Germanos more, quo plerasq; feminarum fatidicas, & augescente superstitione arbitrentur Deas. Iterum, de Germaniæ moribus: Vidimus sub divo Vespasiano Velledam, diu apud plerosque numinis loco habitam. Sed & olim Auriniam, & complures alias, venerati sunt, non adulazione, nec tanquam facerent Deas. Mulieres, inquit, in classem retulere cœlestium, quod esse cœlestes crederent, alieni ab inverecunda nostrorum hominum Apotheosi, qui Deos faciunt, quos mortalium haudquaquam excedere fastigium sciunt. Pace summi dixerim autorum, plusculum cordatissimæ nationum tribuit, quam vel ipsi agnoverint, vel relictus humano generi sensus admiscerit divinitatis. Ecquæ gens tam barda unquam fuit aut excors, ut plerasque feminarum non modò fatidicas, sed augescente superstitione fuerit arbitrata Deas? Utique nullam feminarum cœlitibus adscripsere, præsertim quæ famæ interessent

suæ, sed, quòd consrias cœli crederent, ac,  
Deūm munere, futurorum præfagam callere  
scientiam, idcirco, in magna temporum acer-  
bitate, oraculi vicem monitus ipsarum obti-  
nuere. *Velledæ autoritas adolevit, quia prosperas Germanis res, & excidium legionum prædixerat.*  
Histor. iv. Propterea Dio in eclogis *περὶ περι-  
σταῶν* Velledam ait in *Celtica sive Germania*  
fuisse *θεῖον γένος*, id est, *furore afflatam divino*. Non  
magis igitur Dearum numerum auxit Velleda,  
vel quæcunque alia nostratium heroinarum,  
quām aut Pythia vates, quæ, Apolline plena,  
responsa consulentibus fundebat, aut Martha  
Syria, ad cuius instinctum atque divinationem  
præcipua negotiorum Marius dirigebat. De  
Velleda Caucos quoque non humile fecisse ju-  
dicium, vix est ut ambigere cuiquam liceat:  
nam & vicinæ Chaucidi terræ sedem ac domi-  
ciliūm sacerrumæ virginī præbuere, & *late*, in-  
quit Tacitus, *imperitabat*, id est, dissitorum in-  
colas tractuum gloriæ atque existimationis  
suæ amplitudine conjungebat. Quin & deli-  
berandum Fulvius Ursinus existimabat, annon  
species barbaræ mulieris humana grandior  
quæ Drusum, iam Caucis gravem, & arma la-  
tiùs proferre destinantem, tendere prohibuit  
ulteriùs, ad Velledæ sit referenda majestatem.  
Cui tamen deliberationi temporum videtur  
inter-

intercessurus hiatus. Quippe seculum ferè Dru-  
si res dividit à Vespasiano, quo Romæ potien-  
te, excenso illustrique loco sita laus & admira-  
tio viventis Velledæ fuit. Denique memoriam  
eius inter imprecandi superstite formulas  
censeo: siquidem joculariter alicui malum op-  
taturi, die Veldten advocamus: prout genti-  
lium præstites errorum, desertoribus sui risum  
deinceps atque ludibrium debent. Non est au-  
tem tanto operc mirandum, Velledam nostro-  
rum adhuc temporum inerrare sermonibus. De  
Crodone dictum alibi nobis est, quem pessi-  
ma rerum detestaturi Saxones usurpant. Ita  
Blodi, quem lib. I. locat inter aquilonis nu-  
mina Grammaticus Saxo, sepultam, irâ fer-  
vescente, resuscitant appellationem. Sed nec  
illud quicquam de sententiæ nostræ probabili-  
tate detrahet, quod vulgus hominum, Veldtæ  
nomen usurpando, sanctimoniac quendam præ-  
mittere titulum consuevit: ac si ad eos tantum-  
modo Divos Veltæ referenda citatio foret,  
quos, eliminatis prioribus, succedere inferioris  
ævi superstitio jussit. Nam & alii plures in me-  
liorum adsciti consortia religionum, depre-  
hendunt nihilominus ethnicos hodiéque de-  
astros sanctitatis epitheto venustare. Nempe,  
cùm florescere passim Christianorum incipe-  
ret disciplina, multò quidem illa divinior eth-

nicismo, sed, vitio temporum sibi dissimilis, & ethnicorum imitamentis incrustata rituum, multorum minus erecti spiritus novos, quos accipiebant, deunculos ab antiquissimis suis operosis secernere neglexerunt: unde cognominis Sanctorum utrisque reverentiam permisere, & reos simplicitatis suæ seros unà posteros fecere.

## C A P . V.

*An fluminum affecerit sanctimonia Caucum. Aquarum admiratores, qui corporum nobiliora naturalium placavere. Semlandi fontes adeunte pollui Christiano putabant. Aquatilium cultor Septentrio dæmoniorum. Alveorum vorticibus inspectis exitus rerum fatidicae Germanorum mulieres explorabant. Hessi fontes consecrati, Saxonique. Desacro lucorum horrore. Penetrales Dii, qui in penetralibus emitigati sylvarum. Inibi suspensa, quæ præcipiè cœlitum dicata cupiebant honori. Ut imagines ferarum, signa militaria, ab hoste reportata spolia. Duci tale placuit institutum Cherusco. Domesticos à situ vindicaturo mores inscitiae & sepe rubiginem detergi, si finitimarum adhibeat in consilium instituta. Sacrae Slavorum arbores. Bremanos lucorum diu terror afflavit. In iis Velledæ dicatum nemus. Et Oosteræ Divæ. Cæpititia nemorum aræ. Tumuli nostratis in sylvis exsurgententes. Expositæ Dio Saxoniorum monimenta numinum. Templorum claustra non soli duxerunt inferiora Deum magnitudine Germani. Divinitatis imminutionem credidere, Deos in humani oris effigiare similitudinem. Placanda tamen admisere signa divinitatis. Isidis signum liburna*

*liburna Suevo. Truncis, aut columnis, Saxoniorum commissa Divūm repräsentatio. Venerem Paphiam orbis, Ephesiam Dianam truncus signabat ulmeus: ut Terminum stipes. E Tacito, Germanorum comparatio cum Iudeis.*

**A**N verò Cauci fluminibus etiam ac fontibus inesse quiddam credidere venerandi? Certè, cui paullò magis anxiè sculpturire talia libeat, suspicari ex irritatioribus eorum sermonibus queat, eos, ut de aliis, sic imprimis de fluviolo, cuius hodiéque priscum superest nomen, opinionem naturæ concepisse sanctioris. Liquet autem antiquorum ingredienti commentarios, eos ferè, qui Solem, Lunāmque, & alia non subtrahentia fere sensibus, inter numina dicavere, ne aquis quideim sacri horroris ademissæ majestatem. Magnorum fluminum capita venerabantur, subita & ex abdito vasti annis eruptio aras habebat: colebantur aquarum calentium fontes, & stagna quædam vel opacitas vel immensa sacrabat altitudo. Italiā rigavere, quæ hominum servire dsignarentur usibus, nec navigatione, nec natatu temeranda mortali. Plinius lib. IIX. de Clitumno: *Pons terminus sacri profanique: in superiori parte navigare tantum, infra etiam natare concessum.* Idein libro eodem, de lacu Vadimonis: *Nulla in hoc naris, sacer enim est. Semlandi, cùm*

cetera non alieni à Christianorum commerciis  
essent, fontium atque lucorum, adeuntibus il-  
lis, violari ceremonias putabant. Adamus, in  
libello de situ Daniæ, & reliquarum, trans  
Daniam, regionum: *V*sque hodie profectò inter  
illos, cùm omnia communia sint nostris, solus acces-  
sus prohibetur lucorum & fontium, quos autem  
Christianorum pollui accessu. Sueones, & aliæ  
Germanorum Septemtrionis afflatæ sidere na-  
tiones, dæmonia quædam placavere, εν οδω Κι-  
πριανωτε νη πολιτων ειναι λεγερησα, quæ in fontium flu-  
minumque undis esse traduntur. ut rerum Gothi-  
carum lib. II. Procopius adnotavit. Et sacræ  
Germanorum mulieres, in quarū animis quid-  
dami præsentiens atque fatidicum inerat, in-  
spectis alvei strepentis vorticibus, latentium  
rerum eventus antecapiebant. De quo, Stro-  
matum libro primo, Clemens Alexandrinus.  
Atque, uti propriis aliquantò nostros attinga-  
mus, Hessi seu Catti, in quos Caucorum tel-  
lus excurrens sinuabatur, fontanarum diu cul-  
tores exstitere lympharum. Wilibaldus: *Tum*  
*verò Hessianum jam multi Catholicæ fidei subditi,*  
*ac septiformis spiritus gratiâ confirmati, manus im-*  
*positionem acceperunt. Et alii quidem, necdum ani-*  
*mo confortati, intemeratae fidei documenta integrè*  
*recipere renuerunt: alii etiam lignis, & fontibus*  
*clanculo, alii autem aperte, sacrificabant. Denique*  
Saxo-

Saxones, Chaucii nominis invasores, opacarum arborum admiratione fontium junxere consecrationem: ut Ecclesiasticae Historiae libro primo cap. vi. Bremensis retulit Adamus. Cum autem duo isthac rari separaverint cultores, haud incommodè, ab amnicis sacris, atque fontanalibus, ad lucorum transeo religiones. Augustiora templorum structuris nemora videbantur, vetustis arboribus & solitam altitudinem egressis frequentia, & conspectum densitate ramorum aliorum alias protegentium submoventia: ipsa illa proceritas sylvæ celsioris, & secretum loci, & admiratio umbræ, in aper-to tam densæ atque continuæ, fidem alicujus numinis faciebat, quod recessus illos tam propitium ac præsens, quam cœlum, ac sidera, insideret. Itaque sacra ac ceremonias luci possidebant: illic aris adolebantur honores, & ritu solemni Deum averruncabantur iræ. Cum Annal. II. Arminius Flavium fratrem per fas patriæ, & avitam obtestaretur libertatem, ne gentis suæ desertor & proditor, quam imperator, esse mallet, penetrales Germaniæ Deos adjiciebat. Penetrales Deos haud interpretor alias, quam quos in sacrorum nemorum penetralibus, arcano terrore, & sancta quadam reveriti sunt ignorantia. Quemadmodum penetrale, pro dictato Diis interiore nemore, pariliter in

Germa-

Germania Tacitus usurpavit. In ejuscemodi  
frondibus obducto recessu, quidquid cœlitum  
præcipuè dicatum honori cupiebant, veluti  
votivum aut sacrum suspendebant. Histor. iv.  
*Depromptæ silvis lucisque ferarum imagines.* Ea-  
rum videlicet, quas peculiariter alicui sacrave-  
rant Deorum, ut mutuato ab inquilinis sylva-  
rum symbolo, amicam sylvis percolerent divi-  
nitatem, & delecti animalis insigni, ab aliarum  
secernerent se se cultoribus superstitionum: sic-  
uti de Æstiis in Germaniæ reperio Moribus:  
*Matrem Deūm venerantur. insigne superstitionis*  
*formas aprorum gestant.* Simplicius effigies in  
eadem Germania vocat: *Effigiesque, & signa*  
*quædam detracta lucis in prælium ferunt.* Signa  
pro militaribus sunt accipienda vexillis: ad  
quem sensum illa nobis antecedentia præeunt:  
*velut Deo imperante, quem adesse bellantibus cre-*  
*dunt.* Bellorū tractator populus, victoriā inq; &  
opes à Diis sperare doctus, ut vi famā q; age-  
ret majore, inter devota, militiæ quoque para-  
tūs habuit. Haud paullò tamen moderatior,  
quām qui barbariem scilicet eis objecere, Ro-  
mani, qui aquilas suas, & affixos aquilis im-  
peratorum vultus, æquatā diis honestavere re-  
verentiā. Non verò gentilia tantūm præcel-  
lentibus arboribus signa suffixere, sed & ho-  
stibus erepta: quæ quidem, præliorum immi-  
nente

nente discrimine, detracta lucis, cum copiis suis intulisse campo videntur, ut quocunque oculos acies intenderet adversa, captivitas, cladésque & dira obversarentur omina. De iis, quæ concisis reportaverat legionibus, ita Cheruscorum ductor Arminius: *Cerni adhuc Germanorum in lucis signa Romana, quæ Diis patriis suspen- derit.* Annal. I. Erant autem ad Orientem confines Chaucidi Cherisci, atque adeò ex eorum moribus metiri facile nostrorum confitudinem queas. Ad quorum odorandas ceremonias, sequiore continuatas seculo, identidem finitimorum levi nos circuitu deducunt annales. Slaviam minorem oppidò exiguum à nostris dirimebat intervallum. De qua sic au- tor incertus Chronicus Slavicus, cap. xxiv. Offi- cio peracto valde liberaliter Prebestaus regulus nos collegit, altera nocte quidam potens dictus Thesse- mar, ubi in nemore vidimus arbores sacras, Deo Al- denburgensem Prone consecratas, quas tamen in- cendimus, non sine magno metu gentilium Slavi- corum. Iterum cap. xxv. *Vetuit comes, ne Slavi de cetero jurarent in arboribus.* Quanquam hīc ad vicinorum nihil opus erat decurrere con- spirationem: siquidem de Caucorum posteri- tate testis omni exceptione major est Adamus. Lib. II. cap. xxxiii. de Unwano Archiepi- scopo: *Ille omnes ritus paganicos, quorum adhuc super-*

supersticio viguit in hac regione, præcepit funditus  
amoveri, ita ut ex lucis, quos nostri paludicola stul-  
tâ frequentabant reverentiâ, facerent ecclesias duo-  
decim renovari. Qui Lipsii stare judicio volent,  
germanam Velledæ scripturam *VVelda* fuisse  
censentis, haud longè forsitan à vicinia verita-  
tis aberrabunt, si lucum *VVildloch* ejus adscri-  
ptum crediderint honori. *VVildloch* enim nihil  
denotaverit aliud, quam tacentis alicujus loci  
solitudinem, Weldæ, aut mollius effando, Wil-  
dæ cognomine celebratam. Sic autem legitur  
in Diplomate Caroli Magni, quo Bremensem  
auspicatur Episcopen: *Deinde ipsum flumen, &*  
*Amrivum lucum sylvestrem, quem incola loci VVild-*  
*loch nominant.* Veri fortè similiorem speciem  
habeat, in Chaucide Majore nemorosum pa-  
gum *Oosterholt*, à Saxonum Dea *Ooster*, quam  
cap. 111. memoravimus, & illi dicata saltuosa  
sacratarum arborum frequentia, denomina-  
tam. Ceterum, in illo silentio lucorum, aras è  
cæspitibus æstmatrix sylvestrium religionum  
gentilitas erigebat: super iis potissimum alta-  
ribus perlitura, quæ & commune cum opa-  
citate templorum suorum originem præfer-  
rent, & ob cultus simplicitatem faventioribus  
uteretur superis. Tales aræ *Graminea* Maroni  
vocantur *Æneid.* xii. *Silius Italicus lib. vii.*

— *Hinc (venerabile risu)*

*Cæspite*

*Cæspite de viridi surgunt properantiūs aræ.*

Lib. XVI.

*Et simul exstructis cæspes surrexerat aris.*

Apulejus: *cæspes libamine humigatus.* Nec aliæ fuerunt, ex eruditorum sententia virorum, *lucis propinquis barbaræ aræ, apud quas (Arminiani) tribunos, ac primorum ordinum centuriones mactaverant:* de quibus in pulcherrima Varianæ clades repræsentatione Tacitus Annal. I. Ad eundem altarium honorem referendi mihi tumuli videntur, qui passim, sub nostrarum umbraculis sylvarum, in modicam eriguntur altitudinem, ea subinde specie surgentes, ut facile se mortali probent operâ congestos. Luce in igitur libertatis etiam illæ tenebricosæ majorum nostrorum religiones amavere, nec parietibus aut tectis includendos existimavere Deos: unde, qui Saxonum deinceps elidere sunt aggressi ceremonias, posita sub dio superiorum reperere monumenta. Quod & aliorum nonnunquam populorum animos intravit, qui cœlitum suorum aliquibus *σύμβολοι*, seu parentia tectis ædificavere templa: quale Termino, nec non Dio fidio Roma, & inter Vejoves alicui struxerat Attica. Persæ verò, quorum & mores feruntur, & lingua, mirifice cum indole conspirare Germanorum, non modò ipsi structa manibus delubra Deum inferiora magnitudine putant,

*annæ*

αὐτὰς καὶ (Herodoti sunt in Clio verba) τοῖς ποιεῖσθαι  
μωροῖς επιφέρεται. Id est, sed & illos, qui hæc fa-  
ciunt, accusant insaniam. Atque eam ob causam,  
in notissima illa, lippósque ac tonsores haud  
fugiente Xerxis expeditione, Græcorum tem-  
pla ruinis credantur & ignibus delèsse: quòd  
ægris intuerentur oculis, ambitu murorum im-  
mensæ præsentiam coërceri majestatis. Quam-  
quam ejusce fluxui narrationis objici scopulus  
queat: siquidem dux Persicæ militiæ Datis,  
cùm inter reliquorum magnificientiam tem-  
plorum, & deformes reliquias, intercedere mo-  
mentum voluisse, curatè nihilominus Apollini  
nus ædem ab excidio defendit: non alia deli-  
nitus hercle persuasione, quam quòd illatam  
Apollini Græco vastitatem ad patrii Mithræ  
(nam uterque haud aliis à Sole erat) pertinere  
vereretur imminutionem. Utut inflammatorū  
sit ambigua ratio delubrorum, in hoc tamen  
Persarum sensus atque Teutonum coit, quòd  
uterque populus insulsum atque impium cre-  
dedit, immortalia in speciem assimilare mor-  
talium: rati mentium puritate melius divina,  
quam vultuum nostrorum exprimi lineamen-  
tis. Itaque nulla superos imitantia tulere simu-  
lacra: sed aut solis eos concepere mentibus,  
aut hæsitationes castigaturi plebejas, noscen-  
da qualibuscunque figuris signa proposuere.

Quem-

Quemadmodum Suevorum pars Isidem, aut supparem Isidi propitiatura Divam, signum in modum liburnæ figuratum respiciebat. Ac, qui Caucorum postmodum ac confinium debellaverè superstitiones, truncis ut plurimum, aut columnis, commissam numinum videre repræsentationem. Adamus Bremensis lib. I. cap. vi. Truncum quoque ligni, non parvæ magnitudinis, in altum erectum sub divo colebant, patria eum lingua Irmensul appellantes. Witechindus Chronicus Saxonici lib. I. Sacra sua propria venerazione venerati, nimis Martem, effigie columnarum. Neque hæc numinum sublimitas, haudquam in similitudinem detorquenda mortaliū totam se gentium ceteris subtraxit. Nam & Paphiæ simulacrum Veneris non faciem mentiebatur humanam: sed continuo orbe, latiore initio, tenuem in ambitum metæ modo exsurgebat: cuius rei positam in obscuro ratione Tacitus fatetur Hist. II. & Ephesinæ signum Dianæ truncus erat acutus ulmeus, unde Ephesus antiquitus Πτελέα vocabatur, cives Πτελεῖοι, Πτελεῖς), auctore in Urbibus Stephano. Quemadmodum de Deo Termino non absimilia cecinit Albius Tibullus lib. I. Elegia I.

*Nam veneror, seu stipes habet desertus in agris,  
Seu yetus in triyio florida sertalapis.*

K

Unde

Unde Prudentius :

*De ascia to supplicare stipiti,  
Verris crux scripta saxa spargere.*

Nostros verò, cùm popularibus suis, Caucos, si narrante committere secum libeat ethni-  
cum scriptorem, à purissimo sole Iudæorum, cœlo quondam unicè dilectorum, haud ad-  
spernandum lumen afflavit. Quippe profanos  
utriusque, & reos imminutæ supremæ majestatis  
arbitrabantur, qui Deo, quem mens non cape-  
ret adorantum, respondentia faciebus adoran-  
tum affingere lineamenta consuēssent. Sed  
quid ego meis ineptiis verborum ejus detero  
gravitatem? De Iudæis, Histor. v. Iudæi mente  
sola, unūmque numen intelligunt. Profanos, . qui  
Deūm imagines mortalibus materiis in species ho-  
minum effingant. Summum illud & æternum, ne-  
que mutabile, neque interitum. Igitur nulla si-  
mulacra urbibus suis, nedum templis sunt. Non re-  
gibus hæc adulatio, non Cæsaribus honor. De Ger-  
manis, in dicato moribus eorum libello: Nec  
cohibere parietibus Deos, neque in ullam humani oris  
speciem assimilare, ex magnitudine cœlestium arbi-  
trantur: lucos ac nemora consecrant, Deorumque  
nominibus appellant secretum illud, quod solâ reve-  
rentiâ vident.

C A P.

## C A P. VI.

De Romanorum expeditionibus, in Caucos susceptis.  
Magnitudo rerum Romanarum amplificata nimis atque producta. Quod, præ ceteris, in Germania tentata verum. Cujus edomanda præcipua flagravere cupidine. Vnde falsi de subacta triumphi. Et affectatum Germanici cognomentum. Speciatim in appetito vicino nostro deprehensum Cherusco. Tempora Chaucis agitata dispescuntur in ea, quæ florentem videre Romam, quæq; deficiente. Priora rursus in ea, quæ Quintilii fatum aut antegressa sunt, aut subsecuta. Livia Drusus in Caucos ab Augusto missus. Inter fossa, quæ Drusina, ducenda caussas, Friso Caucisque subigendi. Burchana, seu Borcum, insula subjugata Druso. Qui primus in Caucum, finitimosque movit. A promovendis destinationibus oblata, ultra modum humanum, specie muliebri, deterritus. In Transrheananis mortalitate functus. Oblatum Plinio somnium, de rebus ejus æternitati mandandis. Fratris Tiberii felicitas, in Chaucide prosperè bellantis, amplificatore stylo descripta Vellejo. Cujus erga potentiores adulatio scriptioris elegantiam deturpat: in Germanianis extans imprimis elucensque victoriis. Inter viatos insigne discrimen, ac domitos. Hallucinatio Velleji, pellustratum armis, quod ab Albi Rhenum dividit, interstitium describentis. Ante Variani exercitus internectionem male coharenſ, in Germania, dominatio Romani.

**N**E præcipui quidem gravitate scriptores adeò in potestate stylum habuère suum, uti non in admiratione Romanæ magnitudinis  
K 2                      defixus,

defixus, supra veri extolleret omnia fideim. De maris imminenso dominatu Dionysius Halicarnasseus Originum lib. I. Κρατεῖ ταλάσης, & μέγε τὸν τὸν Ἡρακλεῖον σηλᾶν, αὐλὰ τὸ Ωκεανόπεδον, ὃν τολεῖται μὴ ἀδύνατος εἰναι. Id est, *Vniversi maris domina est (Roma) non solum illius quod intra Herculis columnas habetur, verum & ipsius Oceani, qui cunque est navigabilis.* Nec parcior est in extendendo terrestri imperio Polybius, identidem professus in Historiarum libris, se scribente, id est, nondum ad ultimum evecta fastigium re Romana, omnes orbis terrarum cognitas partes in imperio fuisse Romano subjectas. Aequat Achæi grandiloquentiam indigena Crispus, quo loco demiratur, Catilinam cum complicibus sequere rémque publicam, obstinatis animis, perditum ivisse, *cum populo Romano ad occasum ab ortu solis omnia domita armis parerent.* At ea tempestate, præter eos, qui versus Austrum deflecerent aut Aquilonem, ipsi, cum Indis aliisque, subditus Orienti Parthus neque vim Romulidæ neque clementiam senserat. Auxêre, qui Annal. IIII. Tiberii Druso, futuro rectori generis humani, quo minus Urbis Deos adiret, nullum aliud, nisi adrogantiam, objectum impedimentum indoluere. Sed & Cæcilium Minutii Felicis audi: *Sic eorum potestas & auctoritas totius orbis ambitus occupavit:*

sic

*sic imperium suum ultra solis vias, & ipsius Oceani  
limites propagavit. Talibus infinitum scatent au-  
torum monumenta pompis, haud minus in  
peculiarium mentione regionum locupletia.  
Fama virtutis ac moderationis Augustus Indos  
etiam, cognitarum gentium abjunctissimos,  
pellexerat ad amicitiam suam populique Ro-  
mani ultrò per legatos ambiendam. Hinc,  
domitos Indos, mirifica conclusione, nescio  
quis Messalla deducit: *legatos, inquit, misere-  
re, ad obsequia se paratos profitentes, ut nonni-  
hil te imperante haud supereffet indomitum.* Cu-  
jus postea supergressus est adulationem assen-  
tator numius, qui Trajano provinciam ad-  
scribit Indianam, cuius nec ipse finibus incu-  
buerat, nec antecedentium ullus Imperato-  
rum. Ceteris indelibatis, haud facile repe-  
rias alibi segetem amplificationum liberalio-  
rem, & ambitionis exempla majora, quām  
in tentatæ quondam historia Germaniæ. Pœ-  
ne nullum bello populum tentavit, cuius de-  
bellati decus ardentius concupiverit Roma-  
nus. Seneca de Ira lib. I. cap. XI. *Agedum illis  
corporibus (Germana dicit) illis animis delicias, lu-  
xum, opes ignorantibus, dorationem, da discipli-  
nam: ut nihil amplius dicam, necesse erit nobis certè  
mores Romanos repetere, id est, antiquos illos,  
verèque Romanos, ac hostium pares animosæ**

K 3 duri-

duritie. Eò igitur certiorem spe præsumebat æternitatem, quo bellicosior eam hostis atque durior præberet. Animi altitudo singularis, ac libertas acerrima vincendi, quiescere victuri non sinebat ambitionem aut frenari. Quamobrem, quò pervenire solidæ laudis itinere desperabat, eò sæpe per umbras & inania, visuris irridenda lecturisque, adscendere conabatur. Cù in Germanicæ expeditionis impetum Caligula cepisset, ac post plurimos ludicri belli mimos, ad ultimum conchas, spolia scilicet Oceani, Capitolio Palatioque debita legisset, interim absentem Senatum populumque gravissimo objurgavit edicto, quòd Cæsare prelianente, & tantis discriminibus objecto, tempestiva convivia, circum, & theatra, & amœnos celebrare non erubescerent secessus. Dein ad splendida triumphi conversus, Galliarum, inquit Tranquillus, procerissimum quemque, & ut ipse dicebat, αξιοθεάμενον, ac nonnullos ex principibus legit ac se posuit ad pompam: coègitque non tantum rutilare, & submittere comam, sed & sermonem Germanicum addiscere, & nomina barbarica ferre. Quem, ut Vara Vibiam, imitatus est postmodo Domitianus, cui, Tacito revelante, inerat conscientia, derisi fuisse nuper falsum è Germania triumphum, emitis per commercia, quorum habitus & crines in captivorum speciem formarentur. Germani-

manicas victorias honestati novo nomine men-  
ses fatebantur : ea C A P T A , cum tropæo ,  
nummis inscribebatur Imperatorum . Qui non  
alio magis censeri cupiebant æstimarique co-  
gnomento , quæm G E R M A N I C I . Quæ in  
feditionem effervescebant apud Germaniam ,  
jactabundas adspice legiones : *sua in manu sitam*  
*rem Romanam , suis victoriis augeri Remp. in suum*  
*cognomentum adscisci Imperatores.* Annal. I. Do-  
nec in ipsa sensim Chaucide deponamur , stri-  
ctim libet homoriam attingere Cheruscidem :  
quæ tantus dominæ Romæ terror exstitit , ut  
hujus ipse terror Octavius , cæso Quintilio , au-  
gustum parieti frontem desperabundus illide-  
ret . Ultionem aut peragentem Cæsarem Ger-  
manicum , aut peracturum , quot exquisitæ pa-  
trum adulaciones , quot meritis sublimiores  
identidem dehonesta runt honores ? Chattos  
confines populatus , dedentem se cum filia co-  
miter exceperat Segesten : ilicet auctore Ti-  
berio nomen Imperatoris accepit : unde cavil-  
lator Arminius Annal. I. *magnum imperatorem ,*  
*fortem exercitum , quorum tot manus unam mulier-*  
*culam avexerint.* C. Cælio. L. Pomponio Coss.  
de Cheruscis triumphum , magnificentiâ fer-  
culturum perillustrem , idem Germanicus ad  
VII. Kal. Iunias egit : at gloriā ejus diver-  
sissimus interpretabatur Arminius , qui eodem

anno directa contra Maroboduum acie, cùm  
Syriam Germanicus adiisset, equo conlustrans  
cuncta, ut quosque advectus erat, reciperatam liber-  
tatem, trucidatas legiones, spolia adhuc in manibus  
multorum ostentabat. Immo verò meminissent  
modò tot præliorum, quorum eventu, & ad postre-  
num ejēctis Romanis satis probatum, penes utros  
summa belli fuerit. Conscios recentis admodum  
fortunæ dux Cheruscus animabat, & eo quidē  
inomento, quo nihil æquè robori fiduciam  
addit adimitve militari, quām successuum re-  
cordatio præteritorum. Fidem illi luculen-  
tam scriptor adstruxit Annalium, qui librum  
secundum tali florentissimi signat elogio bella-  
toris: *Liberator haud dubiè Germaniæ, præliis am-  
biguus, bello non victus.* Et omnino post Vari ca-  
suī, ad rei summam haud magnopere profe-  
cisse Romanos, Batavi quoque Civilis oratio  
comprobat Hist. iv. *Nuper certè cæso Quinctilio  
Varo pulsam è Germania servitutem.* Magis igitur  
triumphati, quām victi, fuere Germani: sub-  
acti interdum, ut parerent, nunquam ut servi-  
rent. De Chaucide verò paullò dissertaturi cu-  
ratiūs, exercitæ bello tēpora dirimimus in ea,  
quæ vel in eminenti positam fastigio rem Ro-  
manam, vel inclinante deinceps & elangue-  
scente adspexere. Priora Quinctilii fatum  
aut antegressa sunt, aut subsecuta. Præcepit  
expe-

expeditione prospера Drusus, è Livia Drusilla  
privignus Augusti, ac Tiberiorum filius frater-  
que Neronum. Epitome Liviana lib. viii.  
*Thraces domiti à Scipione: item Cherusci, Tendri, Cauci, alięq; Germanorum trans Rhenum gentes subactæ à Druso referuntur.* Is inter caussas miscendi Nabaliæ seu Isalæ Rheni, atque adeò fossæ moliendæ, quæ Drusinæ diu nomine repertorem fassa suum est, spem reportandæ de Frisio Caucóque victoriæ, vel principem habuit. Namque militem suum haud perinde vulneribus, quām spatiis itinerum, & armorum adfici damnis intelligebat, fessos ministrandis equis socios, longum impedimentorum agmen, opportunum ad insidias, defensantibus iniquum. *At si mare intretur* (sic de filio Germanico, præliorum tractante vias, & paterni sequente consilia ducatus, Annal. ii.) *promptam ipsis possessionem, & hostibus ignotam: simul bellum maturius incipi, legionésque & commeatus pariter vehi: integrum equitem, equosque per ora & alveos fluminum media in Germania fore.* Arminius eodem Annali: *classem quippe & avia Oceani quæsita, ne quis venientibus occurreret, ne pulsos premeret.* Proin ducta fossa Nabaliam emensus, qui jam tertium bicorni patri alveum pandebat, emensusque Nabaliæ receptatorem Flevum, in Oceani littora, metuendus hostis, erupit.

Unde Suetonius in Claudio: *Drusus in quaestu-  
re præturaque honore, dux Rhætici, deinde Germa-  
nici belli, Oceanum Septentrionalem primus Roma-  
norum ducum navigavit.* Dextimo debellato  
Frisio, protenus in Caucum debellatrices pro-  
movere copias annixus, infido periclitaturam  
classem lacui paludive commisit. Dio lib. LIV.  
 Εἰς τὴν Ωκεανὸν Δρῦς Φλίνης καταπλόσας, ταχές τε Φρει-  
σίς ὀκειώσας, οὐκ εἰς τὴν Χαυκίδαν Δρῦς τὸ λίμνης ἐμβαλὼν,  
εἰποδιάσας, τὸ πλοῖον ἐπὶ τὸν Ωκεανὸν παλιρροίας ἐπὶ<sup>τὸν</sup>  
ξηρὸν γλυκύμενον. ή τότε μὲν τὰ τὸ Φρεισίων πεζῇ σωεσταθ-  
εῖται αὐτῷ σωθεῖς. I. e. Inde Rheno in Oceanum de-  
vectus, Frisos subegit: ac per paludem in Chaucorum  
fines profectus, in periculo fuit, navibus propter de-  
fluxum maris in siccō destitutis: Frisorum tamen  
operā, qui pedestri se ei militia junxerant, supe-  
rato discrimine. Subjugataim illi Burchanam in-  
sulam, os arctantem Amisiæ, quam hodiéque  
Borcum accola vocat, autore credimus Strabo-  
ne. Libro V I I. Εγχρωσατο δὲ Δρῦς τῷ μόνῳ τῷ  
ἐθνῶν τὰ πλεῖστα, αὐλαὶ καὶ τὰς εἰς τὰς αὐλές πλάνων τῆσσας αὖ  
εἰσὶ οὐκ ηὔρεχανις· λιμναὶ δὲ πολιορκίας εἴλεν. Id est, Dru-  
sus non modò gentes plurimas subegit, sed τινας  
insulas in legendo littore obvias: in quibus est  
Burchanis, vi ab eo expugnata. Plinius libro IV.  
cap. X I I I. Inde insulae Romanis armis cognitæ.  
Earum nobilissimæ, Burchana, Fabaria à nostris  
dicta, à frugis similitudine sponte provenientis. Item  
Glessaria, prætereaque Actaria. Ducum verò  
præce-

præcedentium comparationem novitate in-  
luminum vicit: quippe, qui horridarum gen-  
tium pacem laceſſere primus occœpit. Seneca  
in Consolatione ad Marciam: *Intraverat peni-*  
*tus Germaniam, & ibi signa Romana fixit, ubi vix*  
*ullos esse Romanos notum erat.* In Consolatione  
ad Polybium, quasi Claudio loquente: *Cæsar*  
*patruus meus, Drusum Germanicum patrem meum,*  
*minorem natu quam ipse erat, fratrem, intima*  
*Germania & recludentem, & gentes ferociſſimas Ro-*  
*mano ſubjicientem imperio, in complexu & oſculis*  
*suis amifit.* Sed & obtinendis, quæ recluserat  
primus ac percurrerat, in flumen ripis, tan-  
quam in reperti nuper imperii munimentis,  
præſidia diſpoſuit atque custodias. Florus lib.  
IV. cap. XII. *In tutelam provinciarum, præſidia*  
*atque custodias ubique diſpoſuit, per Moſam*  
*flumen, per Albim, per Viſurgim.* Si fides Eutro-  
pio, Germanos Albim tranſcendere victor  
adegit. Histor. Rom. lib. VII. de Auguſto:  
*Germanorum ingentes copias cecidit: ipſos quoque*  
*trans Albim fluvium ſubmovit, qui in barbarico*  
*longè ultra Rhenum eſt.* Hoc tamen per Drusum  
privignum ſuum adminiſtravit. Albim verò,  
limitatorem felicitatis, increpitum trajici-  
endo muliebris figura, grandior humanâ pul-  
chriōrque, deterruit, ac cogitationum ſuffla-  
minare magnitudinem coēgit. Utinam verò,  
quæ,

quæ, nocturno visu quiescentem Plinium pungens, eximi profundæ temporum oblivioni petiit, ab injuriis essent oblivionis asserta! Plinii nepos Plinius, Epistolarum lib. III. ad Macrum: *Bellorum Germaniæ viginti* (composuit libros) *quibus omnia, quæ cum Germanis gesimus, bella collegit.* Inchoavit, quum in Germania militaret, somnio monitus. Adstitit enim ei quiescenti Drusi Neronis effigies, qui Germaniæ latissimè victor ibi periit: commendabat memoriam suam, orabatque ut se ab *injuria oblivionis assereret.* Salam inter & Rhenum Germano gravis, in ipso æstu prosperè decurrentium rerum, bellacem exhalavit animam, ostensa potius Chaucide successuro fratri, quām tradita. Nam recentium ingenia dominorum haud patiendo, præsentemque sollicitando statum, & hinc hostilia resumendo, cervices crudæ subducere servituti laboravit. Unde, post Drusum, *receptas Cauchorum nationes observavimus.* De fratre, vii secum victoriāmque ferente, ac proin haud minùs prosperè rei gerente Romanam, multotiens ampullantem, ac plenis orationis invehentem velis, audire lubet equitum præfectum Vellejum. Lib. II. cap. CIV. *Hoc tempus me, functum ante tribunatu castrorum, Tiberii Cæsar is militem fecit.* quippe protenus ab adoptione missus cum eo præfetus equitum in Germaniam,

maniam, successor officii patris mei, cœlestissimo-  
rum ejus operum per annos continuos novem præfe-  
ctus, aut legatus, spectator, & pro captu mediocri-  
tatis meæ, adjutor fui. At cap. C VI. prostratos  
sic describit exhibetque Chaucos, ut, quos pu-  
dor & gloria, principes erga patriam affectus,  
intravere, non possint non ambitiosulæ scri-  
ptioni subirasci: *Omnis eorum juventus, infinita*  
*numero, immensa corporibus, situ locorum tutissi-*  
*ma, traditis armis, una cum ducibus suis, septa*  
*fulgenti armatique militum nostrorum agmine, ante*  
*Imperatoris procubuit tribunal.* Huc cecidisse glo-  
riam, ut sine prælio memorabili, sine vulnere,  
vincas manus & capta traderent arma, nec  
ferrum, & vires opponendo, ac proutum li-  
bertati aut ad mortem animum, decora sal-  
tem hostilia mererentur ostentatione? Enim-  
vero Vellejum sic falsum fieri subigit adulatio,  
ut pleraque magis ex libidine, quam ex vero,  
celebret obscurètque: imò subinde ne inter-  
ficere quidein veritatem horreat, ut cum Ter-  
tulliano dicam. Iam ante cap. XC VII. de  
miraculo suo portentoque Tiberio. Peragra-  
tusque victor omnes partes Germanie, sine ullo de-  
trimento commissi exercitus, quod præcipue huic du-  
ci semper curæ fuit, sic perdomuit eam, ut in for-  
mam pœne stipendiariæ redigeret provinciæ. Quan-  
quam tam prodigus in scribendo modestiæ,  
quam

quām qui maximē, verecundē tamen hoc loco addidit pēne: non cessurus alioqui Panegyristæ Mamertini tumorī, qui Iuliano gratulatur *una acie Germaniam universam deletam*. A quo parum hercules abludunt illa cap. c v i. una æstate perlustrata *armis tota Germania est*. c. cvii. Nihil erat jam in Germania, quod vinci posset, præter gentem Marcomannorum. Deniq; res Germanorum ingressus, nihil ferè præter *domitos* loquitur ac *perdomitos*. At quantò callidiūs à victis *domitos* secernere nōrat ac distinguere Florus? lib. iv. c. xii: *Germani victi magis, quām domiti erant*. Et apud Curtium Alexander l. vi. c. iii. Quid? creditis, tot gentes alterius imperio ac nomini assuetas, non sacris, non moribus, non commercio lingue nobiscum coharentes, eodem prælio *domitas esse*, quo *victa sunt*? In eodem verò capite, quo nostrorum attollitur efferturque tam turpi ditione, jactantia militari erratum, ut lenissimē dicam, centum & sexaginta miliarium præfectus equitum admisit: *Ad quadringentesimum milliarium, à Rheno usque ad flumen Albim, qui Senonum Her mundorumque fines præterfluit, Romanus cum signis perductus exercitus*. Ne præter æquum & bonum, studere Chaucorum videar existimatio ni, commentator illi loco Philippus Cluverius addatur. Is Germaniæ Antiquæ lib. iii. cap. xviii. *Vt in pleisque Tiberii, ducis sui, rebus gestis,*  
sic

sic hic etiam nimis elatus atque ~~υπερβολικός~~ prae-  
est Paterculus. à Rheno quippe ad ipsum usque Al-  
bis fontem, qui in remotissimis est Bojohæmi parti-  
bus, CCC. haud amplius sunt milla passuum: quò  
tamen hac expeditione Tiberius non pervenit. postea  
enim in Marcomannos, Bojohæmum incolentes, ab  
Augusto missum ipse testatur paullò pòst Paterculus.  
Igitur jam infra Bojohæmum, quà Hermunduros ab  
Semnonibus dirimit Albis, atque inferiùs, maximum  
inter eum ac Rhenum intervallum est millium pas-  
suum haud amplius CCCXL. ubi CLX. mill.  
plus justo addidisse Paterculum, manifestum est.  
Esto nihilominus, pacatos potiùs à Tiberio  
fuisse Caucos, quàm funditus eversos. A felici-  
tate imagis, quàm à virtute, deserti, fortu-  
nam belli, cladibus accolæ suisque comper-  
tam, opportuno erga potentiorem merito mu-  
tavere: neque contumaciam cum pernicie,  
quàm obsequium cum securitate, maluere:  
Namque nullatenus inficias iverim, coërcitos  
eos æternæ Urbis gloriam atque magnitudi-  
nem auxisse, tantùm Vellejanarum amplifica-  
tionum turpitudinem amolior & acerbitatem,  
scriptorum consensu destitutam ac fide melio-  
rum. Innuit autem Dio quoque Cassius, ante  
Vari calamitatem, non licuisse Romano stabi-  
lem in Germania cohærentemque fundare do-  
minatum, sparsa plurifariam per obluctantes  
populos

populos ac interrupta ditione. Sic enim libro  
v i. Variana repræsentaturus infit: *Loca quæ-  
dam Germaniæ Romani tenebant, non simul, sed  
ut forte subacta fuerant, hinc inde.*

## C A P. VII.

*Ad ea tempora transitur, quæ Vari casum excepere.  
Dubium, an, inter puniendos, Caucum populabundus  
adierit Tiberius. Quippe dubium, an Cauci rebellan-  
tem foverint, ope lata, Cheruscum. Fortè justitia ma-  
jorem, quam libertatis, habendam censuere rationem.  
Herois Arminii generosa facinora violata labe fidei  
depreciari. Legionum vexillarii præsidium in Caucis  
agitantes. In commilitii decus adscitus à Germanico  
Caucus. Veris se metiri spatiis operum bellicorum  
gloria nescit. Inter pompæ fercula Visurgis, sed non  
quæ noster. Cur exosus Tiberi Visurgis. Natio Chau-  
cidis, Ampsanus triumphabundi pompam auxisse Ger-  
manici videtur. In arma tractus à Bructero vicino.  
Prælium cum Bructeris, in Dollartio lacu, commissum.  
Ludibria moventis in Germanum Caligula. Chaucii  
cognomentum Gabinio Claudius indulxit. Corbulo  
Cauco gravis. Insidiis mandato consilio, Caucorum  
sustulit è medio Gannascum. Ad ditionem Majores  
invitavit. Claudii litteris ab experiunda prohibitus  
fortuna. Qui triumphalia, quamvis bello negato, de-  
stitutionibus ejus ornamenta concessit. Abscessu Ro-  
manorum ferocior Caucus, confines exturbavit è sedi-  
bus suis Ansibarios. Insecuti Claudium principes do-  
minandi suus, quam externa lacefendi, cupientiores.  
Inter Batavi Civilis auxilia Cauci. Inhiabat è Ger-  
mania deportandæ laureæ Domitianus. Ejus in Cattos  
expeditio. Trajano principe, quietares Caucia. Sub  
Antonino*

*Antonino Philosopho consulatum Didio Iuliano peperit. averruncatus ab infestata Belgica Caucus. Pars Cauci barbarorum, qui totiens indignante Rhenum transfluerent Romano. Coerciti à Maximiano. Devenitur ad fatiscentis, & sensim exspiratura tempora Romæ. Quæ ducem nocta decrementi Magnum Constantinum. Imperante Iuliano, missus à Saxonibus in Romana Caucus. A Stilicone pacatus. Pater Theodosii Saxonicus appellandus.*

**N**unc ad ea gradum proferre tempora connamur, quæ ulciscendo per Varum accepto dedecori Romanus impendit. Et exercuit quidem Arminium illicet à vitrico missus in Germaniam Tiberius, penetravit interiùs, aperuit limites, vastavit agros, uscit domos, obvios fudit, & incolumes ipse reduxit in hiberna numeros. Sed, cùm affirmare non sustincam, Caucum sociales addidisse copias Cherusco, illud quoque scire vedor, an victi senserit iras & arma resurgentia Romani. Forsan in eo fluctuantium æstu conterminorum, qui bellum integrum pace potius haberent incruenta, Cauci, justitiæ fainigerati reverentiâ, libertatis imminutæ dehonestamentum fidei pactorumque posthabuere sanctitati. Nam licet Arminii cœpta non popularium modò, sed hostium quoque stupescientem promerita sint admirationem, tamen, ut pleraque mortaliū operū magnifica nonnullam trahunt

L

ex

ex iniquo labem, animosiora fuisse, quam justiora videntur. Strabo, libro septimo, quo loco Germanis perfidam parendi designationem exprobrat: Πρὸς γένες, inquit, οὐ μὲν αἰτία μέγας ὁ φελός οἱ τοις διήγεντες τὰ μέγιστα κατέβλασθαι, οὐδέ τοις οἱ Χηράσκοι, Εἰς τέταρτην ταῦταν πάρεστις οἵ τε τεῖα τοῖς μηχαναῖς των μεταξύ τοῦ σεργίους Οὐάρος Κείνηλις ἀπόδρασον διέγενεται απόλετον τὸν σεργίουν. Id est, *Adversus quos plurimum utilitatis est in incredulitate: quibus fides habita est, ii maxima damna intulerunt: ut Cheruscis & eorum obsequia professi, apud quos tres Romanae legiones cum duce Quintilio Varo contra datam fidem insidiis circumventae perierunt. Iterum: Arminius & πλευραρχίουσιν τὸν τοῖς Χηράσκοις τὸν τοῦ σεργίου Οὐάρος Κείνηλιον ἀπόδρασον διέγενεται. Id est, Arminii qui belli dux fuerat Cheruscis, cum violatis pactis Varum Quintilium invaderent. Tum de poena: Εἴπουν δικαστῶν αἴπαντες, οὐ περίχον τῷ νεωτέρῳ Γερμανοῖς λαμπρότερον θριάμβον, τὸν δὲ θεραπεύοντι επιφανεσταν αὐδοῦν σώματα οὐκ γνωσκόν. Poenas tamen universi dederunt, ac Germanico juniori pulcherrimam triumphi materiam, in quo is illustriſſimos viros ac feminas duxit. Sanè λαμπρότερον θριάμβον insultaverit in speciem Cherusco: at, si Geographum audimus, insultavit infido, & sacramenti non movendam exuenti violentique religionem. A quo mei tunctemporis abhorruere Cauci: quamquam profecto non semper tam rigidi fuerint & qui juris exactores, ut non & ipsi profligave-*

fligaverint invisos subinde rectores, quemadmodum in cursu patescit institutæ dissertationis. In quo pergimus. Annal. I. memorantur in *Chaucis præsidium agitantes vexillarii tumultuantium ab Augusti excessu legionum: qui, admonitu consilii Drusini, riparum præerant incumbebantque tutelæ.* Annalium II. fossam, cui Drusinæ nomen, ingressum lego Germanicum, precatumque Drusum patrem, ut se eadem ausum, libens placatusque exemplo ac memoria consiliorum atque operum juvaret. Sed hac quidem expeditione nequaquam fuisse Chaucida perterrefactam, & anteeuntia manifestant & insequentia. Anteeunt ista: *Chauci, cùm auxilia pollicerentur, in commilitium adsciti sunt.* Insequuntur: à *Chaucis inter auxilia Romana agentibus.* Tum irato mari, & invisa tergo transportare bella renuente, *hostilibus circum littoribus, sola Germanici triremis Chaucorum terram adpulit,* tanquam amicam videlicet, neque cladem undarum terrestris saevitia geminaturam. Idein Germanicus fusis Arminianis ac cæsis, laudato pro concione victore exercitu, congeriem struxit armorum, elogio prælustri superbientē: **D E B E L L A T I S I N T E R RHE-  
N V M A L B I M Q V E N A T I O N I B V S E-  
X E R C I T U M T I B E R I I C Æ S A R I S E A  
M Õ N I M E N T A M A R T I E T J O V I , E T**

AUGVSTO SACRAVISSE. Fœta gloriæ verba, & rerum gestarum supergredientia modum, queis tamen haud inferiora reportavit idem à Cassiodoro Tiberius, cùm in Augusti decus inibi sollicitudinē inque bellaret: *C. Asinio Gallo. C. Marcio Censorino Co ss. inter Albim & Rhenum Germani omnes Tiberio Neroni dediti.* Attolli enim gaudet inflarique Martiorum operum tumor. Tacitus ad annum U. C. D C C L X X. *Germanicus Cæsar ad vii. Kalen. Iunias triumphavit de Cheruscis Chattisque & Angrivariis, quæque aliæ nationes usque ad Albitum colunt.* Haud verò Caucum reor Cæsare triumphante Germanico, vinctas spectaturienti cervices ostendisse Romæ. Quid enim ostenderet, in quem ferrum non strinxerat ulturus excidium legionum Imperator? Quid ostenderet, qui in commilitum adscitus, & inter auxilia Romana agens, ex parte currum Cæsari poterat imputare triumphalem? Vereor interim, ne traductus sit inter pompæ fercula Visurgis, duplicitis Cauci divisor amnis. Nam *vecta spolia, captivi, simulacra montium, fluminum.* Erat autem plurima caussa, quæ Tiberim obstreperi reddebet infestum infensumque Visurgi. Vellejus: *Amnis, mox clade nostra nobilis, transitus Visurgis.* Tacitus: *Postero die Germanorum acies trans Visurgim stetit. Cæsar nisi pontibus præsiduis-*

fidiisque dare in discrimen legiones haud imperatorum ratus, equitem vado transmittit. præsuere Stertinus, & è numero primipilarium Aemilius, distantibus locis inventi, ut hostem diducerent. quæ celerrimus amnis, Cariovalda dux Batavorum erupit, &c. Tùm & campus Idistavisus, in quo laurea nata capiti Cæsaris est, inter Visurgim medius sinuabatur & colles, prout fluminis ripæ cederent, aut montium prominentia resisterent. Sed admodū nihil attinet vereri: triumphatus à Germanico Visurgis est, non quæ Cauco, sed quæ Cherusco fluit. Solus è gente nostra videtur in ejus pompæ venisse communionem Ampsanus, si tueri se queunt ab incertitudine, quæ libro I. cap. IIII. sunt de eo proleta, Chauciæ gentis implente nationem. Strabo: καὶ ἄλλα ἐσώματα ἐπομπήσιν τῷ πεπορθμένῳ ἐθνῶν, Καθύλκων ἢ Αμψάνων, Βρυτέρων, Νεσίνων, Χηράσκων, Χαΐτων, Χαλτερπλῶν, Λάνδων, Σγεατίων. aliique sunt in pompa traducti mortales ex devastatis populis, Cathylcis, Ampsanis, Bructeris, Nusipis, Cheruscis, Chattis, Chatuariis, Landis, Subattiis. Omne punctum ferant, qui pro Βρυτέρων legere Βρυτέρων amant. Etenim, consensu vicini populi in arma tractus Ampsanus, fati sui ducem pari secum clade multatum & obprobrio vidit. Habuerat autem diu Bructeri libertatem Romanus adversam: unde jam antè cū τοῖς Αργ-

σταὶ Δρῦζαι Βρυγκέρες ποτεναυμάχοι. in Amasia Bructeros Drusus naval i prælio vicit. In lacu Amasia-  
no, qui, nunc vastior immaniōrque, den Dol-  
laert audit, eo decertatum prælio ferunt: hoc  
verò sequestrante, noster à Bructero disclude-  
batur Aimpianus. Ac talis quidem, fatigante  
Romam Tiberio, res Caucia fuit. Caligulæ  
principatui breves effrata tyrannis annos de-  
dit. Ac tentatæ quidem Germanidos ille glo-  
riam concupivit; sed Caninefatis quoque Bri-  
nionis pater multa hostilia ausus, Cajanarum ex-  
peditionum ludibrium impunè spreverat. Histor. iv.

At Claudius ab interitu fugitivum retrahendo  
morem, quo victæ gentes extendere ducunt  
victorum nomina solebant, Gabinium Secun-  
dum Chaucii superbire cognomento permisit.  
Suetonius cap. xxiv. *Gabinio Secundo, Caucis,*  
*gente Germanica, superatis, CHAVCIVS co-*  
*gnomen usurpare concessit.* Est verò rationis alu-  
mina Levini Torrentii commentatio, qui de  
Gabinii victoriis, nulli cognitis alii scriptori,  
minimè sibi liquere pronunciat. Etenim, quæ  
contra Caucos agitata sub Claudio fuere, Do-  
mitio cuncta Corbuloni tribuuntur. Dio l. l x.

Γραις ἸΔομίτης Κορβύλων, τὸν τῇ Κελτικῇ σπάτησον, τὰ  
τε σπάτα μαζα σωματότητε, καὶ τὸ Βαρβάρων ἄλλος τε καὶ ὁ εἰ-  
διάλεγον Καύκας οὐδένα. I.e. Cn. Domitius Corbulo  
in Germania exercitui prefectus, milites exercuit,

ac

ac barbaros, *imprimis autem Chaucos, vexavit.* Corbulo Caninefatem Gannascum, quo duce Chauci, nulla dissensione domi, & morte Sanquini alacres, Germaniam prædæ habuerant inferiorem, doli machinator evertit: Corbulo Majores Chaucos ad ignavam pellicere dedicationem, dein motis, cæde Gannasci, mentibus ultro materiem addere rebellionis est annixus: denique Corbuloni, castra jam in hostili solo molienti, litteræ sunt à principe redditæ, quæ adeò novam in Germanias vim prohiberent, ut referri cis Rhenum præsidia juberent. Annal. x i. Quantopere verò Cæsar magnitudinem viri, simûlque Chaucidis impetitæ consilia suspexerit, eo licet intelligere potissimum argumēto, quod *insignia triumphi indulxit, quamvis bellum negavisset.* At amoto trans Rhenum præsidiario milite, lāti temporum gloriâ Cau-ci, quod jam non amplius, ob indita sibi frena, gemebundi Visurgis & Amasia fluerent, finium videntur affectâsse prolatationem, ac, prout inter obsequia fortunæ non satis cauta mortalitas est, injuriosi nonnunquam in colli-mitaneas exstitisse nationes. Hinc, sub extrema tertii decimi Annalis, quamlibet invitatis, illa sunt agnoscenda nobis: *Eosdem agros An-sibarri occupavere, validior gens non modò suâ copiâ, sed adjacentium populorum miseratione: quia pulsi*

à Chaucis & sedis inopes, tutum exilium orabant.  
Neronem Urbe perpetiente, quietæ res in Germania fuerunt, usque adeò uti continuo exercituum otio fama differretur, jus in hostem ducendi legatis ereptum. Mota sunt tamen eo principe nonnulla, sed quæ penitus inconcussam Chaucida reliquere. Regnaturientes Galba, Otho, Vitellius, dum atrocibus inter se præliis irisque committuntur, hostibus magnarum rerum præbuerunt occasio-  
nem, haud defuturis ultiōni, cùm populum Romanum non intermissa bellorum civiliū series & domestica mala frangerent. Hinc erexitus inspem Civilis, inter complures, secum palam, aut voto stantes, armatum lætabatur in partes concedere Caucum. Imò, quanquam acie victus à Cereali, non tamen invalidus habebatur, flagrantissima cohortium suarum integra: que ex Chaucis Frisiaque composita, Tolbiaci, in finibus Agrippinensium, agebat. Histor. i v. Idem qui paullò antè censem-  
bat oppetiundas Transrhenanorum gentes, qua-  
rum terrore fractæ Pop. Rom. vires oblitterentur. Et iterata deinde Civili Chaucorum auxilia ve-  
nere. Histor. v. Post Vespasianum, Titumque, Flaviorum tertius ambitiosissimè Germaniā provocatâ seculum illustrari suum cupiit. Eusebius Pamphilus in Chronico Canone,  
Numero

Numero M M C IIII Δύο μῆνες μετανομάσθησαν, Σεπτέμβριον Γερμανικὸν, καὶ Οκτώβριον Δομιτιανὸν, ἀφ τὸν νίνας σὺν αὐτοῖς οὐ Γερμανῶν τῇ Ρώμῃ συνεχθῆναι. Id est, Duo menses aliter appellati, September Germanicus, & October Domitianus, ob victorias, quas Romæ, currenibus illis, reportare de Germanis contigit. Numero M M C VII. Δομιτιανὸς ἐθριάμβου οὐ Δακῶν καὶ Γερμανῶν. Domitianus de Dacis & Germanis triumphavit. Missâ verò ceterâ Germaniâ, duntaxat homoriam Cattida, Suetonio referente, fulmen illud, si tamen fulmen, Capitolini Iovis afflavit. In vita Domitiani cap. vi. *Expeditiones partim sponte suscepit, partim necessariò. Sponte in Cattos.* Rufus eodem: *De Cattis Dacisque post varia prælia, duplum triumphum egit.* Trajano disjunctissima Orientis edomare regno conante, Chauci in decoræ pacis conquievre sinu. De Adriani temporibus, & Antonini Pii, admodum mihi nihil occurrit, altum sibi silentium scriptorum indcente senatu. Marco Aurelio Antonino Philosophores est visa trabeâ digna consulari, restitisse Belgicam infestanti Caucho. A. Spartanus de Didio Iuliano: *Aedilitatem suffragio Marci consequutus est.* Praetor ejusdem suffragio fuit. Post præturam legioni præfuit in Germania vicesimæ secundæ primigeniæ. Ibi Cauchis Germania populis qui Albim fluvium accolabant, erumpen-

tibus restitit, tumultuariis auxiliis provincialium: ob quæ consulatum meruit testimonio Imperatoris. Post Aurelium, Didiūmque, nostratium peculiarem deferendo commemorationem, iterum hiulca fatiscit historia. Nam de eo quidem nulli dubitamus, quin censeri in ejus parte barbariæ debeant, quæ subsequentium intestina dimicazione sollicitata tyrannorum, totiens Rhenum vel gelu rigentem, vel liquidum, campisque superfluum, minacibus impetere signis, ac sæpe vilitationibus, sæpe directa acie pugnare, sæpe repentinis eruptionibus incertos spargere fuit ausa terrores. In quem finem, corrasis undecunque testimoniis fastidientes implere paginas, ignobilis operæ foret, ipso tamen Cauci nomine Panegyricus superbit, Augusto Maximiano dictus, in quo Gallia: *Arat ergo nunc mihi Caucus & Frisus, & ille vagus, ille prædator, exercitio squalidus operatur, & frequentat nundinas meas core versali, & cultor barbarus laxat annonam.* *Quin etiam, si ad delectum vocetur, accurrit, & obsequiis teritur.* Pro Caunus, quod evulgati præ se codices ferunt, rescribendum *Caucus* est. Nam de *core versali* advocacionem censeo petendam, ut deliberemus. Hæc tenus eorum temporum emensi spatia sumus, quibus utcunque mole sua res Romana stetit, cùm adhuc vitia ipsa sua, viresque suas regere non

non nesciret: nunc ea cursim evolvemus, quibus, oneri cedente fortuna, non aliter quam solet terra ventis aut aquis subter immisso, inter vulsa sui soliditate, nutare, ita cuncta Italia atque ipsa Roma subducta repente, quâ sustentata fuerat, Orientis & Occidentis unione, contremuit, donec penitus, ævo deponente, consedit. Eas vices Magno Constantino referat acceptas, qui summam imperii, quod debendi reum propugnator acerrimus habebat, pro numero liberorum in plures discindendo portiones, succedentium temporū mœstitia prælusit, *E*νοῖς (Zosimum libro I. legis) η τὸν αὐτὸν δρόχην βαρβαροθεῖσαν εἰς ὀλίγην πόλιν, οὐτός Αλεξανδρεῖσην. Id est, *Quibus Romanum imperium paulatim ad barbariem quandam redactum, exiguam ad magnitudinem, eamque planè labefactatam decrevit.* Hic verò Zosimus redivivam cum fortitudinis admiratione, reduxit in scenam Caucci per complures annos intermissam appellationem. Libro III. Iuliani rebus immorante: Πάντων γένος εἰπεῖν τὸν αὐτὸν βαρβαρῶν Δυνάμων ἐλπίδες πάσῃ, καὶ ὅσον εἰδέπω τὰς ἐπιφεύγοντας Δυνάμεις παναλεθερίᾳ. Προσδοκησάντων, Σάξονες, οἱ πάντων δὴ καρπεόντες τὸν θυμὸν βαρβαρῶν, θυμὸν Ερώμην, καὶ παρετερίᾳ, τῇ τοῖς μάχας εἶναι νομίζοντες, Καύκας (sic enim pro Καύδας, pridein eruditissimis repositum viris est) μοίρων σφῶν ὄντες εἰς τὴν ταῦτα Ρωμαίων πατερομόνια εἰπέμενος γῆν· οἱ δὲ Χάρης Φρέγκων, οἱ Θω-

εων

εων αὐτοῖς ὄνταν, παλινόμηνος Διοκληῖαν, δέ τις μὴ τῷ Καί-  
σαρι δύναται δικαιάν αἴτιαν τὸ πατέρα αὐτῶν αἰδήσει ἐφόδε,  
τολοῖαν αυτηγού Σάρδιον, καὶ Διοκληῖαν τὴν τῶν Φραγκῶν  
ἐχρημάτων οὐτοῦσανθόρημοι γένεται, ἐπὶ τῶν ταῦταν Ρωμαῖος  
ἀρμισθῆσαν. οὐδὲ τῇ Βαλαβίᾳ περιχόντες, οὐδὲ δίχα χρέο-  
μενοι τῷ Ρένῳ τῷ νῆσον ποιεῖται, πάσους πολεμίας μείζονας νῆσος,  
τὸ Σαλίαν ἔθνος, Φραγκῶν δύτομοιρον, ἐκ τοῖνειας χωρεῖ  
ταῦτα Σαξόνων εἰς ταῦτα τὰν νῆσον ἀπελαυνέται, ἐξέβαλον.  
Id est, Omnes jam in iis locis barbari spem omnem  
abjecerant, tantumque non ad internectionem pér-  
turias existimabant suorum reliquias: quum Saxo-  
nes, omnium eas regiones incolentium barbarorum  
& animis & corporum viribus, & laborum in prae-  
liis tolerantiā, fortissimi habiti, Cauchos, gentis  
suæ partem, in Romanorum solum emittunt. At  
finitimis Francis transitu eos prohibentibus (qui me-  
tuebant, ne justam Cæsari caussam præberent se-  
rupsus invadendi) navibus constructis, Rheño præter-  
vecti parentem Francorum imperio regionem, in  
Romani juris solum contenderunt: & ad pulsis ad  
Bataviam navibus, quam bipartito divisus Rhenus  
insulam efficit, quavis insula amnica majorem, Sa-  
liorum nationem, Francorum partem, vi Saxo-  
num in hanc insulam suis è sedibus rejectam, expu-  
lerunt. Deinceps, interposito lustrorum ali-  
quot intervallo, decantatum Claudiani versi-  
bus est, in prima laudum Stiliconis Panegyri,  
non indignante Cayco, seu Cauco, pascere  
Belgiam pecus, ac per alveum ingressa me-  
dium,

dium, armenta Gallica montes pererrare Francorum. Idem Claudianus:

— *Pacem implorantibus ultrà  
Germanis responsa dabit, legésque Caycis.*

Adulatus verò Seniori Theodosio Latinus Pacatus, patrem ejus, ob *Saxonem bellis navalibus consumptum*, **SAXONICI** censet attollendum titulo fuisse: *An si ejus seculo mos ille vixisset, quo Romani duces, Macedonici, Cretici, Numantini, de vocabulis gentium subactarum adoptivum insigne sumebant, nonne hodie pauciora in Annalium scri- niis, quam in vestra domūs titulis cognomenta lege-rentur? Quum ipse SAXONICVS, ipse SAR-MATICVS, ipse ALEMANICVS diceretur, & quantum tota republica haberet hostium, tantum unica familia ostenderet & triumphorum.* Post Theodosios, id est, quinto ab orbe, per Christum restituto, seculo, involutus planè, cum plurimo vicino, Saxonis ac Frisii vocabulo **Caucus**, increpat ulteriora tempora scrutatu-ros. Dehinc tria ista ternis extricanda dis- fertatiunculis crunt, **CVR INVASERIT CAUCVM ROMANVS, CVR VICE-RIT, CVR RELIQUERIT.**

### CAP. VIII.

*Cur invaserit Caucum Romanus. Bellatores in armis jus ferre. Praenante distinctioni Polybio, singulatim pertra-ctantur.*

stantur Obtentus, Affectus animorum, Consilia, quæ Romanos in Caucia bella propulere. Belli ac pacis nomine, veluti nomismate, potentiores utuntur. Penitus armorum introspicere prætextum licuisset, si Livii liber ad nos cxxviii. pervenisset. Ultionis explenda specie Caucus impetus. Princeps, inter Affectus, ambitione Romana pectora possedit: quæ gloriā habere cum modo nescivere. Orientis & Occidentis victoriis iungenda tentati gloria Septentrionis. Excitatus magnitudine patris Octavius provinciam facere Germaniam concupivit. Albitm victoriarum terminum fore, militi Germanicus promisit. Eum tamen postea Domitius transcendent. Ambitio ducum, reip. principumque certavit ambitioni. Spe triumphalium indipiscendorum laceſſere soliti populos. Ut antiqua etiam virtute Corbulo, Caucos. Exercituum preces, ut, antequam in bella mitterentur, triumphalia acciperent insignia duces: Honos triumphalium, vulgatione sui, vilior. Duplex Romani Consilium, in Chaucide domanda. Vnum, ut audentia castigaretur eumpensis in Romana Transrhenani. Legionum robur apud Rhenum. Alterum, uti ne domiti jam, aut vieti, reluctabundum aliquid aut haberent, aut attingerent. Hinc Status obducta Ratione, ex bellis bella seruntur, & finitimos quoſque magna corripiunt imperia. Subjugato Friso, complectendus eodem imperio Caucus erat. Agricola consilium de Hibernia subigenda, ut tolleretur è conspectu Britannia libertas.

**Q**uanquam Civilis Batavi verba plerique comprobent animi bellatores, & gentilibus suis, in sacri nemoris penetralia vocatis, inculcantis, Victoria rationem non reddi, & Gallis, in

in societatem illiciendis armorum, occidentis,  
*Deos fortioribus adesse*, nihilominus, uti ne, bel-  
luas imitaturi, totam ejurare videantur huma-  
nitatem, aut caussas bellorum, aut mentita  
caussas prætextuum velamenta quærunt. Un-  
de Polybius, qui Historico Politicum miscen-  
do, ac Latinorum gloriam anticipando, am-  
bigua de magnitudine sua reddidit. incor-  
ruptæ judicia posteritatis, haud uno loco  
peragit oscitantia reos, οὐ τὰ πιστὰ μὴ διεληφό-  
ταιν δέχεται πάλιον, οὐ πόσον δίεπικεν αἴτιος ἐσφα-  
σσως. οὐδὲν τὰ μὴ εἰσιν απεγένεται τὸ απέντων. Id est, qui  
nunquam cogitārunt, quid discriminis sit, & quan-  
tum inter se dissentient principium, caussæ, & prætextus.  
Utique non bella bellis per omnia secula con-  
tinuarentur, neque plus hominum ferri sævitia  
demeteret, quam fati cōponeret ordo, si cauf-  
sarum solida specioso & obtentuum  
præpollerent. At oblita sui mortalitas πολέμου  
ἢ εἰρήνης ὀνομάζεται, ἀπεξ νομοσυμβάτων τῷ αὐτοχθόνῳ  
χειμῶνι αφέται τὸ συμφέρον, & αφέται τὸ δίκαιον. Id est, belli  
& pacis nominibus veluti nomismate aliquo promi-  
scue, non juris, sed utilitatis ratione uititur: in Pyr-  
rho bellissimè dicente Plutarcho. Quæ summis  
obtentui Roma bellum Chaucidi vicinisque  
factura, cognoscere in expedito foret, si Livia-  
næ decadis xiiii. liber octavus ævi subtra-  
ctus injuriæ fuisset, qui Caucos referebat à

Druſo

Druso primitus subactos, ut relicta, quâ de-  
siderium solamur, Epitome commonistrat.  
Illud tamen ex aliis effodere licet, Ultionis  
egregio fuso cupidines illevisse suas: quod Rhe-  
num aliquotiens expavefactum, & hostilia  
Romanæ ripæ ineminiſſet intentata. Propte-  
rea, in quinto Historiarum, Transrhenana Ba-  
tavorum auxilia, inter quæ Caucia quoque si-  
gna fulſerant, increpita Cereali legimus, quod  
totiens Rhenum transcenderint: si quid ultra mo-  
liantur, inde injuriam & culpam, hinc ultionem &  
Deos fore. Certe, rerum potiunte Claudio, Cau-  
cus quoque Germaniam incursaverat inferio-  
rem, duce Caninefate Gannasco, qui, levibus  
navigiis prædabundus, oræ maximè Gallorum  
gravis erat, intellecto, dites simul imbellēſque  
censi. Dicerem & ultricibus illis infestatum  
armis, quæ Germanis inferebantur, abolendæ  
infamia ob amissum cum Quintilio Varo exerci-  
tum. Annalium i. si, spes suas cum Cherusco  
conjunxisse Chaucum, dubitationis exemptum  
ancipi foret. Ista cum aliis, quæ vetus edere  
memoria supersedit, instruere vindictæ pro-  
ſcheima potuere. Diffusa cauſarum ad hæc  
duo reducuntur: Affectus animorum, & Ra-  
tiocinationes: ut, ad tertium adeunti, Poly-  
bius indicabit. Non aliud flagrantior Ro-  
manum agitavit affectus, quam gloriæ sitis im-  
mensa,

mensa, nec ullo unquam restinguenda victoriarum affluxu. Nulla copiam satietas sequebatur: crescebat indies imperii producendi cupido, &, parto rabiem irritante parandi, concupiscebatur ea, quæ non caperet. Alterâ pœne manu Orientem, alterâ contingebat Occidentem; in plurimum prominenti corpore meridianum ferebatur; à tergo restabat egelidi contundenda ferocia Septentrionis. Aurum & opes jejunæ mentis acuere non poterant aviditatem, paludum sylvarumque sterilia possidente Cauco, & divitias in se reponente suas: gloria sollicitavit. In Agricola Galgacus: *si locuples hostis est, avari, si pauper, ambitiosi. quos non Oriens, non Occidens satiaverit: soli omnium opes atque inopiam pari affectu concupiscunt.* De Cæsare Octaviano Florus: *Germaniam quoque utinam vincere tanti non putasset: magis turpiter amissa est, quam gloriose acquisita: sed quatenus sciebat patrem suum Cæsarem, bis trajecto ponte Rheno, quæfisse bellum, in illius honorem concipiit facere provinciam.* Euphrati Rhenum junxerat adoratio Romanæ majestatis: at veluti post Euphratem Tigris, sic ultra Rhenum affectabatur Albis. Germanicus Annal. II. concionabundus: *Si tedium viarum ac maris finem cupiant, hac acie parari: propriorem jam Albim, quam Rhenum, neque bellum ultrà. Fuit tamen ultrà.*

M

Lucius

Lucius enim postea Domitius exercitu flumen  
Albim transscendit, longius penetratā Germaniā,  
quām quisquam priorum, eāsque ob res, insignia  
triumphi adeptus est. Annal. iv. Etenim am-  
bitio ducum, in ea bella missorum, reipublicæ  
principūmque certavit ambitioni. Ut inserere  
se fortunæ possent, & prosequi gesta sua lau-  
reatis, moveri, quām senescere, omnia præ-  
optare: bella sæpius facere, quām invenire:  
denique secretarum gentium laceſſere quietem  
audere. Spes adipiscendi triumphalia (non enim  
est necesse reliquorum iterare mentionem)  
Corbulonem quoque, rigori veteris reip. pa-  
rem, nostris inhærere cervicibus adegit: ut  
ex undecimo claret Annali. Quo talia Chau-  
cide tentanda ſibi pollicente, litteræ ad Clau-  
diū ad volavère, exercituum scriptæ nomine,  
precantium imperatorem, ut quibus permitturus ef-  
ſet exercitus, triumphalia ante tribueret: nempe,  
ne ducum inutili lassatus ambitione miles, fe-  
gnior ad expeditionum necessaria redderetur.  
Donec, ut omnia mortalia, quidquid hoc um-  
bratilis erat ornamenti, tribuentum eviluit  
inconsulta facilitate. Namque ſub auspicio Ne-  
ronis, armorum conticescebat in Germania  
fremitus, ingenio ducum, qui per vulgatis trium-  
phi insignibus, majus ex eo decus ſperabant, ſi pa-  
cem continuaviffent. Annal. xiiii. Affectu, qui  
Roma-

Romanos in Caucia bella propulit, introspe-  
cto, progredimur ad instigatricium momenta  
ratiocinationum. Duas excellentias sua supra ce-  
teras attollit. Vna, trans Rhenum labefactan-  
da Germania fuit: ut, eò imperii fortuna pariter  
ac terrore prolató, limitator fluvius Oceanum  
securior intraret. Quippe, cujus plurima le-  
gio ripam attinebat, ne immineret opportuni-  
tibus, & infunderetur in Romana Transrhe-  
nanus. Annal. IIII. quo loco recensetur, quæ,  
Tiberio principe, Romana copia in armis: *Sed*  
*præcipuum robur Rhenum juxta, commune in Ger-*  
*manos Gallosque subsidium, octo legiones erant.*  
Suetonius Paulinus, quo nemo illa tempe-  
state militaris rei callidior habebatur, in O-  
thoniana consultatione, trahine bellum, an  
fortunam experiri placeret: *Exercitum Vitellii*  
*universum advenisse: nec multum virium à tergo,*  
*quoniam Galliæ tumeant, & deserere Rheni ripam,*  
*irrupturis tam infestis nationibus, non conducat.*  
Histor. II. Cerealis ad Cisrhenanos: *An vos*  
*cariores Civili Batavisque & Transrhenanis genti-  
bus creditis, quàm majoribus eorum patres avique*  
*vestri fuerunt?* Histor. IV. Suum igitur ultro  
inferendum credidère terrenti barbaro terro-  
rem, & cum denso finitimo Caucum à genera-  
sa limitis illusione prohibendum. Super ea re  
Cæsarem audi, Commentatio quarto: *Multis*

de causis Cæsar statuit sibi Rhenum esse transeundum : quarum illa fuit justissima, quod, cum videret Germanos tam facile impelli, ut in Galliam venirent, suis quoque rebus eos timere voluit. Hinc adeò pater Germanici Drusus, qui à se recluso ostendit aquilas interiori Germano, ne vim Romanam ignorare Cauco vastas inter solitudines liceret, per ignotas sibi paludes, & scissa flutibus itinera, prorupturum aliquando satius duxit occupari, quam imposterum ab incauto fluminis excipi sentiri que custode. Altera seu caussa, seu raciocinatio, quasi catena quadam, connectenda subjugatorum series erat, armis quæsitæ palmarium subinde dominationis arcuim. Vnde prudentiorum ii, qui die funeris, Augusti vitam extollere satagebant, *legiones, provincias, classes, cuncta inter se connexa* celebabant. Annal. i. Enimvero, sicut in corporibus ægris quod nocitrum est, inviti medici relinquunt: ita, qui frena dominaturienti laxaverunt ambitioni, stare se dolent in operum primordio, quia diu nocivum aliquid, & turbas aliquando daturum aut habet imperii corpus, aut attingit. Ita bellum ex victoria nascitur, &, sola *statu*s excusante *ratione*, avaræ & insatiabiles manus ad proximum quemque porriguntur. Illyriorum rex apud aures Philippi Macedonum querebatur: *sibi quoque non aliam*

aliam ob caussam, quam quod Italiæ finitimus videbatur, bellum illatum: quasi nefas esset, aliquem regem juxta imperii eorum (Romanorum) terminos esse. promente Trogi Epitomatore libro xxix. Frisoni tributa Drusus imperaverat: cui senatum quoque, magistratus ac leges Corbulo dedid, &, ne jussa exuerent, præsidium immunitavit, Annal. x i. atque adeò pars factus erat imperii Romani Fiso. Sed nata libertati natio, dominis infensa suis, aut malè fida, nunquam non pacem inter & bellum dubitare videbatur. Ergo, ne contermini Cauci libertatem suis adsciscere sociam destinationibus auderet, in hunc quoque pila dirigenda, Visurgique & Albi fasces fuere securésque minitandæ. Tale de Britannia sua judicium consularis Agricola tulit: Sæpe (generum legis) ex eo audivi, legione una & modicis auxiliis debellari, obtinerique Hiberniam posse. Idque etiam adversus Britanniam profuturum, si Romana ubique arma, & velut è conspectu libertas tolleretur.

## C A P. IX.

Cur vicerit Caucum Romanus. Et in se vincendi causas habuit, & in hostibus. In se duas, Pervicaciam & Astum. Drusi confidentia, Caucum per ignota petentis undarum, Cui tamen fortuna pop. Rom. subvenit. Artibus in Germanos rem gessit, & censuit gerendam, Tiberius. Tria reportanda victoriae pignora reperit in hoste Romanus: Intestinam animorum distractionem,

*Avaritiam honoris, Bibacitatem. A se Cheruscis dis-sidebant. A Cheruscis Chatti. A Chattis Hermunduri. A Bruuteris, horrendum in modum, vicini. Furor hodierna Germaniae, fatali rabie viscera sua laniantis. Cauci, ad evertendos finitimos, auxilia summisere Germanico. Sicuti Frisius opem tulerat ingredienti nostra Druso. Inter instrumenta propriæ servitutis, auxiliares. Vilia servitii pretia. Quæ summates quoque Germaniæ viros admiratores habuere. Obstrikta Cauco Germania, propter eruptum triumphi ludibriis Arminium. Constanti deinde Caucum parendi designatione, dominaturientem sprevisse Romanum. In Notitia Imperii nullam confici conscriptam è Cauco cohortem. Civilis Batavi cohors, è Caucis composta Frisiisque, vino mersa, fraudi succubisit hostili.*

**M**ajus, quam vicisse est, vincendi caussas in se habuisse. Et in se Romanus habuit, & in hoste. Nam partim propria virtute consiliisque, partim inscitiâ vitiisque subactorum, veluti gradibus ad id culminis adscendit, unde superbè posset antecedentium despectare magnitudinem imperiorum. Pervicacia singularis, & spiritus ab inopina sumens incrementa difficultate, non dubitavit obluctanti vim facere nature. Quippe, decretum Vrbe perscribente, cum terris maria credebat in Vrbis itura sententiam. Polybius lib. I. Καθόλες ἡ Γαλαξίας πάντα χρώματος τῇ βίᾳ, καὶ τὸ αφεγέν οἰόμαρος δεῖν ηγετὸν πάγκην ἐπίπεδην, οὐ μηδὲν αδικάζεν εἶναι σφίσις τοῦ ἀπαξ δεξάντων, τὸν πολλοῖς μὲν κατέρθεστο Δῆμος τῶν τοιωτῶν ὄρμην. ἐν οὐτοῖς ἡ αφεγανὸς σφάλμος, Εἰ μετάλιττα τοῖς καὶ ταύταις,

Id

Id est, Romani, quum in universum violentiam ad omnia adhibeant: & quidquid proposuerint, id necessariò fieri debere existiment, nihilque eorum quæ semel decreverint, non posse fieri statuant: efficiunt illi quidem pleraque omnia hoc tanto impetu, ex animi sententia: in quibusdam tamen clades patiuntur insignes, maximè autem in mari. Drusus, haud satis edoctus adversa casusque ponti, duce tamen audacia classem in Caucos rapuit: sed, astu mutante, navibus ab unda destitutis, exercitum in anceps atque præruptum periculum adduxit: ut è libro L I I I . Cassii Dionis appareret. Subvenit tamen obstinationi, correxitque pertinacis errorem fortuna, quæ sæpe pro ratione pop. Romano adfuit, & famam rebus ejus atque precium constituit. Est interim ubi abruptam damnavere contumaciam, &, alio grastati ad victoriam cursu, Divæ Rationi sacra fecere, ne præbenti se decessent opportunitati, sed oblata casu flecterent ad incruenta consiliorum. Hinc vetus regnandi Tiberius destinata sub imperii quoque retinebat extrema, consiliis & astu res externas moliri, arma procul habere. Annal. vi. Idem qui se, nondum summæ rerum impositum, uniformi Bellonæ duplice in testatur antetulisse Minervam. In epistola ad nepotem Germanicuim: *Se novies à Diyo Augusto in Germaniam missum, plura consilio*

M 4

quam

quam vi perfecisse. Annal. II. Ut ambigere jam vix lubeat, quin ab eo, artibus utente suis, Caucus quoque sit inlectus ad indecoram ditionem, exsultanti descriptam Vellejo. Quidni autem uteretur artibus? Obtulit usuro latera Germanus, in tantum à se ipso dissidens atque diversus, ut, ipsa suppetias accelerante Bellona, florere adversus externa non posset. Haud ferè opus erat, ut Drusus minor inliceret ad discordiam Germanos, Annal. II. neque, sicuti per Armenios, semina erant odiorum jacienda, Annal. XII. Callidè pater Drusii posse Cheruscos, ceterásque rebellium gentes, *internis discordiis relinquiri*. Duntaxat infaniae relinquendi suę videbantur: adeò labefecerat animos intestina distractio, scopulus, & nodus, & mora publicae securitatis. In Cheruscis factiosi quidam, qui privatim degeneres, in publicum exitiosi, nihil spei, nisi per res domi turbatas habuere, falsò potentiam novi regis, ex Arminii fratre progeniti, suspectantes, ad conterminos secessere populos, Annal. XI. Chatti, claudentes ab alia parte Chaicum, metu, ne hinc Romauus, inde Cherusci, *cum quis eternum discordant*, circumgredierentur, legatos in Vrbem, & obsides misere. Annal. XII. Sed & adspice contusos à Chatto Cheruscos, in Gerianie libello. Eosdem verò Chattos inter,

&amp; Her-

& Hermunduros atroci certatum prælio, dum flumen, gignendo sale fecundum, confinis uterque populus ambit, *super libidinem cuncta armis agendi, religione insita.* Annal. XIII. De Bructeris, à Chaucis interluente discretis Amaso, cothurnata Tacitus, aut modum excedentia cothurni: *Nunc Chamavos & Angrivarios immigrasse narratur, pulsis Bructeris ac penitus excisis, vicinarum consensu nationum, seu superbiæ odio, seu prædæ dulcedine, seu favore quodam erga nos Deorum. nam ne spectaculo quidem prælii invidere. super L X. millia non armis telisque Romanis, sed, quod magnificenter est, oblectationi oculisque cederunt.* Non ignorat antiqua vulnera, quod simile anhelanti superest, imperii Germanici corpus, quod, si sanctam servare fideim conjunctionis adamaret, inconcussum, immotumque, & suis viribus subnixum, non orbis terrarum, neque cunctæ gentes congregatae movere aut contundere quirent. At nunc, dum furialibus in viscera nostra facibus armati, bella domi parricidalia stringimus, in exitium suum misera res publica merces est. Quid restat, quam ut æmuli Germanicæ magnitudinis, aut hostes, aniimitus applaudant ejusdem Cornelii voto, quo Bructerorum ille prosequitur excidium: *Maneat quæso durètque gentibus si non amor nostri, at certè odium sui. nec non ei Claudi Ma-*

M 5

mertini,

mertini, quod in genethliaco Maximiani legimus Imperatoris: *Vndique se barbaræ nationes vicißim lacerent & excidant, alternis dimicationibus & insidiis clades suas duplicant & instaurant.* A qua seu rabie, seu infelicitate Germani ne Caucos quidem excipere queo meos. Utique Cheruscum debellaturo polliciti sunt auxilia Germanico. Annal. I. *Chauci, cùm auxilia pollicerentur, in commilitum adsciti sunt.* Unde Annal. II. Chauci memorantur, inter auxilia Romana versantes. Fuit enim hoc quoque veteri populi Romani consuetudine receptum, ut admittendo populorum, aut adsciscendo manus auxiliares, servituti destinatos, inter instrumenta propriæ servitutis, haberet. Ingens decus, exposito ad alarum périculosa socio milite, & accepto in medium legionario, terribilia crux non suo bella patranti. Provinciarum sanguine provincias emebat: ac verè reputantibus, suissmet invicti populi concidère viribus. Etenim fraternalis in præliis impetivere facies, & arma popularium deterendo, suam, falsi fallentesque, magnitudinem detrivere. Conabatur in Caucum protendere fasces expeditio Drusina: non abnuit illi se pedestri militia jungere Friso: deprehensus erat in præsentissimo discrimine exercitus, ob ancipitia plemmyridis ignoratae: ne periret, ac interceptos

ptos Cauci debellandi, conatus secum ad infernos deferret, opera labōsque Frisonis intervenit. De quo lib. LIV. videndus. Quod passus à Frisone fuerat, id ausus est infligere Cherusco Caucas. Invitavēre forsitan hamata servitii pretia, sed levia, sed inania, torques, armillæ, stipendia, phaleræ, coronæ, & instar omnium civitas. Ad quæ Flavius quoque, Segestesque respexerunt, at qui viri? socer atque frater Arminii. In colloquio, quod indignabundum excepisse credo Visurgim (is enim colloquentes interfluebat) Arminius, unde deformitas oris interrogat fratrem. illo locum, & prælium referente, quodnam præmium recepisset, exquirit: *Flavius aucta stipendia, torquem, & coronam aliaque militaria dona memorat, inidente Arminio vilia servitii pretia.* Annal. II. Segestes verò, tanquam prudentiam victo victoriique suam imputaturus, ad Germanicum fidenter: *Ex quo à Divo Augusto civitate donatus sum, amicos inimicosque ex vestris utilitatibus diligi, neque odio patriæ (quippe proditores etiam iis, quos anteponunt, invisi sunt) verūm quia Romanis Germanis idem conducere, & pacem quam bellum probabam.* Idem violatorem federis (sic enim generum appellitabat) per ora differendo populorum, facile potuit ad arma Romano socianda nostros, cum aliis, impellere Caucas.

Qui

Qui tamen in illa ipsa acie, qua sanguinem  
suum dominationi commodabant alienæ, gen-  
ticæ non indecores extitère libertati, sed ve-  
rò immortali sibi merito veteris Germaniæ  
magnitudinem obstrinxerè. Nam quòd cur-  
rus triumphatoris haud auxit antecambulones  
Arminius, & formidatum Romæ caput eri-  
puit illusuræ, Chauci gloria solius est. Enim  
vero manu, voce, vulnere diu pugnare suspen-  
taverat: at inclinato tandem robore suorum,  
ac fugienti Vindelicis & Gallicis objicientibus  
signa cohortibus, proprio faciem crux, ne no-  
fceretur, illinebat. *Agnitum à Chaucis inter au-*  
*xilia Romana agentibus, emissumque tradiderunt.*  
Annal. II. Præterea, quidquid inclemens in  
patriam fecere, constanti deinceps excusavere  
rebellione. Nam & ipsi prorruptionibus di-  
strinxerè Romanum, & districturis copias ad-  
didere subsidiales. Denique, cùm in Notitia  
Imperii frequentes inter Auxilia Palatina com-  
pareant Angrivarii, Chaimavi, Bructeri, An-  
sivarii, Salii, Tubantes, Teruingi, aliisque vel  
nullo, vel non multo fines nostros intervallo  
relinquentes, nulla comparet è Cauco conscri-  
pta cohors. Quasi pœniteret iterum proprio  
sanguine mercandæ servitutis, edoctum pri-  
dein, perire sibi, quidquid adstructum per bel-  
la Romanis iret. At non solæ victoriam hosti-  
pepe-

peperere dissensiones, & odia nationum, in  
mutuas desinentia clades; alia quoque nostros  
ursere vitia, illiciae hostilium destinæque ma-  
chinationum. Princeps inter cetera graditur ab  
antiquis majoribus ad posteros propagata Φι-  
λοποσια, quæ flagrantissimam cohortium Civi-  
lis, è Chaucis Frisiisque compositam, ignobi-  
li dedit ac miserabili letho: quippe non cam-  
pum sortitam, ardori convenientem suo, neque  
cæsam gladio, qui bellacem solatur in extremis  
animam, sed fraude hostium, & intemperie  
sua, nocturna circumventam obrutamq; flam-  
ma, Histor. I v. Namque & Civilis illuc intende-  
rat, non invalidus, flagrantissima cohortium suarum  
integra: quæ ex Chaucis Frisiisque composita, Tol-  
biaci in finibus Agrippinensium agebat. Sed tristis  
nuntius avertit, deletam cohortem dolo Agrippinen-  
sum: qui largis epulis vinoque sopitos Germanos,  
clausis foribus, igne injecto, cremavere.

## C A P. X.

Cur reliquerit Caucum Romanus. Relicti causæ vel im-  
perium tetigere, vel imperantes. Imperio nihil, ultra  
Rheni fluenta, solidum ac duraturum. Victi Trans-  
rhenani, non domiti. Continuis in victorem rebellioni-  
bus insurrexere. Subinde crudelitate rectorum, & ava-  
ritia proritati. Quod in rebus pauperculis essent, in so-  
las vinci se contumelias existimavere. Fortuna belli  
artem victos quoque docuit. Cotis instar acuit Germa-  
ni robur atque fortitudinem Romanus. Sicut hujus,  
cum Samnite Gallus. Genere pugna, sub initia, Ro-  
mani

mani superiores. Crescentibus per bella Transrhena-  
norum animis, plures Rheni ripæ præsedere legiones. In  
Chaucide nulla deductæ colonia, mansuræ servitutis in-  
strumenta. Augusti consilium, de coercenda, Rhenum  
intra, magnitudine Romana. Deinceps assiduò motus  
Oriens Aquilonis fatigandi consilia sufflaminavit.  
Æmula reip. Rom. Persia. Transrhenanam, licitante  
Romano, soliti quietem auro pacisci. Duplex caussa de-  
pulit Imperantes à rei Romana prorogandæ cogitatio-  
nibus. Invidia erga decessores, & Metus ex ducibus.  
Invidiâ Hadrianus, & Augustus, accensi. Metuebant  
intendi sibi, quod in hostem parabatur, qui hostili in  
suos animo grassabantur. Principe ministrorum formi-  
dante magnitudinem, insignita pericula nobiles exce-  
pere virtutes. Vnde ducum segnities. Domitianus, Va-  
lerianus, Commodo suspicaces animi. Sed imprimis Ti-  
berii, suspectantis animosè bellantem in vicinia nostra  
nepotem. Nec non Claudi, revocantis à generosa Chau-  
cidis aggrediundæ destinatione Corbulonem, qui jam  
castra in hostico moliebatur.

**Q**Uæ relinquendos suæsere Caucos, vel Im-  
perium pupugere caussæ, vel Imperantes.  
Imperium nihil ultra Rhenum stabile vidit, ac  
verè suum. Transfigere cum tot annorum non  
poterat expeditionibus, ac gentes locis tutissi-  
mas, aditu difficillimas, numero frequentes,  
feritate truces, ad certam imperii pacare con-  
fessionem. Armis irritabantur arma, & proxi-  
mum quodque prælium fecuturi materies erat  
& instrumentum. Rarò enim fides inter victos  
victorésque solida coalescit: imò nunquam  
fuere

fuere Germano tam degeneres affectus, quin vellet, tam prostratae vires, quin posset eripere se se conditioni, cuius eum pœniteret. Propterea, repertis autoribus, attollebantur illicet animi, & apta insidiis tempora legebant. Hinc Strabo, cum Caucos Caulcosque delibasset, horumque confinia prementes, γνώσμα, inquit, τῶντα κρέπη τὰ ἔθυν, πολεμῶντας Ρωμαῖς, εἰτ' αὐδόντα, καὶ πάλιν ἀφιστάμδα. Id est, Innotuere istæ gentes, cum bellum contra Romanos gererent, deinde concederent, post rursus deficerent. Et Seneca, de Providentia cap. iv. duritatem Germanorum inter earum exempla gentium ponit, in quibus Romana pax definit. Quid mirum in iis pacem desisse Romanam, qui cuncta poterant exprobrare Romano, quæ magnis solita sunt imperiis objectari? Specta Frisones: primò boves, mox agros, postremò corpora conjugum ac liberorum servitio tradebant. Annal. iv. Hinc ira questusque, & postquam nihil opis ab Urbe, unde in omnia regimen, affulgescebat, ex bello remedium. Non enim, quomodo sterilitatem, aut nimios iimbres, & cetera naturæ mala, sic dominantis avaritiam luxumque credidere tolerandum, sed, ultima servitutis exempla passis, erumpendum brutæ patientiæ gyro. Quippe sicut in familia recentissimus quisque servorum ipsis ludibrio conservis est: ita Frisones

nes isti, vicinalésque populi, quos, ante Dru-  
sum recessus ipse terræ sinúsque defenderat, in  
hoc orbis vetere famulatu, novos se vilésque in  
in solas vinci contumelias & excidia vereban-  
tur. Neque enim opulenta sibi latifundia, fo-  
dinásque, queis reservarentur exercendis. Vir-  
tuteim porrò ac ferociam subjectorum ingra-  
tam imperantibus, & longinquitatem ac secre-  
tum ipsum, quò tutius, eò suspectius esse pate-  
bat. Ergo tam quos gloriā, quām quos salus  
animabat, altorum vulnerum sæpiuscule recru-  
descente cicatrice, rebellionem rebellioni con-  
tinabant. Audendi libidineim aluit imprimis,  
quòd manus conferere cum principe gentium  
populo didicissent. Etenim fortuna belli artem  
victos quoque docebat, nec aliter Romano,  
quām quasi cote quadam, Germanus ingenitæ  
ferrum virtutis acuebat. Vti Samnite Gallò-  
que Romanus. Unde Polybius lib. I. Αὐθηνταὶ  
γεγράπτες αἰλούριοι τὸν πόλεμον ἔργων, εἰν τῷ αὐθεντῷ τοῖς  
Σαμνίταις καὶ Καλλίσ αὐγώνων. Id est, ex prioribus con-  
tra Samnites & Gallos certaminibus hoc consecuti  
sunt, ut veri athletæ bellicorum certaminum evade-  
rent. Ergo, post tot bella pugnata, vix jam po-  
terat amplius genere pugnæ (quod semel iterū in-  
que de eo Tacitus affirmat) inferior existere  
Romano Germanus. Cujus ob audaciam cre-  
scentem, & ab hostili opes animūmque ferro  
ducen-

duc entem, plures sunt ad Rhenum postea collocatae legiones. Eadem audacia Romano, arcanis usuro suis, intercessit. Vix est enim ut ulla trans Rhenum digna memoratu colonia legatur: in Chaucide certè nullæ leguntur. Hæ verò sedes erant & instrumenta perpetuandæ servitutis. Annal. xii. *Colonia Camalodunum (in Siluribus) valida veteranorum manus deducitur in agros captivos, subsidium adversus rebelles, & imbuendis sociis ad officia legum.* In *Agricolæ Vita: sparsos per castella milites consecrati, expugnatis praesidiis, ipsam coloniam invaserunt, ut sedem servitutis.* Et Arminius Annal. i. in ea, qua ad libertatem suos erigit, à coloniæ motu præcipuum arcessit argumentum: *si patriam, parentes, antiqua mallerent, quam dominos & colonias novas.* Tamquam nihil sibi de duraturæ domiinationis æternitate pollicente Romano, nisi viribus armorum pacatricium succenturiaret astuta coloniarū. Augustus verò, cuius invictæ providentiæ plura, quam fortitudini, retulit accepta Romanus, eadem Martii populi perspectâ contumaciâ, ac deditatione parendi, cùm de connectenda ad Albim usque dominatione desperaret, ut Rhenum intra cupidinem Roma sisteret immensam, consilii specie perscripserat in quarto libellorum, quos, ab excessu ejus, illatos in senatum reci-

N

tatof-

tatosque, Dio tradidit. Hoc ipse consilium extollit Augustus, apud Julianum in Menippaea de Cæsaribus, Annalium quoque primo minimè prætermissum. Unde, eodem ad finem perveniente mortalitatis Augusto, licet ultioni gloriæque litatura, Romana trans Rhenum signa fulgerent, absuere tamen imperii profundi cogitationes, si Annali credere citato velimus. Ac plerique, post Octavium, Imperatores ea, quæ Transrhenana audiunt ejus intuitu loci, qui nos hæc commentantes habet, inter infestanda quidem, aut infestata, sed nunquam inter edomanda, numeravere. Sed & illud inter omisi Cauci ponendum cauñas est, quod continuis agitata conflictibus Orientalia non permisere tot distractissimo negotiis imperio, ut ad nostra hæc, versus Aquilonem recendentia, cum cura respiceretur. Inter cetera Persis reipublicæ emula (Panegyricum agnoscis) & multis Romanorum ducum famosa funeribus annuis propemodum expeditionibus interpellabat erupturas in alia destinationes. Persæ tamen ut plurimum par Romanus erat, utpote fracto ipso cognati tempore cœli, & hinc fugam animo, vulnera plerumque tergo ferenti: unde lubido principibus, inde lauream deportandi potius, quam à Transrhenano, libertatis alumno, cui majorem vitæ metum, quam mortis,

tis, esse constaret. A quo pacem, auro sequestrante, cogebantur impetrare. Herodianus libro vi. Αλέξανδρῳ μὲν τότες λί. τὸν ἐδοξεῖν αὐτῷ πρεσβεῖαν πέμψαμεν αὐτὸς, καὶ τοῖς εἰρηνῆς Διοκλέωντας πάντα τε ὑποχνεῖτο παρέχειν ὅσων δέοντος, καὶ γεημόστων αὐτῶν ἔχειν τότες μάλιστα οἱ Γερμανοὶ πείθοντο, φιλάργυροί τε οὐτε εἴσοδοι τοῦ πάντας αὐτὸς Ρωμαῖς χειρούσια κατηπλάσιανται. Οὕτε οἱ Αλέξανδρῳ ἐπεργάσθωσαν μεῖλον τοὺς αὐτὸς στονδας, η Διοκλέους πολέμους πινδασίαν.

Id est, interprete Politiano: *Quum in his Alexander versaretur, decrevit tamen oratores ad illos (Germanos Rhenum transgressos) de pace mittere, qui pollicerentur, omnia illis principem Romanum, quorum foret opus, prabiturum, pecuniásque daturum magnâ copiâ. Sunt enim Germani pecuniae imprimis avidi, nunquamque non auro pacem Romanis cauponantur. Quare Alexander pacem federâque potius ab illis emercari, quam periclitari bello tendebat. Claudio:*

*Illi terribiles, quibus otia vendere semper  
Mos erat, & fœda requiem mercede pacis.*

Denique, urgentibus imperii fatis, pauca per orbem valida, pleraque debilia sufflaminandas monuere cupiditates. & nulla Senatus, oblitterati iam nominis, in eo cura, an imperii extrema del honestarentur. Ad capita rerum, Imperantes dico, caussarum evolet indagatio. Quos duæ cum primis imperatrices affectiones à gloriæ cursu transversos egere, Invidia erga

N 2 Divos

Divos antecessores, & Metus ex ducibus ad  
ingentia bella mittendis. Ingrati virtutum in-  
terpretes, à prioribus occupatam laudis existi-  
mavere possessionem, suæque demum gloriæ,  
quidquid cessisset alienæ. Quamobrem negle-  
ctim habita sunt illis, quæ adjecerat imperio  
cura cœlo dicati decessoris. In mari rubro clas-  
sem Trajanus instituerat : provincias fecerat  
Armeniam, Assyriam & Mesopotamiam : in-  
vidit operibus Hadrianus. De quo Sextus Ru-  
fus in Breviario : *Hadrianum gloriæ Trajani cer-*  
*tum est invidisse, qui ei succedit in imperio.* *Hic*  
*sponte propria inde eductis exercitibus, Armeniam,*  
*Mesopotamiam & Assyriam concessit.* Immò, si Ta-  
citū audire dubitantē lubet, ipse livorem in po-  
stera secula porrexisse videtur Augustus. Utin-  
que, postquam mari Occano septum, & amni-  
bus longinquis (inter quos Rhenus) imperium,  
& relictum imperii Rationarium dixisset, addi-  
derat, inquit, *consilium, coercendi intra terminos*  
*imperii, incertum metu, an per invidiam.* Per in-  
vidiam, ne Augsteum aliquando sidus obfusc-  
raretur à splendidiore, trans Rhenum, Danu-  
biuumque & Euphratem radios spargente. Sed  
validior est invidiâ metus. Imminere sibi pu-  
tabant, intendi sibi principes, quod in hostes  
parabatur, illi præsertim, qui hostilia, quum  
facerent, timebant. Eodem ergo tempore mi-  
litaria

litaria studia , nec animos modò , sed & corpora ipsa languescere , gladios etiam incuriâ hebetari retundique gaudebant. Et ipsi inde duces adolescenti de se famæ largiri non audebant alimenta. Quippe qui non tam regum extero-ruim , quam suorum principum insidias , nec tam hostium , quam commilitonum manus operirentur & ferrum. Adeò ut nihil tam timerent , quam ne timerentur. Mutuus igitur iste mittentium timor , ac missorum , intercepit egregios quosque pro republica conatus. Arariū Mosellæ committere L.. Vetus , inter utrumque fossâ ductâ , parabat: Helius Gracilis obstatit , deterrendo Veterem , ne studia Galliarum affectaret , formidolosum id imperatori dicitans , quo plerumque prohibentur conatus honesti. Annal. x i i i . Cùm Agricolam victoriæ Britanicæ rumoribus objecissent , trepidabat ad tanti famam ministri Domitianus : Id sibi maximè formidolosum , privati hominis nomen supra principis attolli : frustra studia fori , & civilium artium decus in silentium acta , si militarem gloriam aliis occuparet. & cetera utcunque facilius dissimulari , ducis boni imperatoriam virtutem esse. Idem Domitianus , sub quo Britanniæ molem Julius quoque Frontinus sustinuerat , vir magnus quantum licebat. Valerianum coquebat idem sub pectore fixus angor : de quo Zosimus libro 1.

At Commodus, excogitato suspicacis animi  
munimento, liberos eorum, qui cum imperio  
proficiscerentur in provincias, excedere Româ  
vetabat, *ως ἔπειρον γέγοντα τε οὐρανοῖς πίστεως,*  
*ut haberet obfides benevolentiae illorum fideique.*  
Herodianus libro III. Adspice ducem, qui  
triumphata nomen à Germania tulit. Majo,  
illi prope modum ex patruo, quam ex hostei  
metus; ex patruo, tum quoque virtutibus alie-  
nis iniquissimo, cum opere earum indigeret.  
Tiberio haud ingratum accidit, turbari res Orientis,  
ut ea specie Germanicum suetis legionibus abstraheret,  
novisque provinciis impositum, dolo simul & ca-  
sibus objectaret. Annal. II. Itaque, quanto hic  
intentuīs, per saeva, per prospera, gloriam edo-  
mitæ Germanidos affectabat, tanto ille cre-  
briori literarum missatione bellaturientem  
fatigabat, ut ad decretum triumphi rediret ho-  
norein: metu, ne, ob acerrima militum stu-  
dia, habere nepos imperium, quam exspecta-  
re, inallet. Donec modestiam ejus expugnavit,  
ac parto jam (sic enim Germanicus interpre-  
tabatur) abstractum decori, regredi Romanam  
coëgit. Unde auditæ sunt in funere voces, præ-  
peditum esse, *percussas tot victoris Germanias ser-*  
*vito premere.* Vicinus noster ab occasu Friso,  
propter timida suspicionum, eodem ulcisci non  
audente Cæsare, victorem vicit impune Ro-  
manum.

manum. Clarum inde inter Germanos Frisum nomen, disimulante Tiberii damna, ne cui bellum permetteret. Annal. IV. Sed quid in ipsa Chaucide præfulgens exhibere moror exemplum? Corbulo res inibi dignas imperio, dignasque magnitudine sua, gerere destinarat: excitata Claudiī vecordia spem de gloria gentis subjugandæ conceptam interpellavit, ac compulit antiquæ virum generositatis antiquorum ducum voto requirere felicitatem. Dio lib. LX. Γναῖς οὐ Δομί-  
νοῦ Κορβύλων, εὖ τῇ Κελτικῇ σεριηγῶν, πέτε σεριεύματα  
σωματικής, οὐ τῷ βαρβάρων ἀλλας τε νοῆς οὐδὲ λαγών Και-  
χεις οὐδίκε, Εἰ αὐτὸν εὖ τῇ πολεμίᾳ οὐδὲ δικλαύδιον οὐε-  
κόλεσε. τὼ τε γὰρ αἱτίων αὐτῷ οὐ τὼ αἴσκητιν μαθῶν, σοὶ  
ἐπέτρεψεν αὐτῷ ἐπὶ τολέον αὐξηθῆναι. πυθόμενον οὐ τοῦ οὐ  
Κορβύλων ἐπανῆλθε, τοσοῦτον μάνον ἀναστοίσας, Οὐ μεγά-  
ειοι οἱ πολιτικοὶ σεριεύματας οὐδὲ λαγών οὐδὲ τοῖς μὴ  
ἀνινδιάσας ἀνδρεστίζεσθε οὐδὲ, αὐτὸς οὐδὲ τῶν οὐδὲ τοπερί-  
τος οὐδὲ τὸ φέρον οὐεποδίθη. Quæ sic Annali Undecimo, sed augustiora leguntur ac sublimiora:  
Corbulo semina rebellionis (Chauco) præbebat, ut  
læta apud plerosque, ita apud quosdam sinistrâ fa-  
mâ, cur hostem conciret? adversa in rem publicam  
casura: cùm prospèrè egisset, formidolosum paci,  
virum insignem, & ignavo principi prægravem.  
Ideo Claudius adeò novam in Germanias vim  
prohibuit, ut referri præsidia cis Rhenum juberet.  
Iam castra in hostili solo molienti Corbuloni, hæ  
litteræ redduntur. Ille re subita, quanquam multa  
simul offunderentur, metus ex imperatore, contem-

*tio ex barbaris, ludibrium apud socios, nihil aliud  
prolocutus, quam, beatos quosdam duces Romanos,  
signum receptui dedit.*

## C A P. XI.

De his qui Cauci nomen consumsere. *Qui Franci, Sa-  
xones, Frisi. Saxonum antiqua, trans Albim, sedes.  
Ad armorum jaciendam aleam, Cimbrorum Fran-  
corumque gloriā proritati. Saxonum littus in Gal-  
lias usque procurrebat. Quoad famam gentis, celsi-  
tudinem corporum, ad bella promptitudinem, equo-  
rum estimationem, comparatus cum Saxone succe-  
sore Caucus. Vexilla Saxonis equorum nobilitata pul-  
lis. Eorundem fremitu futurarum rerum eventus ex-  
plorati. Clariores sāpe gentes nominis ambitus sui po-  
pulos occupāsse, quos tamen ipsi mixtione sui neuti-  
quām violavēre. Neque Saxona, neque Francum ili-  
cet effecisse, ne Caucus audiretur. In tractu Bede-  
kesano Caucorum, Saxonumque, Monumenta. Frisi  
nominis amplitudo, longā serie paroceanitin imple-  
tis. Id inditum utriusque Cauci portioni.*

**M.** Annæus Seneca in Consolatione ad Helviam: *Nova gentium nomina, ex-  
stinctis prioribus, aut in accessionem validioris con-  
versis, oriuntur. Primò Franci nomini, tan-  
quam validiori, Caucus accessit: dein Saxonis,  
atque Frisonis. De Franco dictum nobis  
est anteeuntis libri cap. vi. quo publicas Cauci  
conabamur exhibere transportationes. Saxo  
quondam, Albi discludente, summovebatur  
à Cau-*

à Cauco. Ptolemaeus lib. II. cap. XI. Εἰπεὶ Καῦ-  
χοι οἱ μείζοι, μέχει τὸ Αἴγαθον ποταμοῖς. ἐφεξῆς δὲ ἐπὶ τὸ  
αὐχένα τὸ Κριμβελκῆς χερούλης Σάξονες. αὐτὴν δὲ τὴν χερ-  
ούλην, τῶν ἐπὶ ταῖς Σάξονας, κατέχεται Σιγυλόνες. Id  
est, Deinde Cauchi majores, ad Albim usque flu-  
men. hinc, super cervicem Cimbriac peninsulae, Sa-  
xones. ipsam verò peninsulam, supra Saxones, te-  
nent Sigulones. & qui sequuntur. At ingens an-  
tiquâ gloriâ Ciimber, ac recenti Francus, ex-  
citavit impetus ad bella maximi nationem, ut  
& ipsa robur experiri suum, ac Septentrionis  
asperum pavefactis inferre gentibus auderet.  
Itaque maria, cum primis admirabili, Latini-  
isque decantatâ fiduciâ persultans, ac subin-  
de terras quoque terribili populata strage, cre-  
brisque Galli, Britanni, Romani pasta funeri-  
bus, eam sibi famam circumdedit, uti non in  
Caucos modò, vicinósque, sed & in Belgii  
maritima, Galliæque, Saxonicum nomen, at-  
que magnitudinem, propagârit. Haud verò  
degeneri, neque penitus absimili sibi, pri-  
scum nomen Caucus permisit inseruitque na-  
tioni. Contende cum Saxone Caucum. Cauci  
populus inter Germanos nobilissimus. Et Σάξονες,  
autore Zosimo, πάντων δὲ καρτερώτεροι τοιοῦτοι  
γνομένων βαρβάρων. Saxones omnium, eas regiones  
incolentium, barbarorum, validissimi habiti. In-  
gentium corporum Albis ac Visurgis exsti-

tēre duratores. unde Caucorum *[juventus im-*  
*mensa corporibus]*, edente Paterculo. De Saxo-  
nibus Britanniæ scriptor: *Homines staturā pro-*  
*cerā, membrorum compositione, & lineamentorum*  
*conformatio[n]e conspicui.* Omnibus *promta Cau-*  
*cis arma.* Marcellinus Ammianus lib. xxviii.  
*Prae ceteris hostibus Saxones timentur, ut repentin[i].*  
*Et Orosius: Saxones virtute atque agilitate ter-*  
*ribiles.* Æstimator equorum Caucus erat. Et  
in precio Saxo natum pugnis animal habebat.  
Hinc gentis primores, inferente bella Carolo,  
pullos equinos atros, tanquam insignia sua, mi-  
litaribus inscripta vexillis, ostentabant. Quan-  
quam coloris inauspicatum, post dictum me-  
liori religioni sacramentum, albente, veluti  
lucis alumno, mutavere. Ne nunc equorum  
monitus atquc præsgia memorem, ex hinni-  
tu, fremitūque, prisco solita Saxonii captari.  
Gratuletur ergo sibi de fato suo, permixta Sa-  
xoniæ potissimum *Xawxis*: quandoquidem cun-  
ctos ea fata populos urgent. Seneca: *Vix de-*  
*nique invenies ullam terram, quam etiam nunc in-*  
*digenæ colant. permixta omnia & insititia sunt:*  
*alius alii succedit.* Ita fato placuit, nullius rei  
eodem semper loco stare fortunam. Quanquam  
vix ulla poterit historiæ reluctari fides, si quis  
Caucum tantummodo Saxonis accessisse no-  
mini putet. Ut Achæi aliquando, Indi, Fran-  
ci, im-

ci, immensa terrarum spatia maiestate nominis, atque dignatione, sunt amplexi, quibus tamen ipsi neutquam immissi leguntur, aut infusi. Certè non fuisse penitus absorptum à Saxone Caucum, Zosimo credamus atque Clandiano, quos antegressi libri cap. vi. produximus, & hujus cap. vii. In recessu terræ finūque, quem, Oceanum subituri, Albis atque Visurgis efficiunt, saxorum visuntur ingentium moles, mortali, quod intuenti patet, opera conatūque substructæ: quæ nunc quoque MONUMENTA CAUCORVM, SAXONVMQVE, ducis autoritate famæ dicuntur. Annis deinde volventibus, æmulata Saxonæ claritudinem, se quoque cœpit extende-re Frisia, nec in Batavi modò, sed in Dithmarisi, sed in utriusque Cauci, amplitudine nominis, evagari ditiones. Unde multa nunc Chau-cis Minor, Orientalis audire Frisia consuevit: & in Majore paroceanus modò Frisiæ, modò Saxonis amat appellatione superbire.

## C A P. XII.

Elogium Caucorum, è Tacito.

**S**I cogitationes nostras consulamus, & vota conveniamus, improbum fuerit elogium sperare magnificentius eo, quo Trajani temporibus, aut admoti jam, aut admovendi sum-mæ

mæ rerum, Caucum florentissimus extulit au-  
torum. Caucum, qui natus est hoc magnitu-  
dini suæ posteris tradendæ par ingenium: quod  
communia magnis minutisque scriptoribus vi-  
tia triumphat, incuriosam exteræ memoriam  
virtutis, & invidiam. Ejus quidem admirati-  
onē peculiaria dicare capita destinabamus.  
Sed eat potius absque nostrorum humili co-  
mitatu verborum. In libello de Germania:  
CHAVCORVM GENS, QVANQVAM INCIPiat A FRI-  
SIIS AC PARTEM LITTORIS OCCVPET, OMNIVM  
QVAS EXPOSVI GENTIVM OBTENDITVR, DONEC IN  
CATTOS VSQVE SINVETVR. TAM IMMENSVM TER-  
RARVM SPATIVM NON TENENT TANTVM CHAV-  
CI, SED ET IMPLENT. POPVLVS INTER GERMANOS  
NOBILISSIMVS, QVIQVE MAGNITUDINEM SVAM  
MALIT IVSTITIA TVERI. SINE CVPIDITATE, SINE  
IMPOTENTIA, QVIETI SECRETIQE, NVLLA PRO-  
VOCANT BELLA, NVLLIS RAPTIBVS AVT LATROCI-  
NIIS POPVLANTVR. IDQVE PRÆCIPVM VIRTUTIS  
AC VIRIVM ARGUMENTVM EST, QVOD UT SVPE-  
RIORES AGANT, NON PER INIVRIAS ASSEQVN-  
TVR. PROMTA TAMEN OMNIBVS ARMA, AC SI RES  
POSCAT EXERCITVS. PLVRIMVM VIRORVM EQVO-  
RVMQE, ET QVIESCENTIBVS EADEM FAMA.


*Lateri*

F I N I S.


## CORRIGENDA.

Pag. 6. lin. 17. lege, Francofueviam. 16. 21. hos. 27. 1. vinorum. 43. 1.  
allegandum. 24. τόπων. 66. 18. & nihil ausos. 71. 4. atqui. 78. 4.  
cavilicagi. 79. 7. dele, cognitæ. 89. 22. vitaturus. 94. 17. ac sortem.  
100. 18. momentum. 111. 26. dele notam interrogandi. 112. 7. appel-  
labat. 116. 12. domina. 127. 12. gentiles. 132. 23. reverentia. 135. 25.  
deprehenduntur. 139. 2. admirationi. 142. 26. uterentur. 160. 2. LVI.  
168. 22. opperiundas. 170. 11. velitationibus. 15. foret. Ipso. 182. 25.  
naturæ. 187. 3. De quo Dio. 190. 7. Transfrhenani.

















1811  
1812  
1813

Lug. Oct.  
1813

Th  
6068